

CLAVDII 4.

GALENI ALI-
QVOT OPVSCVLA
NVNC PRIMVM VE-
NETORVM OPERA
INVENTA ET
EXCVSA,



*Quorum sequens tibi pagella catalo-
gum indicabit.*

.*

I
N
V
I
R
T
V
T
E



E
T
F
O
R
T
V
N
A.



LVGDVNI,

*Apud Gulielmum Rouillium sub scuto
Veneto.*

1550

CLAVD. Galeni, de muscularum dissectione ad Tyrones, liber August. Gadaldino medico Mutinensi interprete. Hic in impressis codicibus Græcis desideratur.

GALENI de nervorum dissectione ad Tyrones, liber integer, August. Gadaldino Mutinensi interprete. Hic in impressis Græcis exemplaribus corruptus, ac mutilus legitur.

GALENI de Vocalium instrumentorum dissectione August. Gadaldino Mutinensi interprete.

CLAVD. Galeni, brevis denotatio dogmatum Hippocratis, quam Ioannes Stobæus, sermone nonagesimo nono, Galeno ascribit, Conrado Gesnero Tigurino medico interprete.

GALENI fragmentum ex quatuor commentarijs, quos ipse inscripsit, de his quæ medicè dicta sunt in Platonis Timæo, August. Gadaldino interprete.

PRINCIPIUM commentarij primi, in primum librum Hippocratis Epidemiorum, quod in alijs impressionibus desiderabatur, nunc primum à Nicolao Machello medico Mutinensi, latinitate donatum.

ORIBASII de Cucurbitulis, scarificatione, hirudinibus, derivatione, & revulsione sermo, ex septimo & octavo Medicinalium collectionum, ad Iulianum Imperatorem libro, August. Gadaldino interprete.

GVIL

GVLIELMVS RO-
VILLIVS LECTORI
BENEVOLO S.



VIA audieramus ali-
quot Galeni opuscula
Venetijs recens inuen-
ta fuisse, quæ nusquam
post hominum memo-
riam visa fuissent, nos
pro munere nostro, & voluntate ea qua sem-
per quum studiosorum omnium, tum vero Me-
dicinæ candidatorum studia iuuare volumus,
nihil prius duximus, quàm vt ad ea quampri-
mùm recuperanda amicorum opera utere-
mur, nō ferendum omnino esse arbitrati, quòd
tandiu Medicinæ studiosi fructu eo priuari en-
tur quem ex librorum eiusmodi lectione per-
cipere posse videbantur. Nostra itaque &
amicorum industria effectum est, vt & primi
omnium in Gallia opuscula ea haberemus, &
municipibus nostris (quia inter Galeni opera,

quæ tum vniuersa excudebantur, deesse vide-
 bant) transcribenda daremus. Quia verò sub
 ea forma qua hætenus Galeni libri ex nostra
 officina in manus tuas prodire, desiderari
 posse videbantur, ea in Enchiridiij modum re-
 ducta publicare nobis visum est: tum vt *omn* ijs
 Galeni libris quos iam excudimus congrue-
 rent, tum etiam ne nouitatis auidus lector,
 propter hosce aliquot recens in lucem editos
 libros, vniuersum illud Galeni librorum cor-
 pus nuper Venetijs impressum, emere maxi-
 mo cogeretur. Tu igitur lector beneuole, no-
 stram hanc & amicorum operam, ac de tuis,
 tum studijs, tum commodis benemerendi stu-
 dium, æqui boniq; consule, & nullo tuo,
 aut certè paruo impendio his libris
 fruire, donec alios tibi eiusdē
 Galeni libros multò
 vtilissimos pa-
 ramus.

*

Vale.

C L A V D.

GALENI DE MUSCULORVM DIS- SECTIONE AD TY- RONE'S

LIBER,

AVGVSTINO GADALDI-
NO MEDICO MVTI-
NENSI INTER-

PRETE.

*Liber hic in impressis codicibus Græ-
cis desideratur.*

*

P R O O E M I V M.



VSCVLORVM DIS-
sectionem sine reprehen-
sione certè conscripsit
nemo, accuratius tamen
multò quidem quàm alij
Marinus. Verùm cùm
nec vno tantùm libro,
nec ordinatim de omni-

bus ipse narrauerit, idcirco Pelopis, & Lyci, &
Aeliani musculorum dissectio in pretio iure ha-
bita est. Pelopis igitur in tertio Hippocratica-
rum institutionum libro, vnà cum omnibus alijs
corporis partibus, musculos quoque dissecuit.

Lycus maximum de eisdem librum composuit. Aelianus in eo libro, quem veluti compendium voluminum anatomicorum à patre conscriptorum, fecit, simul cum aliis cunctis particulis, musculorum quoque & ipse scripsit dissectionem. Longior autem euasit Lyci liber: quod & prolixius omnia interpretetur: quodque logicas quaestiones iis, quæ ex dissectione apparent, commiscuerit: ac prætereà, quod de affectibus multos sermones habuerit, quorum quædam nulla in re musculorum dissectionibus accommodantur. Aelianus sanè & Pelops sola ea quæ apparent, persecuti fuere: quod & ego nihilo secius nunc facere decreui. Nam de musculorum motu alibi duobus commentariis tractatum à me fuit. De utilitate verò simul cum reliquis omnibus in magna illa narratum est tractatione, quæ de particularum usu inscripta est. Ac prætereà quoniam quis modo optimè non in musculis tantum, sed in aliis etiam omnibus animalis particulis dissecandis se exerceat, in anatomicis administrationibus traditur. Quare nihil quicquam priuatim scribere statueram de musculorum dissectione: sed ubi quæcunque omnia per dissectiones à nobis inuenta sunt, in vnum volumen congererem: tunc quoque quæ à superioribus medicis in musculis dissecandis prætermissa vel non rectè inuenta fuere, manifestare decreueram. Cùm tamen nonnulli amici per seipsos sese vellet exercere, commentarios non ab re quosdam habere eorum quæ me indicante inspexere, voluerunt, meque ut hunc librum componerem, impuler

lerunt. In quo quæcunque in musculorum apparent dissectione, doceo. Nullam autem de actione demonstrationem adhibeo, sed capita duntaxat eorum, quæ in aliis libris demonstrata sunt, in memoriam reuoco. Si quæ verò Lycus prætermiserit, vel indiligenter scripserit, eorum me aliquam mentionem facere voluere: quâdoquidem hic clarissimè omnium atque optimè musculos dissecuisse creditur. Hæc igitur sunt, quæ hic liber pollicetur. Sed iam ad eorum narrationem veniamus. Qui se in musculorū dissectione exercere cupit, suffocata in aqua simia, primū ipsam excoriet, quemadmodum in anatomicis administrationibus dicimus. Nam in hoc multi errarūt, cuiuslibet hoc opus imponentes.

De lato musculo sub colli cute latente, buccæque mouente.

CAP. I.

Idem pleraque alia dilaniant ac cōfundunt, veluti etiā nihilominus tenuem illum, ac latum musculum, qui sub cute in collo habetur: quem si quis etiā nolit musculum appellare, sed musculosam naturam, vel substantiā, vel quomodo-cunq; velit ipse vocare, id faciat licet. Incipit hic musculus in priori quidem parte ex labrorum ac buccarū, in posteriori verò ex spinæ regionibus, toti cuti quæ circa collum est, in orbem subten-sus, tenuis membranosusque existens: vt ob hoc ipsum lateat, ac mēbrana potius, quā musculus esse videatur, quousq; vnā cū cute inspicitur: nā si ab hac separetur, manifestus euadit. Nullus ve-

rò ab hoc musculo detinetur articulus, quandoquidem nec in articulum etiam inferitur, verum buccas ac cutim, quibus coalescit, solas mouet. Eius autem motus etiam ante dissectionem in nobis ipsis euidentis ac clarus est, cum buccas à se ipsis mutuò ad latera citra inferioris maxillæ motionem, orisq; apertionem, abducere volumus. Iam & in iis qui spasmo corripiendi sunt, primus omnium intenditur hic musculus. Et qui cynici, id est canini, vocantur spasmi, hoc præcipuè musculo affecto fiunt. A nobis porrò musculus hic, clarioris doctrinæ gratia, myodes platysma, id est, musculosa dilatatio, appelletur. Itaque toti quidem ceruici circumiectus est, deorsum verò fertur, in priori quidem parte vsque ad clauiculas: in posteriori verò iuxta scapularum spinas, vsque ad metaphreni seu dorsi principium. Quod verò inter hanc insertionem, & originem, est medium, membranosum existens, rectum, per mediam, quæ in collo est, spinam extenditur. Hoc igitur corpus dissectionis professores, cum malè animal excoriarent, ignorarunt. Sed iam tempus est, vt ad faciei musculos accedam.

De labrorum musculis.

C A P. I I.

Labrorum musculi, qui & exactè labrorum cuti permiscetur, quatuor numero sunt, duo ex superioribus partibus, vtrinque nimirum vnus à malis obliqui discedentes, & duo ex inferioribus, ab extrema maxilla, vbi est mentum quod vocant, id est, gen^aon, vtraque etiam
nini

nimirum parte vnus, alter à dextra, à sinistra alter. Sanè si ambo superiores tensi fuerint, superius labrum, sursum trahitur, sin alter solus, ad eum labrum attrahitur: Ita quoque de inferioribus dicendum. nam si ambo extensi fuerint, deorsum trahitur labrum: si alter duntaxat, versus illum attrahitur. De labrorum verò in priora motu, de quo nullam omnino mentionem fecerunt dissectionis professores, in alio dicetur libro, in quo etiam de omnibus aliis obscuris dubiisve motibus tractabo.

De musculis qui ad nasi alas sunt. CAP. III.

DVO sunt alij vsquequaq; exigui musculi, qui à malis incipientes vtrinq; vnus, in sibi respondentem nasi alam inferuntur, ipsam aperientes. A nullo autem musculo nasus contrahitur: sed cum prædicti musculi ab actione cessant, mediam tunc ipse acquirit constitutionem. Nullus verò est musculus, qui nasum à prædicta apertione ad maiorem abducat: sed in vehementioribus inspirationibus, alæ spiritus impetum insequuntur. Deorsum porrò trahitur nasus, quòd labra per appensionem consequatur.

De musculo frontis natura, qua sub cute est.

CAP. IIII.

ET sanè frontis cuti, musculoſa quædã natura tenuis subtrèditur, ipsiq; cuti coalita est. ideòque tota quæ in fronte est cutis, maxilla etiã quiescente, mouetur

De musculis oculorum. CAP. V.

MVSculi qui circa oculi basim siti sunt, siue quis vnum esse ipsam dicat, siue duplicè, siue

triplicem, siue etiam duos vel tres coalitos, ad firmandū certē oculū conferunt, cū præsertim pupillū aliquod corpus, accuratē directō inspiciendū nobis sit. Cæteri omnes qui oculū mouent, sex numero sunt: quorū quatuor rectis motibus præsumunt, reliqui duo totum oculum circunuertunt. Sed hi à magni anguli regionibus prodeuntes, in paruū pertingunt. Ex aliis quatuor, vnus oculū sursum, alter deorsum, tertius ad nasum, quartus ad paruū angulū, trahit. Quicunq; verò nō sex, sed quinque affirmant esse hos musculos (id quod etiam Lycus opinabatur) ij non in numero solum eorum, sed in actionibus quoque cognoscendis errant.

De musculis maxillam inferiorem mouentibus.

C A P.

V I.

Quatuor musculorū cōiugationes maxillam inferiorem mouent, ac sursum quidē trahunt, qui crotaphitæ, id est temporales, vocantur: & qui intra os siti sunt. Ad latera verò adducunt, qui in buccis sunt locati, quos masseteras, id est, masticatorios, nomine ab vtilitate imposito, appellant. Deorsum trahunt reliqui duo: sed hi angusti prolixique sunt: qui post infraque aures incipientes, & per collum in priora procedentes, atque deinde in idem mutuo, qua maxillæ inseruntur, cocuntes, ipsam, cū tenduntur, aperiunt. Hi soli inter omnes musculos, ambas quidē partes extremas, carnosas habent: mediā verò quæ referat tendonem exquisitū. Ex reliquis, cōiugationibus validis magnisque temporales vtrinque, vnus, in extremas maxillæ cornas, id est cornices, & in maxillam ipsam per

pertingunt: circa cornicis ecphyfin, id est, exortū
sive processum, validis aponeurosis (quasi pro-
neruationes dixeris) inserti, per quas tum maxil-
lam sursum trahunt, tum os claudunt. Quapro-
pter hos musculos aliquando manusios non iu-
niores tantum medici, sed & antiquiores etiā, ve-
luti Hippocrates appellant. Prope verò eam par-
tem, quā prædictorum musculorum tendones ex-
pullulant, transversum os extrinsecus impositum
circumpositumque est, quod zygoma, id est iuga-
le, appellatur. Qui verò intra os sunt muscoli, la-
tis quidem causisque maxillæ inferioris partibus
incumbunt: ad palatum verò ascendunt, causis quæ
inibi sunt ossibus, quæ à processibus quos ad ala-
rum similitudinem pterygoideis Græcè vocant,
circundantur, inserti. His musculis validus qui-
dam tendo hoc in loco inest: Tota verò horum
musculorum transversa pars, cum musculis tem-
poralibus coalescit: & sanè eandem quam tem-
porales actionem obeunt: inferiorem nimirum
maxillam in interiori parte sursum trahentes.
Quidam partem quandam temporalium eos esse
existimant, ut Marinus: Nonnulli priuatim ipsos
separant, ut Aelianus & Pelops. Lycus autem cum
hos prorsus ignorasset, illos reprehendit qui qua-
tuor esse temporales musculos dicunt. Reliqui
duo muscoli [triangulares] extrinsecus secundum
inferioris maxillæ longitudinem insident, præ-
teruecti verò atque inserti duobus ipsorum capi-
tibus, ad malas & os iugale ascendunt, bini re ve-
ra utrinque existentes non unus. Mutuam enim
in mandendo excipiunt tum actionem, tum usum,

alter in priorem, alter in posteriorem partem maxillam mouens. Iidem etiam musculi in temporales intra os iugale coalescunt.

De musculis qui à capite in scapulas inseruntur.

C A P.

V I I.

A Blata prima omnium musculosa latitudine, duo musculi ex osse capitis, quod in occipite est, vtrisque vnus se mutuò tangentes, exoriri videntur, alter à dextris animalis partibus, à sinistris alter. Est autem eorum exortus gracilis latúsque, per transuersam lineam ad aures procedens: ad vtranque tamen aurem haud peruenit, sed multò breuior est. Hinc duo musculi inchoantes, magis ac magis perpetuò dilatantur: ac tandè scapularum spinis vsque ad acromion, id est summum humerum vtroque inseruntur, aliquid etiam clauicularum comprehendentes. Hos musculos ante dissectionem in Gymnasticis euidenter videre possumus: plenissimi enim corpulentissimi que sunt, ac totam ceruicem occupant. Horum officium non est, vt Lycus vnà cum pleuris que aliis dissectionis professoribus deceptus affirmabat: neque enim caput ad scapulas detrahunt, sed ipsas ad illud trahunt. Hoc autem in anatomicis administrationibus demonstratur. in quibus etiam de plerisque aliis motibus, qui superiores medicos latuerunt, abunde persequimur: ac methodum etiam, qua singuli motus inueniri debeant, docemus. Post musculorū prædictorum exortum dissectum, altera quædam subiacet musculorū gracilium & longorum coniungat

gatio,*torta quidem ac lata in exortu,semper ter- * alias
men dum progreditur teretior euadit:ac deni- gracili.
que in tenuem tendonem nerui instar exacte tere-
tem finiens,ad principium basis scapularum inse-
ritur.qui tendo ab intrinsecis partibus propter
basin prouectus,atque ad eius vsque dimidium
progressus,sic iā in ipsum basis os inseritur. Hu-
ius vtilitas est scapularum basin è directo capitis
attollere. Hunc etiā tendonem ignorauit Lycus.

De musculis scapulas mouentibus.

CAP.

VIII.

SEPTem sunt musculi qui utrāq; mouent scapu-
lam:Ac duo quidem ab occipite deorsum obli-
qui feruntur,de quibus superius dixi:Tertius à
transuerso processu primæ vertebræ exoritur:
Quartus ab ossē guttur,hoc est larynga,ambien-
te:Duo alij, quintus nimirum & sextus,ex spina
dorsi exortum obtinent: Septimus, à lumbo in
humeri dearticulationē ascendit maximus mu-
sculus:cuius naturam omnem in sequentibus in
ealibri parte declarabo,in qua de musculis arti-
culum humeri mouentibus tractabo. Sanè mu-
sculus qui à prima vertebrā exoritur,in extreni-
tatem spinæ scapularum,qua sublimior ipsa est,
apud acromium in tertiam ferè ipsius vniuersæ
partem inseritur.Est autem carnosus minimèque
latus musculus hic:scapulāque ad transuersas
colli partes adducit.Huius musculi non actio-
nem solū, sed exortum quoque & insertionem
ignorauit Lycus,incipere eum ab iis caluariæ
processibus, qui à colūnæ similitudine steloæ deis
Græcè appellantur,atque in acromium perueni-
re

reputans. At qui ab osse guttur ambiente exortum habet, in eam præcipuè altioris costæ scapularum partem inseritur, vbi principium processus illius habetur, qui propterea quòd anchoræ similitudinem repræsentat, angyro^ades Græcè nominatur. Angustus autè, & longus est hic musculus, scapulamq; in priorem regionem ceruicis versus proprium principium adducit, id quod omnium musculorum est commune. Qui verò à lumbo in humeri dearticulationem ascendit musculus, ac toti basi^a cuiq; scapulæ partibus secundum humiliorem costam adhæret, ex inferiori, & priori parte totam scapulam his apprehensionibus deorsum ac in priora ad seipsum trahit. Ex reliquis duobus musculis, à quibus solis scapulam moueri arbitratur Lycus: alter quidem in superficie ex omnibus thoracis vertebra exoritur, in inferiorem spinæ scapularum partem inseritur. Alter verò sub hoc ipso situs, exoritur quidè, & ipse ex septem thoracis vertebra, & ex quinque etiam ipsius ceruicis, inseritur autem in totam eam basis partem, quæ cartilaginea est. Vterque igitur ipsorum retro abducit scapulam, sed prior vnà etiam deorsum trahit, secundus veluti ad ceruicem sursum trahit. si verò ambo simul tensi fuerint, retro versus spinam dorsii totam scapulam ad septem superiores thoracis vertebra, quibus etià ipsi exporrecti sunt, abducunt.

De musculis caput mouentibus.

C A P. I X.

MOriones propriæ capitis, quæ quiescente ceruice fiunt, breuissimæ ac duplices sunt, quemad

quemadmodum duplices etiam sunt eius dearticulationes, altera qua ipsum ad latera circumvertitur, altera qua in priora annuit, & in posteriora abnuit. Eiusdem verò capitis motiones, quæ vnà cū totius cervicis motu fiūt, longiores sunt, de quibus diffusius paulò post narrabo. Nunc de sibi propriis musculis agā. Post prædictā cōiugationē graciliū musculorū, quos & ipsos ex occipitis ossē exorientes scapulam attollere diximus, altera déinceps coniugatio est, exortum trāsversum simul, & carnosum, latūmq; vsq; ad aures obtinens. Huic altera quædam coalescit, principium à regione quæ sub auribus est, sumens. Hæ per totam cervicem ad priora obliquæ feruntur, atque in primo quidem exortu mediocriter coalescunt, in subsequēti verò déinceps loco, magis dehiscunt. Ob idq; aliquibus fortasse duo musculi ab utroq; cervicis latere, non vnus esse videbuntur. Amborum sanè similis est utilitas, motus, & fibrarum positio. Vno tamē solo differunt, quòd prioris musculi fibræ à primo exortu carnosæ existētes, eiusmodiq; ad finem vsq; perdurātes, in claviculæ os inseruntur: secundi verò tū principium veluti ligamentum habent, tum finē veluti tendonē, qui sanè ad pectoris os terminatur. Dividi verò quoquomodo, & hic secundus musculus ab homine qui subtiliter adeò partiri rē velit, in binos potest. Scinditur enim aliquo modo circa collū, vt & adhæreat, eiúsq; partes appensas tāgat. Altera ergo pars quæ prior est, oīsi pectoris nervōso fine inseritur: altera in claviculæ principium carnosam insertionem facit, quæ inter

ter hūc ipsum ad pectorale os terminantem, & supra dictum ab occipite exorientem; media posita est. Hic totus musculus vnus quidē motu & vtilitate est statuēdus: motus nāq; ipsius est obliquus: vtilitāsque est, vt caput in priorē partē circūagat: Non vnus verò, quòd non omnino admodum sit continuus, quòdque exortus & insertiones haud similes omnes* rectāsque, habeat. Nā cius sunt duo exort², carnosus quidē, qui ex occipite est: neruosior verò quodammodo, qui sub aure. Insertiones item sunt, cuiusmodi nunc iam diximus: altera, quæ ad clauiculā peruenit, carnosā: altera quæ in os pectorale inseritur, neruosa. Sed in his non magnopere errarunt dissectionis professores. Quòd verò arbitrati ipsi fuerint, musculi illius ab occipite enascentis portionem toti ipsius clauiculæ longitudini inferi, non paruum profectò circa apparentia conspectuique subiecta, peccatū committere. Id tamen non Lycus modò, sed & alij quoque celebres viri affirmarunt. quanquam fanè nedum totam musculus hic clauiculam, sed ne dimidiam quidem occupat. Huiusce igitur coniugationis musculi magni admodū sunt, vt etiā ante dissectionem in omnibus hominibus, ac præsertim in Gymnasticis, facilè dignosci possint. Qui verò retrò ex occipitio enascuntur, multò his minores sunt, atque numero quàm plures. sunt autem duo (vt quispiam dicat) ipsorū genera, alterum colli & capitis commune, alterum solius capitis. Quod ergo colli ac capitis est commune, in octo diuiditur musculos, ab vtraque nimirū spinæ parte quatuor. quorum prima coniugatio
latoꝝ

latos in occipite exortus obtinens, angustior in descensu redditur; sitq; vtriusque singillatim musculi figura ad similitudinem trianguli rectanguli, cuius quidem basis sit ipse ex capite exortus, altera autem costa quæ ad rectum angulum accedit, sit spinæ apex, id est acantha; reliqua verò tertia, sit illa quæ has ambas coniungit. Ergo ex prædictis est manifestum horum musculorum fibras obliquas esse, à capitis lateribus ad posteriora inuersas. Hi sanè musculi ex vtraque parte vnus, tanquam plicæ quædam ac laminæ aliis superiacent, expansi. Quibus sublati tres quidem aliquando musculorum coniugationes manifestè apparent, sæpius tamen duæ, quarum altera secundum spinam extensa, musculos leniter latos habet, qui obliqui ab occipitis ossè ad spinæ latera feruntur, altera teretes, cum musculi illi è contrario fibras habeant, ex transuersis nimirum capitis partibus, vnde etiam exortum obtineunt, in spinam tendentes. Quando verò tres videntur coniugationes, vna propter spinam extenditur, altera propter transuersos processus vertebrarum, tertia inter vtranque media collocata est. Sæpenumero tamen omnes horum omnium exortuum musculorum fibras videre licet à posterioribus in priora obliquè tendentes, vt tandem omnes finiant in eam vertebrarum partem, vbi transuersi sunt earum processus. Sanè si hos musculos sustuleris, in conspectum tibi exquisitè venient coniugationes illæ musculorum, quæ in capitis dearticulatione habentur. Sunt autem hoc in loco vtrinq; quatuor exigui

*
Videta-
men libr.
4. Anat.
aggr. cap.
6. in fine
cap.

musculi: duo quidem, qui à capitis ossè ex còmunì principio secundũ occipitis extremitatem exoriantur, de articulationem tangentes. quorũ alter neruosior in posteriõre secundę vertebrę processum porrigitur, apud insertionẽ angustior redditus: alter obliquus in trãsuersum primę vertebrę processum inferitur: Tertius verò alius ambos hos còiungit, à trãsuerso primę vertebrę processu in posteriorem secundę pertingens. Inferitur sanè hic musculus in ipsius processus latera: quemadmodum qui prior dictus est, in ipsam processus summitatem, quã acanthan, id est spinam siue apicem appellant. Huic ipsi alter paruus subiacet musculus, ab occipitis ossè in primam vertebram insertus. Horum nouissimè memoratorum musculorum exiguorum, numero octo existentium, actio atq; munus est, ipse capitis motus circa dearticulationem solam: sicuti eorum qui his incumbunt, actio est, vt caput vnà cum ceruice tota moueant. Caput igitur solum abnuendo rectà musculi illi agunt, qui in primam & secundam vertebram recti procedunt: Cum parua verò ad latera inclinatione mouent cæteri quatuor, quorum duo à capite exorti, lenitèrque obliqui descendentes, id ad latera abducunt. Reliqui verò duo, dum agunt, eam obliquam extensionem quę ex oppositorum sibi musculorum nuper dictorum motu facta fuerat, in caput cum continuis partibus primę vertebrę ad situm secundum naturam reducant. Iamque compertum est, quòd in vnaquaque horum musculorum coniugatione si vnus tantũ agat musculus, motus capitis sit
obl

obliquus: sin ambo simul, motus rectus vnicus efficitur. Sic sanè in iis qui his incumbunt musculis, totam ceruicē occupantibus, obliqui quidem, obliquum ipsum abnuendo mouent: recti verò, rectum id faciunt. Iam in iis etiam musculis errarunt dissectionis professores, qui nec numerum, nec positionem, nec actionem, nec vsum, nec denique figuram eorum scripsere. Duo præterea ex prioribus partibus sunt musculi, caput vnà cū ceruice mouentes, validi sanè ac longi. Progrediuntur autem hi musculi ad quintam vsque thoracis vertebram, omnibus ceruicis vertebris priori in parte superstrati, stomachoq;, id est, gulæ subiecti. Horum exortus ex inferioribus capitibus partibus est, carnosus existens, eamque regionem occupans, quæ inter capitis dearticulationē & inferiorem suturæ lambdoideis finem continetur. Hi musculi cū toti agunt, caput cum ceruice flectunt: Cū verò superior tantum eorū portio, quæ à capite in primam & secundam inseritur vertebram, actione fungitur, ipsum solum caput annuendo mouet. Sanè hæc portio peculiarem aliquando clarāque habet circumscriptionem, delineationēque, quæ posterioribus exiguis illis musculis proportionē respōdet. Sunt præterea ex transuersis partibus circa capitis articulum aliæ duæ coniugationes musculorum paruorum: altera primam vertebram capitii: altera secundam primæ connectens, haud semper existens. Horum musculorum actio est vt ipsas solas primæ vertebræ dearticulationes ad latera annuendo moueant. Ex his omnibus musculis qui capitis dear-

ticulationem in orbem circundantes coronant, duos solos nouit Lycus, cæteros verò omnes ignorauit, quemadmodum etiã posteriores octo occipitis, quos ceruicis ac capitis communes esse asseruimus. Verùm hos, quòd à spinalibus musculis separare nequiret: reliquos, quòd sub his absconditi essent, meritò ignorauit.

De musculis asperæ arteriæ.

C A P. X.

A Speræ arteriæ quatuor sunt peculiare musculi, ipsam còtrahentes & arcuantes cum extenti fuerint, osque à literæ Y similitudine hyoædes appellatum, & ipsum guttur reuellentes. Ex his musculis qui maiores sunt, principium quidem ab inferiori rectæ lineæ ossis hyoædis termino sumunt secundum totius arteriæ longitudinem protracti: insertionē verò in pectorale os secundum internas eius partes moliuntur. Tibique aliquando bifidi videbuntur esse musculi isti duo. Alij verò duo ex transuersis inferioribusque thyreoædeos, id est, scutiformis chartilaginis partibus exorti, in pectoris os, & ipsi terminant, arteriam à lateribus complectentes. Meminisse autem oportet, in simiis omnia hæc dici. nam de discrimine quod inter has & cætera animalia est, in anatomicis administrationibus traditur.

De proprijs gutturis seu laryngis musculis.

C A P. XI.

DVo quidem musculi in prioribus chartilaginis scutiformis partibus, alter è dextris, è sinistris alter, recti secundum eius longitudinem incum

incumbūt, ab humilioribus ossis lambdoideos* ^{* μὲν γάρ,}
 partibus exorti. hi ad superiora ac priora charti- ^{id est para-}
 laginem attrahunt. Duo verò alij musculi à po- ^{ribus. ali-}
 sterioribus scutiformis chartilaginis extremi- ^{tertamen}
 tatibus vtrinque vnus exorientes, gulæ inserun- ^{πρὸς τὴν}
 tur, ipsam pèrinde ac sphincteres, id est adstricto- ^{id est co-}
 res, comprehendentes: hi chartilaginem cogunt, ^{stis.}
 atque adstringunt. Duo item alij bifidi primæ &
 secundæ chartilaginis fines cōiungunt, cōgunt-
 que: Post quos quatuor alij ex secunda chartila-
 gine in tertiam deuenientes, hi quidem retror-
 sum, hi verò in latera dearticulationem dilatant:
 pōst hos ipsos quoque duo alij sunt, haud prius
 apparentes, quàm guttur sit apertum, qui ei qui-
 dem chartilagini, quæ quia gutturnij infundibu-
 live formam repræsentat, arytæno^{ides} Græcè di-
 citur, Scutiformem perpetuò coniungunt, reli-
 quæ verò quæ innominata est, nō perpetuò. Actio-
 nem hi musculi habent prædictis. quatuor oppo-
 sitam. Est præterea circa tertie chartilaginis ba-
 sin, musculus vnus bifidus, vel duo connati, vel
 quomodocunque nominare volueris: qui nō in
 omnibus, sed in aliquibus insunt. animalibus,
 chartilaginem cogentes, gutturque claudentes.
 Sanè dissectionis professores non parum in ple-
 risque prædictorum musculorum errarunt.

De musculis qui sub claviculis sunt.

C A P.

X I I.

SVb vtraque clavicula musculus subiacet, qui
 manifestè videri, antequam clavicula aufera-
 tur, non potest. Est autem totus carnosus vterque

ipforū, in ossa duo insertionem moliens, in ipsam nimirum clauiculam, & primam thoracis costam paruam, quam nonnulli catacl^ada (quasi subclauium dixeris) Græcè appellant. Clauiculæ igitur in illis cōnatus est partibus, quæ ad acromiū ascēdunt: ipsi verò primæ costæ coalitus est, qua ipsa cum pectoris osse coarticulatur. De horum igitur musculorum actione quidam ex disseccandi professoribus dubitant. nonnulli verò scapulam existimant * veluti Lycus, in aliis etiam animalibus quæcunque clauiculas non habent. nam hos musculos cum eo scapularū processu, qui ab anchoræ similitudine angyroades dicitur, coalescere censet, maximè profectò aberrans. In hominibus verò cæterisque animalibus clauiculas habentibus cum hoc dicere non posset, tanquam ligamenti vsum ipsis attribuit. Haud ita tamen se habet rei veritas: quin potius muscoli hi eandem, quam intercostales vocati muscoli, actionem habent. sicuti enim eorum quilibet suis ipsorum fibris extrinsecis humiliore costam ad superiorem attrahit, ita etiam hi primam costam ad clauiculam attollunt.

De musculis proprijs ossis lambdoidei quod & hyoades & hypsiloades appellatur.

C A P. X I I I.

O Scapiti gutturis incumbens nonnulli quidem hyoades, siue hypsiloades, nonnulli lambdoades (à similitudine quam cum γ & λ Græcis literis obtinet) nominant. Est autem recta huius ossis linea secundum colli longitudinem ex-

ten

tenſa, os leniter latum. quatuor verò reliquæ lineæ obliquæ ſunt, & à prædicto lato offe ſecundum duas coniugationes exoriantur: à ſuperioribus quidem partibus altera coniugatio, quæ tenuium graciliūque eſt, veluti ſunt ſcriptorij ſtyli extrema: ab inferioribus verò altera, quæ eſt mediocriter latorum. Verùm graciles duæ conſtæ per ligamenta teretia ac tenuia extremitatibus eorum proceſſuum, quos ab acus & ſcriptorij ſtyli & columnæ imagine, *belonoædas*, & *graphioædas* & *ſtyloædas* nominant, colligantur. Reliquas verò duas inferiores duo vincula validè cum *arytænoæde* chartilagine copulant. Et ſanè duo etiam muſculi lati, os *hyoædes* inferiori maxillæ coniungunt, ex tranſuerſis rectæ lineæ ipſius oſſis, *hyoædes* partibus enati, atq; in tranſuerſas etiam inferioris maxillæ partes poſt muſculorum ipſi maxillæ propriorum exortum inſerti. Alij verò duo muſculi in extremam maxillam mutuò inter ſe colligati veniunt. Horū principium eſt ſuperior terminus rectæ lineæ ipſius *lambdoædes* oſſis. Alij autem duo muſculi à radice oſſis *ſtyloædes* incipiunt, atq; in rectas *lambdoædes* oſſis lineas inferno termino utrinq; vnus inferuntur. Hæ quidem tres muſculorū coniugatiões ipſius oſſis *lambdoædes* proprię ſunt, breuibus quibuſdā motionibus ipſum mouentes. Atq; vna quidē à baſi proceſſus *belonoædes* appellati, incipit, in poſteriorem regionem id abducens: Reliquæ duæ in maxillæ inferioris latera aſcendunt, atque ad ipſam maxillā ſurſum id attrahunt. Cæteri verò muſculi ab offe *hyoæde*

exortum obtinentes, aliarum particularum causa facti fuere: Hi quidem in scapulas, vt eas mouerent, quemadmodum superius diximus: alij in linguam, vt de ipsa quoque dicetur, & vltra hos reliquus faucibus extrinsecus infidet, siue quis ipsum vnicum sed bifidum appellare velit, siue duos mutuò sibi adnatos, quod & mihi satius esse videtur. Hi asperam arteriam adstringunt, & os lambdoædes retrahunt.

De musculis linguam mouentibus.

CAP. XIII.

Scuti sanè præceptor noster Pelops in linguæ dissectione scribit, musculi bubulæ linguæ sexdecim sunt. Nobis verò, vt ab initio libri dictum est, in simiæ corpore ob similitudinem quam cum homine habet, exercitationem facere statutum est. Ex musculis ergo linguam mouentibus duo quidem à basibus processuū acus imaginem referentium, id est, belonoæde, n incipientes, angusti longiq; progredientes in transversas linguæ partes, vtrinque vnus inseruntur, obliquorum motuum præsides. Reliqui verò omnes tum ex osse caput gutturis ambiente hyoæde, & lambdoæde appellato exoriuntur: tum in linguam quatuor sanè, secundum duas nimirum coniugationes inseruntur, euidenter ipsam mouentes. Quintus bifidus existens, atque ex superiori rectæ lineæ ossis hyoædeos termino incipiens, sub linguam inseritur, secundum illius longitudinem ad extremum vsque inferioris maxillæ in ipsum mentum quod vocant, qua maxillæ ossa inter se coalescunt, pertingēs. Hic musculus sursum

fum ad maxillam [os hyo^ædes] retrahit, illis op-
 positus, qui id ipsum ad pectoris os deorsum
 trahunt: Nullam verò manifestam in lingua mo-
 tionem efficit. Sed qui euidenter ipsam mouent,
 quatuor reliqui sunt, quorum duo ex superiori-
 bus ossis hyo^ædeos partibus, vnde & prædictus
 [ille bifidus musculus] verum in ipsius lateribus
 quodammodo magis, exoriuntur. Reliqui verò
 duo deinceps ex transuersis humilibusque rectæ
 lineæ eiusdem ossis costis nascuntur: Inferun-
 tur autem maiores quidem in mediam linguæ
 regionem perpetuò sese mutuò tangentes, atque
 ad eum priorem locum linguæ quod Græcè de-
 demenon, id est, vinctum appellatur, perueniunt:
 minores verò in latera, inter hos & eos qui ab
 utrâque basi processuum acum referentium pro-
 cedunt. Sanè horum singulorum musculorum
 motiones ipsi positui respondent, obliquorum
 quidem obliquæ, rectorum verò rectæ, quem-
 admodum & transuersorum transuersæ. Et sanè
 clarioris doctrinæ gratia qui à processibus acū
 referentibus prodeunt muscoli, *πλάγιαι*, id est,
 transuersi, seu laterales vocentur, qui verò ab
 obliquis ossis lambdo^ædeos partibus, *κατά*, id est,
 obliqui, sicuti qui à superiori eiusdem lam-
 bdo^ædeos ossis termino nascuntur, *ὀρθαί*, id est,
 recti appellantur. Subiiciuntur verò prædictis
 omnibus musculis ex imis partibus, illi qui fi-
 bras *ὑπερσπείραις*, id est, transuersis habent, à tota lin-
 gua exorti, atq; in maxillæ os ferè totum præter-
 quam in mentū inserti. Facultatem porro muscu-
 li omnes attollendi, curuandi q; linguā obtinent.

De musculis faucium.

CAP. XV.

Locus quidam præiacet, gulæ gutturique communis, in quem vtriusque osculum ascendit, qui quoniam angustus, oblongusque est, isthmus appellatur. Corpus verò hunc locum ambiens pharynx, id est, fauces nuncupatur, in quibus faucibus musculus vtrinque vnus habetur, tunc munere suo fungens, cum vox editur, aut deglutitio fit. Horum duorum musculorum caput prope eos musculos situm est, qui ab inferioribus partibus in linguæ latera ascendunt.

De musculis cervicem mouentibus.

CAP. XVI.

Ergo cervicis capitique communes musculi superius enarrati fuere. Tres quidem primæ coniugationes eorum, qui ab occipite prodeunt: vna verò alia eorum qui gulæ subiacent. Nam, vt vno verbo dicam, Quicunque musculi à capite exorti toti cervici inseruntur, ambabus particulis sunt communes. De propriis verò cervicis musculis in hoc capite agendum. Duo ab vtraque ipsius parte sunt musculi, alter posterior potius: alter prior dicendus. Sanè posterior ex transversa primæ vertebræ eminentia exoritur, eo præcipuè loco vbi ipsa conuexissima est. Nam ex priori potius eminentia musculus ille de quo superius dictum fuit, exoritur, qui in scapulæ spinam ascendit. Posterior autem hic cervicis musculus (de quo nunc agere institui) ad scapulam usque deuenit, ex omnibus vertebris per valida ligam

ligamenta enatus, ut plures muscoli esse videantur, inferiorque ipsius terminus, thoracis musculo in scapulæ simis collocato exactè continuus est. Alter verò cervicis prior musculus, principium quidem à perforato secundæ vertebræ processu sumit, simulq; cum aliis cervicis musculis exoritur, postea verò illhinc per axillam ad quintam usque thoracis costam pervenit, sextam quandoque etiam attingens: Eiusque portio quædam in primam costam claviculæ succedentem inseritur. Teres autem quodam modo magis est hic musculus & longus. Et sanè eius actio qua cervici inseritur, est, ut ipsam in priora obliquam flectat, qua verò ad thoracis vertebrae pervenit, ut illum dilatet. Quare præstiterit, ut vel duos musculos inter se unitos unà cum prædictis existimemus esse, vel si unus est statuendus, cum inter thoracis musculos censeamus. Ille enim thoracem dilatare evidenter conspicitur, non ita tamen evidenter cervicem annuendo movere. Oppositam verò ipsi motionem habet prædictus musculus, in latera, & ipse, ac ad posteriora magis totam cervicem flectens. Quod si ambo unà tendantur, media totius cervicis flexura in latera efficitur. Si verò anteriores tantum muscoli, qui utrobique sunt, dexter nimirum & sinister, tendantur: totam profectò cervicem in priora annuere: Sin posteriores, in posteriora renuere compellunt. Quod si omnes simul quatuor tendantur, cervix tunc in nullam vergens partem recta evadit: quæ admodum in ea etiam ipsa species contingit, quæ tetanos Græcè dicitur.

*De musculo in simis scapularum sito thoracem
dilatante.* CAP. XVII.

* *Alias
totā ipsius
cavitatem
occupans.*

Musculum qui magna dilatatione thoracem dilatat, in vtraque parte vnum, siue scapulæ & thoracis cōmunem appellare ipsum quis velit, siue thoracis solius ex iis qui secundum scapulam sunt, nihil intererit. Enascitur hic à scapulæ basi, * toti thoraci extensus. Hæc sanè ipsius pars delitescit, vt ipsum intueri prius nō possis, quàm scapulam auferas. Totum verò deinceps quod sequitur, conspicuum est, quod nimirum thoraci ad eum vsque musculus, qui à ceruice in sextam costam descendit, inseritur. Sed & duas quoque nothas costas musculus hic iam propè cartilagineos processus conscendit. Eius autem insertio haud continua est, sed veluti in exiguos quosdam musculos singulis costis singulos partita ac discissa. Deinceps verò post vniuersas huius musculi priores extremitates, ex ortus principium sumit maximus musculorum abdominis, discissis & ipse exortibus appensus.

De musculis humeri articulum mouentibus.

CAP. XVIII.

Postquam musculos scapulam mouentes abstuleris, postque hos illum etiam qui in simis scapulæ partibus situs est, quem nuper sermone persecutus fui: facillimè iam musculorum omnium brachium mouentium numerum depræhendes. Nam cum vndecim in vniuersum omnes sint: tres à pectore in brachium ascendentes, duos ab illius regionibus, & quinque ex ipsa scapula prodeun-
tēs

tes cōspicies, sicuti vndecimum post hos omnes, qui epomida, id est superhumeralem, occupat. Sibi enim mutuò musculi hi, qua humeraria vena est, connati sunt: aponeurosisque sibi mutuò vicinas in brachium infra ipsius caput in priorem partem inferunt, per rectam præcipuè lineā, quæ supernè deorsum tendit. Atque graciliorem quidem aponeurosin producit musculus à pectoris osse prodiens: Teretiorem verò quodam modo carnosiorēque atque ab exterioribus huiusce partibus, edit, musculus ab epomide exorians. Porro exortus seu originis principium istius quidem musculi, tum clavicula, tum scapulæ spina, est: tum etiā superficiariæ eiusdem scapulæ regiones ferè omnes, quæcunque versùs humiliorem * ipsius costam vergunt. [Alterius verò musculi principium, est totum pectorale os, nam inde prodeuntes, alter quidem veluti scissus circa summum humerum, totum brachij caput comprehendit: Alter verò humerariæ venæ exporrectus est, & priorem axillæ partem carnosam ipse efficit, ferèque in toto pectore carnosus musculus iste est, atque ab ipso toto pectore exoritur. Satiùs verò fuerit duos ipsum musculos, non vnicum statuere. Qui igitur à pectoris osse exoritur, qui & aliis qui in ipso pectoris osse existunt musculis, est * minor, fibras * omni superiori aduersas quodam modo oppositasque habet. Nam in superiorem quidem partem ascendunt ad propriam aponeurosin, deorsum incipientes. Reliquæ verò omnes exortum quidem his superiorem ex ipso pectoris osse, habent: feruntur

Corruptus admodum est hic in locis codex Græcus, eum tamē quē potui, sensum ex cerpsi.

autem in aponeurosin, transuersæ quidem, quæ à sublimibus ossis pectoris partibus enascuntur, leniter verò obliquæ, quæ ab humilibus eiusdem ossis partibus exoriuntur.] Ex reliquis duobus alter quidem ab extrinseca infimæque huiusce ossis regione prodiens, secundum plurimas quidem partes prædicto illi musculo bifido, ac magno connatus est: demumque in membranum tendonem finiens, prioribus brachij partibus inseritur, in ipsum præcipuè antèrius supercilium cavitatis, quod à maiori capite musculi in brachio existentis, occupatur, qui secundum internam regionem, venæ quæ in ipso conspicua apparet, exporrigitur. Alter verò musculus qui antequam magnus sit dissectus, non apparet, à superioribus partibus enascens, ex secundo quidem, & tertio, & quarto, & quinto, & sexto pectoris ossibus exoritur, atque ad altissimam capitis brachij regionem, qua ad claviculam spectat, ascendit, illhincq; ligamento illi membranoso articulum ambienti inseritur, validiorem sanè quàm prædictus musculus aponeurosin obtinens. Duo verò sunt qui ab inferioribus partibus sursum feruntur, quorum alter crassissimus, longissimusq; omnium musculorum brachium mouentium est: alter gracillimus quidem est, longitudine tamen ab altero haud superatur. Hic igitur à dissectionis professoribus meritò ignoratus fuit. nam dum malè cutis exoriatur, musculus hic obscuratur, corrumpiturque. De magno verò musculo nullus est, qui non scripserit: sed alter magis, alter minùs exactè eius

eius naturam explicauit. Gracilis igitur à cuti quæ circa ilia notháq; costas est, ascendens, ex ipsis præcipuè membranis sub cutim existentibus exortum habet. perpetuò verò dum ad axillam ascendit, crassitudinem quandam acquirens, in membranofum tendonem finit: duobus aliis quibus etiam coalescit, insidens. quorum duorum musculorum, alter ex humillimo pectoris musculo, alter ex altera illius musculi bifidi portione, gignitur. Reliquus verò musculorum ab imis regionibus, sursum ad humeri dearticulationem ascendentium, qui & maximus est: ab illis vertebris, quibus nothæ costæ dearticulantur, incipit: atque spinali musculo, & inferiori humilioris scapulæ costæ termino insertus, in priora leniter obliquus fertur, aliquousque musculis humiliori scapularum costæ incumbentibus adnatus: & cum è directò maxillæ peruenerit, rectus ad ipsam ascendit, illicque per tendonem haud ignobilem leniter latum brachio secundum internas aponeuroseos magni musculi partes insertus musculus hic duobus coalescit musculis, ei nimirum qui secundum axillam supersternitur, & ei qui in gibbi cubiti dearticulationem pertingit, de quibus in sequētibus agetur. Qui verò ab ipsa scapula nascuntur quinque musculi, in latos tendones cum omnes finiant, in brachiū, & ipsi inseruntur * partē * ut cōnatus quidē prædicto musculo propè aponeurosin, qui ex intima parte humilioris costæ incipiens, móxq; ex posterioribus, & internis partibus brachiū subiēs, tādē in ipsum al-
tiore

tiore simul & prolixiore gracilioreq; insertione, prædictisq; musculi insertioni coniuncta, sese inserit. Ipsa igitur ex internis brachij partibus existit, prædictam aponeurosin attingens. Enimvero elatior hac ipsa est in ipsum iam brachij caput ex internis partibus insertus tendo musculi sumum scapularum occupantis, validus, latusq; existens. Aponeurosis verò eius musculi à quo regio inter spinam scapulae, & eiusdem costam sublimiorem media interiacens, occupatur, in ipsum brachii capitis altissimum inseritur, non in eam certè ipsius partem quæ versus claviculam spectat, in quam alter prædictus inferebatur, sed in eam omnem, quæ extrinsecus à grandiori capite illius musculi, qui in gibbi cubiti dearticulationem devenit, diuisa est. Coniunctam verò huic prædictæ aponeurosin musculus ille in insertione efficiens (qui ex internis spinæ scapulae partibus enascitur, ac totam eam regionem, quæ inter eiusdem scapulae spinam, & humiliorem costam media sita est, occupat) tendonem in brachii caput iam quoquo modo extrorsum magis iniicit. Qui verò huic ipsi continuus est musculus, qui & forsitan particula ipsius esse censebitur, in externas exactè brachij partes tendonem mittit. Exoritur verò hic musculus à superioribus humilioris costæ scapulae partibus à dimidia ferè ipsius parte, ubi ea gibbosissima, acutissimaq; est. Horum omnium musculorum motiones hæc sunt. Musculus epomida occupans, brachium sursum per rectam præcipuè lineam attollit. Ex iis verò qui ab utraque huius parte siti sunt, ab ipsa nimirum scapula enatis

trius qui prope altiore[m] costā existit, attollit quidem, sed ad interiora inclinans. Ex illis autem, qui prope humiliorē costā collocati sunt: maior quidē & ipse attollit, verū[m] ad exteriora: qui verò tanquam eius particula est, obliquē brachium ad exteriora abducit. Has autem motiones excipiunt, intrinsecus quidē musculi à pectore ascēdentes siue tres, siue quatuor dicere ipsos velis: extrinsecus verò, ille qui ab inferiori humilioris costę termino ascendit. [Ex musculis autem à pectore nascentibus, & ad interiora brachium admoventibus, qui altissimus est, caput magis brachij attrahit: qui verò maximus, bipartitusque est, totum brachium pectori adducit.] Igitur si omnes à pectore enati musculi, tam superiores, quàm inferiores ex æquo tēdantur: medius efficitur motus: si alter dūtaxat agat: altior quidē altiorē, humilior verò humiliorē adductionē efficit. Qui verò secundum mammam situs est musculus, brachiū pectori adducit deorsumq; detrahit. Post hos autē qui in superficie est tenuis musculus, versus ilia sensim ad latera detrahit: qui verò post hūc ipsum est maximus, brachiū ad costas rectū extēdit. Reliqui verò duo déinceps, ab ipsa scapula musculi excipiūt, ad exteriora posterioraque mēbrū circumagētes: alter quidē à finis scapulæ enatus, brachij caput ad posteriora circumuertens: alter verò ab inferiore humilis costę termino exortus, eam præcipuē partem, in quam inferi dicitur, ad exteriora abducēs. Ambo verò simul agētes, brachij circumductionē quæ fit in vocato diplasiasmo, id est duplicatione, efficiūt.

De paruo musculo qui in humeri de articulatione situs est.

CAPVT XIX.

PARUUS omnino musculus in humeri de articulatione occultatur, qui vnà cum minori capite musculi illius magni qui in brachio est, exoriens, sub brachij caput in media regione inseritur, qua aponeurosis illius musculi, qui à sima scapularum parte enascitur, illiusque etiam qui toti humiliori costæ adnascitur, sitæ sunt. Hunc musculum quispiam, tum portionem illius magni qui in brachio est, tum verò etiam ipsum per se priuatim statuere posset. nonnihil enim obliquæ extensioni conducit.

De musculi de articulationem qua in gibbo cubiti est mouentibus.

CAP. XX.

DEARTICULATIO quæ *αὐτῶν*, id est in gibbo cubiti seu gibbero est, à quatuor musculis totum brachij os in orbem ambientibus mouetur. Priores sanè duo articulum non recto exquisitè flexu vtriq; flectunt, sed alter introrsum, extrorsum alter inclinādo. Nā alter in radij, alter in ulnæ seu cubiti os inseritur, vterque simul membranoso ligamento de articulationem cōplectente adnatus. Si verò simul tenduntur ambo: medius flexus fit, nimirum qui ad summum humerum adducit. Itaque maior ille musculus introrsum magis flectens, euidenter etiam ante dissectionem conspicitur, totam priorem brachij partem complectens. Incipit sanè à sublimiori ceruicis scapulæ supercilio, & à processu illo qui ab anchoræ similitudine ancyrodes appellatur: super

percilio quidem per ligamentum validum ac teres:processui verò ancyroædi per aliud ligamentum tenuius simul atque exquisitè teres, copulatus.Exoritur verò cum ipso carniformis quædam substantia paruo musculo assimilis.Ipsa igitur articulum transgrediens sub brachij caput inferitur.hinc ligamentum progrediens,per aliud principium brachio inferitur supra mediâ ipsam regionem,qua huiusce musculi caput fieri incipit,quod in se ipso etiam aliud ligamentum continet.Hinc autem descendens musculus per priores partes brachij,ipsum vsque ad medium tangit:ab hinc sublimis alteri musculorum qui inibi sunt, incumbens, in dearticulationem gibbi cubiti inferitur. Alter verò primùm quidem prope brachij caput exoritur:deinceps verò per exteriores partes obliquus in priores vsque ad gibbi cubiti dearticulationem pertingit, ac demum in vlnæ seu cubiti os inferitur,quemadmodum prædictus ille maior musculus in radij os insertionem moliebatur.Musculorum autem gibbi cubiti dearticulationem extendentium, alterum quidem principium ab humilis costę scapularum dimidio,quod scilicet versus humerum ascendit, incipit:alterum verò post brachij caput ex posterioribus ipsius partibus exoritur.quæ cum mutuo coaluerint,maximum tibi muscûlum, qui in gibbû cubiti lato tendone inferitur,effecisse videbuntur.Sed si superioribus exortibus*secûdum fibrarû rectitudinem mentem adhibueris, bifidus tibi tendo hic apparebit,qui exteriorem quidem partem à primo memorato musculo: alte-

ram verò à secundo obtinet. Sanè ambo hi musculi gibbi cubiti dearticulationem extendunt. Verùm primus vnà etiam extrorsum inclinatur: alter verò introrsum & ipse leniter inclinationem facit. Musculi verò secundo nominati portio (bi fidus enim musculus iste est) tota carne permansens, brachij ossi in orbè adnata, in posteriorem gibbi cubiti partem inseritur, rectà quodā modo magis extensionem circa os cubiti introrsum, leniter vergentē efficiēs. In similibus porrò alia etiam quædam in gibbi cubiti dearticulationem reperitur insertio, quæ obliquam inclinationē versus exteriora efficit. nā in exteriores dearticulationis partes inseritur, à transuersa maximi musculorum in humero existentium diuisione incipiens, quem à spina & costis ascendere diximus.

De musculis qui in cubito sunt, à quibus radium & brachiale digiti que mouentur,

C A P V T X X I

PRO diuersis doctrinæ modis diuersus nonnūquam statui potest musculorum circa cubitum numerus, veluti in anatomicis administrationibus ostendimus. Nam si exactè loqui velimus, decem & septem erunt: si verò tyrones instituere, quindecim. Sunt autem ab internis cubiti partibus septem muscoli collocati, qui nec plures, nec pauciores numerari possunt. In exteriori autem regione minimus quidem numerus octo est, si verò connati muscoli discindantur separenturque, maximus erit, decem: medius, nouem. Iam verò perspicuum est quòd figurata ita manu, vt cubiti seu vlnæ os subiiciatur;

tur: radij verò, id est *nigridus*, superponatur: quatenus aliquid intra vel extra cubitum esse dicunt anatomici: inferius nullus omnino musculus cubito subternitur: superius verò vnus radio incumbit, in quo omnes errant. Verum nos apertè ipsum declarabimus, qui hunc exterioribus aliis nouem connumeramus. Digitos enim quatuor pollicè excepto musculus vnus magnus extendit secundum medium præcipuè totius cubiti regionem situs, quatuor tendones in vnumque quæque digitum singulos produçens. Duo verò musculi ab vtraque huiusce musculi parte fiti sunt: quorum alter paruos digitos obliquè ab alijs abducit: alter tres reliquos his adducit. Si verò exactè loqui velis: duos musculos hos esse sibi mutuò connatos affirmabis. Hi ergo omnes ab vno ligamento velantur apud ipsa præcipuè tendonum capita exorto propè inferiorem cubiti & radij extremitatem. Vnum quodque autem caput tendones produçit, digitis, quos mouent, numero æquales. Alij præterea ab vtraque horum parte sunt musculi, quorum alter cubito extrinsecus porrectus, in metacarpion, id est postbrachiale seu palmam, quæ versus paruum digitum spectat, per vnum tendonem inferitur: alter in eam postbrachialis regionem, quæ antè indicem & medium digitum est, per duos inferitur tendones: Tertius autem præter hos per vnum tendonem in primum os Carpi, id est brachialis seu primæ, partis palmæ, apud magni digitum insertionem molitur. Enimvero ab his tribus musculis brachiale extenditur:

*Exteriores
cubiti mus-
culi*

secundum quidem paruum digitum, vbi extrema manus veluti in pronam figuram inclinatur: secundum verò magnum, vbi in supinam. Musculus autem qui inter hos medius est, mediam inter hos ambos, brachialis extensionem efficit. quemadmodum etiam si reliqui duo musculi vnà agāt, mediam quoque summa manus constitutionem acquirit. Sanè musculo qui brachiale apud magnum digitum (vt dictum est) mouet, alter adnatus est musculus, vt ambo vnus dici possint, qui in primum os magni digiti deuenit, illudque in alteram partem ea mouet. motione, quæ obliquæ quinque digitorum motioni à tribus (vt diximus) musculis factæ, proportionē respondet. Ligamentum porro & hæc ambo capita in radij sublimitate, aliæque etiam duo brachiale mouentia complectitur. Si verò ambo simul extendantur, extensionem in neutram partem inclinantem magnus digitus suscipit. Reliqui verò ex extrinsecis cubiti musculis adhuc supersunt, tum qui superioribus radij partibus obliquus inseritur, totus carnosus: tum etiam qui superius ipsi prolixus incubit, exacto nec ipse finiens tendone. eius siquidem extremitas, carnosâ permanet, lato leniter tendoni membranoso mista: atque in inferiorem radij extremitatem, quâ ad brachiale spectat in intrinseca ipsius parte inseritur: sicuti caput habet quod ad brachij os pertingit. Cæterorum porro prædictorum musculorum superiora capita hoc se habent modo. Ab extrinseco brachij capite, quod & condylon, id est nodum nominant, tres mutuo connati musculi exoriuntur.

At

Atque altissimus quidem quatuor digitos extendit: humillimus, brachiale apud paruum digitum, medius verò inter hos ambos, duos exiguos digitos extendit. Duo verò reliquorum trium digitorum musculi in quadam sui ipsorum parte uniti atque coacti, à toto propemodum cubitu exoriuntur: alter quidem in duos digitos medium & indicem, ex regione quæ apud brachiale est sese iniiciens: alter verò in magnum digitum ex ea quæ supra hanc ipsam est, ea inquam, quæ in gibbi cubiti dearticulationem ascendit. Huic exortus principium est illa sui ipsius portio quæ capiti subiecta est. Hoc ipso principio paulò inferiùs musculus ille exoritur, qui magnum digitum mouet, per eam regionem quæ inter cubitum & radius media est, deorsum tendens. Sublimior verò hoc ipso (tum exortum à radio obtinens, tum totam etiam regionem quæ post exortum, est occupans) est, qui brachiale apud magnum digitum extendit. Qui verò in eam post-brachialis partem quæ ante indicem & medium digitum est, inseritur, extrinsecus quidem uniuerso radij ossi incumbit, exortum originemve à superioribus partibus externi nodi brachii obtinens, primo omnium dicto musculo quatuor digitos extendenti subiecta. Hic musculus perpetuò quidem & ipsum brachium in primo exortu attingit, parum à nodo ad superiora ascendens: nonnunquam tamen etiam longius ascendere videtur: neque enim ad vnguem semper prædictos exortus musculi huius seruatit. verum aliquando, rarissimè tamen, aliquid etiam vel superiorum,

vel earum etiam quæ ad lătera sunt partium, sibi assumunt. Sanè caput supra hos habet musculus ille, qui ipsius radij proprius est, per totum eum desuper extensus: cuius actio est, vt supinam manum reddat. Reliquus verò alius musculus est radij, in extèrna rēgione situs, obliquus sanè ac superioribus ipsius partibus non quemadmodum nuper dictus, inferioribus insertus. Ideòq; vterque ipsorum eam radij partem in quam inseritur, mouet. Si verò ambo simul agant, supinam tunc constitutionē manus suscipit. Exoritur sanè hic musculus tum ex eo ligamento membranoso, quod circa articulum est, tum ex cubiti extremitatibus hoc ipsum ligamentum tangentibus, quas & qui omnium exteriorum musculorum brachiale mouentium humillimus existit, post primum exortum conscendens, toti cubito adnascitur. Eiusmodi igitur positionem & naturam & motionem extēiores cubiti musculi obtinēt. Ex iis autem qui intra cubitum sunt musculis, septem numero existentibus, duo quidem brachiale, duo verò digitos flectūt: totidem autem alij radium in pronom circumagunt, reliquus verò vnus qui omniū gracillimus est, summa sub cute porrigitur, per mediū præcipuè membrū à superiori ad infēriorem partem tendens, atque in teretem tendonem, qua primū ipse à musculo enascitur, longè supra brachiale finiens, eiusmodique vsque ad brachiale perdurans, vsque adeò postea dilatatur, vt toti interiōri extremæ manus cuti, pilis nudatæ subnascatur. Nihil verò sanè quod consideratione dignum sit musculus hic mouet. Quanquā
omnes

*Interiores
cubiti mus-
culi.*

omnes diffecandi professores qui ante nos fuere, singulos ab hoc musculo digitos contrahi flectique arbitrati sunt. Hic igitur musculus primus omnium diffecandus est: quippe qui primus omnium sub cute porrigatur. Post hunc verò tres alij deinceps sibi mutuò secundum longitudinem siti sunt, vniuersam internam cubiti regionem occupantes. Ex his, qui exactè positione medius est, prædicto musculo subiacet, validus sanè, atq; in quatuor digitos distributus. Abvtraque verò huius parte musculus vnus est: alter in brachiale, alter in postbrachiale simplici tendone insertus. atque hi duo musculi brachiale flectunt: alter quidem cum inclinatione ad supinum, nimirum qui in eam brachialis regionem, quæ ante paruum digitum est, sese iniicit: alter verò cum declinatione in primum, is scilicet qui in eum postbrachialis locum qui ante indicem est, inseritur. Ambobus verò agentibus, medius in nullamque inclinans partem flexus fit illius quæ ad brachiale est de articulationis. Tribus verò his musculis dissectis, alter inuenitur maximus musculus medio subiectus, quinque & ipse digitos flectens, nempe per vnum tendonem, tum primum tertiumque quatuor digitorum articulum, tum secundum tertiumq; magni digiti os mouet. Sanè huiusce musculi tendonibus magnis, alterius prædicti musculi tendones superuehuntur, singuli singulis digitis præterquam magno digito, veluti dictum est, inserti. postquàm autem propè medias articulationes accesserint, paruus tendovtrinq; sibi subiectum magnum tendonem comprehendens, in principium ossium,

quæ in dearticulatione sunt, in medio inseritur. Primus verò, & tertius articulus à maiore tendone flectuntur, non eodem tamen vtrique modo. quippe tertium articulum tendo per se ipsum flectit: primum verò, per ligamentum. Quòd ergo vniuersi tendones, qui digitos mouent, teretes veluti nerui existant, probè dissectionis professores tradiderunt, non tamen superiora tendonum capita musculorumque numerum exactè scripserunt, ita vt neq; radij motores musculos quidam ipsorum ostenderint, inter quos etiam fuit Aelianus. De his igitur paulò post dicetur. Ex prædictis verò quinque musculis: is qui brachiale apud paruum digitum flectit, ab interiori nodo brachij incipit, cubitum etiam contingens: qui verò idem brachiale apud magnum digitum flectit, ex superioribus partibus ipsius nodi incipit. Inter ambo verò hæc principia origo exortusve illius musculi, qui in manus cutem peruenit, collocatur. huic verò ipsi exortui duo magni musculi subiacent, totam eam regionem quæ inter cubitum & radium media est, replentes. Horum ergo minor, qui & medius exactè situs est, ab interiori brachij capite exoritur, quoquo etiam modo & hic cubitum tangens. Maximus verò huic substernitur, mediam cubiti radiisque regionem vniuersam occupans, ambobus ossibus cónatus: tum ipsi cubito apud partes quæ propter gibberum sunt, tum brachiali circumnascens. Verùm hæc ipsius musculi pars è directo illius insertionis quæ in paruum digitum fit, sita est. Est verò & alia ipsius pars quæ idem principium cum prædicto

ēto musculo quatuor digitos mouente, sortitur. hæc autem huius musculi pars, indici digito ē directo præcipuè est. Tertia verò pars, quæ sanè maxima est, regionem quæ inter cubitum & radium media est, occupat. Ex obliquis verò musculis radium mouentibus, alter tū ex interiori nodo brachij exoritur, capiti eius musculi connatus, qui ex sublimioribus nodi partibus exoriens, brachiale apud magnum digitum, flectit: tum in radij os deuenit, ad mediam, fere eius regionem in superiori parte exporrectus. Sanè musculus hic radij os tanquam in prouum circumagit. Alter verò musculus hoc ipso lōgè est minor, longitudinèq; breuissimus, transuersam fere [fibrarum] in partibus brachiali vicinis positionem obtinens, atque amborum ossium cubiti nimirum & radij extrema copulans, leniter obliquus, à cubito in radium inclinans. Hic musculus manum in supinum, quemadmodum antedictus in prouum circumagit.

De musculis qui sunt in summa manu.

CAPVT XXII.

DVo sunt musculorum genera in internis summae manus partibus, parui quidem necessarii omnes: inter se tamen non parum tum in aliis, tum in magnitudine discrepantes. Quinque ergo, sunt qui obliquè introrsum sursumq; digitos mouent, singuli singulis distributi. Sextus magnum digitum, quem etiam antichara (quasi pro manum, id est pollicem dicas) appellant, indici, adducit. Septimus paruum digitum à reliquis

quis longissimè abducit. Horum igitur musculorum qui sursum introsumque totos inclinant digitos; quatuor quidem ab indumētis tunicisve eas tendones ambientibus qui primū tertiumque articulum flectere dicebantur, incipientes, in tenuem tendonem mediocriter teretem finiunt, toti transversæ seu laterali parti secundum unumquenque digitum inserti, propter quod prædicto motu eos mouēt. Quintus verò qui magnum digitum longissimè ab indice abducit, caput habet primo brachialis ossi appēsū: qui musculus postquam in tendonem * æquè ac alios tenuem finierit, magno itidem digito inseritur, eandemque motionem molitur. Qui verò hūc ipsum indici adducit, contrarium huic obliquo motui obtinens, ex æquo trahit digitum in suum ipsius caput, quod in eū postbrachialis locum qui ante medium digitum habetur, inseritur. Similem autem huic genere motionem habet alius musculus qui à primo brachialis ossi, quod positura humile est, exorietis, in imas partes parui digiti inseritur, manu nimirum secundum naturam figurata cōstitutāq; ipsum à parameso, id est annulari digito abducens. Iure igitur musculus iste & qui maximum ab indice abducit, aliis quinque musculis multò sunt minores, quippe quibus in brachiale appendi, quò longior motus fiat, opus sit. Quibus vnà cum tendonibus ablati, alij musculi in postbrachiali positi, in conspectum tibi venient, omnibus certè dissectionis professoribus, mihiq; etiam diūtius ignorati: qui à ligamento ossi brachialis circumprehendente secun-

cundum eam præcipuè partem, vbi & brachiale definit, & postbrachiale incipit, exortum summentes, in primam cuiusq; digiti dearticulationem accedunt, bini singulis dicati, digitis, atq; vtrobiq; in mediam regionem inserti, vt lateris etiam aliquid complectantur: ob idque ipsum cum quadam in latus inclinatione primum vnius cuiusque digiti articulum flectunt, quem etiam articulum per ligamentum magnos tendones circumplectens flecti dicebamus. In magno verò digito non similis ex toto est ipsa prædictorum musculorum * * eo qui magnum digitum longissimè ab aliis abducit minor est: digitoque propè secundam dearticulationem inseritur, non admodum quidem ipsam mouens, sed primam magis. Reliqui verò deinceps secundam dearticulationem flectunt: alter quidem prædictum ipsum maiorem tangens, sursumque vergere flexionem faciens: alter * [post hunc] leniter in latus inclinans. Horum profectò prædictorum vndecim musculorum munus atque officium est, vt coarticulationem quæ ab vnoquoque postbrachialis osse cum brachiali est, eousque flectant, quousque ipsa flecti apta est. Breuissimum autem id est. Nam quæ in hoc loco sita sunt ossa, mutuò sibi ipsis sunt coarticulata, non quemadmodum digitorum ossa dearticulata. Quapropter & prima magni digiti articulatio, euidentem certè habet motum: quæ verò est ipsius postbrachialis cum brachiali, latentem penitusque obscurum obtinet. Sanè nonnunquam in magno digito duo foli musculi apparent: qui simili modo, quo ceterorum

*. *Al. cū
his.*

rum digitorum muscoli, se habent: illique etiam sæpenumero ita inter se sunt coaliti, vt vnus in vnoquoque digito esse videatur.

De musculis thoracis.

CAPVT XXIII.

EX thoracis musculis qui costis interiacent, id est, in eis sunt locis, quæ mesopleuria, hoc est intercostalia appellantur, duo & viginti sunt, fibras naëti longitudine contrarias. neque enim quemamodũ musculi à spina in pectoris os finiunt, ita etiam eorum fibræ: sed à costa in costam obliquè contraria inter se positione exteriores, & interiores, ad X literæ similitudinem inseruntur. Exteriores ergo fibræ à superioribus in inferiores costarum partes procedentes, thoracem dilatant: quæ verò in profundo sitæ sunt, ipsum contrahunt. His verò contrariæ sunt quæ secundum chartilagineas costarum partes, eas inquam quæ ad pectorale os vergunt, habentur. nam quæ in superficie sunt, contrahunt: quæ in profundo, dilatant. [At in notharum costarum musculis ad extremum vsque eadem est fibrarum natura: hæ siquidem nusquam inflectuntur. Altera verò exiguum musculorum coniugatio primas costas sursum trahit. quemadmodum duæ aliæ decimam, vndecimamque detrahunt. Duodecima enim costa extra septũ transversum obliquo abdominis musculo minori connata est, nonnunquam tamen circumscriptionem proprii ac peculiaris musculi ipsam detrahentis habere conspicitur. Aliæ verò tres musculorum coniugatio

tiones à ceruice descendentes, thoracem dilatant: maxima, quæ in sinus scapularum est: minor, quæ ante hanc ipsam coniugationem: minima, quæ posterius collocatur. Superiora porro principia primæ quidem memoratæ cōiugationis est prima ceruicis vertebra, sicuti secundæ secunda: tertia verò per ligamentum membranosum ex apice tum dimidiæ partis vltimæ colli vertebræ, tum duarum primarum dorsu vertebrarum enascitur. Sanè prima coniugatio ad nothas vsq; costas procedit: secunda ad quintam vsque: tertia verò licet tertiæ costæ adnascatur, validè tamen in quatuor etiam succedentes inseritur. Omnes hi muscoli atque vltra hos etiam, phrenes, id est mentes seu septum transversum, thoracem dilatant. Contrahunt autem tum intercostales muscoli dimidiis ipsarum fibris: tum qui spinalibus musculis secundum costarum radices sunt exporrecti: tum superior rectorum muscui abdominis portio: tum denique qui costas vltimas detrahunt. Thoracis etiã contractioni conducunt nonnunquam abdominis muscoli. De his verò omnibus in commentariis de causis respirationis ostensum est: Quæ si quis perlegat, euidenter fere omnium memoratorum musculo rum actionem cognoscet, quam superiores dissectandi professors ignorarunt.

De musculis spinalibus.

CAPVT XXIIII

Musculi rhachitæ, id est spinales, à secūda quidem ceruicis vertebra incipiunt, verum aut tot numero sunt, quot & ipsæ vertebrae à secūda
cum

cunda incipiendo, sibi ipsis mutuò connati: aut vnus est maximus ab vtraque spinæ parte, ex pluribus musculis conflatus. Omnium horum musculorum fibræ leniter obliquæ sunt: quæ si paulùm tendantur, vnamquamque ex continuis sibi vertebris ad seipsas inclinant. Si verò ambæ tunæ quæ à dextris, tum quæ à sinistris cuiusque vertebræ sunt, tendantur: recta tunc permanens, in nullamque partem vergens spina, in posteriora recuruatur. & si per totam spinam ita fiat, cum moderata quidem fibrarum tensione, tota extēditur: valentius autem ipsis tensis, retrorsum recuruatur, affectionem vocatæ à Græcis *κνέσις*, id est gibbositati, contrariam, acquirens.

De musculis spinam flectentibus.

CAPVT XXV.

IN superiori quidem parte vniuersa ad quartam vsque, nonnunquam verò vsque ad quintam thoracis vertebram duo sunt musculi, quos stomacho subiici diximus, spinam flectentes. In inferioribus verò, quæ secundum lumbos sunt, tota interior lumborum regio duos maximos habet musculos, quos omnes disseccandi professores, psoas nominant. Sanè supra septum transversum isti musculi ad decimam, aliquando verò ad vñdecimam thoracis vertebrarum inseruntur, eam spinæ partem quæ secundum ipsos est, flectentes. Id verò quod inter hos, & prædictos interiacet, quod certè thoracis medium est, nullum peculiarem musculum obtinuit, sed simul cum partibus vtrinque existentibus mouetur.

De musculis epigastrij seu abdominis,

CAP. XXVI.

Octo in abdomine sunt musculi, vtrinque quatuor. Omnium quidem exteriores ac primi, qui à thorace obliqui descendunt. maximi omnium qui inibi sunt, musculorum. Secundi sub his qui ab ilibus ascendunt. Tertij istis contigui, recti sunt: Quarti, qui peritonæo connati, positione transuersi sunt. Verùm recti, toti car noli existunt, à pectore ad pubis vsque ossa exporrecti: & circa quidem umbilicum, ac paulò etiam vterius sibi mutuò adiacent, seseque tangunt. ab hinc verò coalescunt, ac tandem in pubis ossa inferuntur. Eorùm vertex tendo est membranofus, ad thoracis principium ascendens. Is tamen dissectionis professores ob id iure latuit, quòd qui in pectore sunt musculi sibi ipsi incumbunt. Nam si auferantur, membranosus hic tendo euidenter, tū cum summo pectorale osse, tum cum transuersis etiam eiusdè ossis partibus vniuersis, qua ipsum cartilagineis costarum partibus coarticulatur, coalescere conspicitur, ad primam vsq; costā cui appensus est, ascendēs. In hac eadem costa est & aliud prædicti musculi carnosum caput, quod tendonem in hunc ipsum iniicit: exortum autem cū parui illius musculi in clauiculis existentis insertionem coniunctum habet. Et sanè infra quoq; ad hypochondriū intercurrentes diuidensve linea in ipso albicans inspicitur: postquam totū id quod superius est ad clauiculā vsque, alius musculus statui potest, costarū coarticulationes cōtrahens. Qui verò à thorace ad abdomen deferuntur musculi duo, incipiunt quidem

à sexta plerunque costa, enascuntur verò, & ex omnibus succedentibus costis, ex distantibus nimirum principiis singulas propagines secundum vnamquamq; costam propè eam regionem, quos in chartilaginem degenerat, fortiti, in inferioribus partibus anterioris musculi thoracis, & eius qui in scapulari simis collocatur: Dum autè ipsi attenuantur, tum per inania loca (Græcè *ce-neonas*) deferuntur, tum ilium ossibus infiguntur, in membranosos tendones terminati: per hos ipsos autè tendones pubis ossibus inguinibusq; inferuntur. In hoc verò loco perforati sunt: ac per id foramen tum musculus ille qui ad vtrunq; testiculum descendit, cui cremaster, id est suspensor, nomen est inditum, tum etiam vnà cum hoc musculo feminine vas, vena inquā & arteria, & peritonæi propago quedam pertranscunt. Quicquid verò horum musculorum, ad abdomen ad prædictos vsque musculos rectos ascendit, paulatim expanditur: hincque in membranosum tendonem cessans, exterioribus ipsis musculis inseritur: vt peculiare operculum ipsorum, tale esse videatur, quale plurimis ipsorum membranæ esse consueuerunt. Tertia verò coniugatio obliquorum musculorum contrarias prædictis fibras obtinet, ex inferioribus nimirum partibus obliquè ascendentes. carnosio igitur exortu ex ilium ossibus incipiunt, ac ad rectos progrediuntur musculos, illi hincque cessant, transuersis musculis in ascensu

* *Al. in-* * [sele inferentes, costisq; quatuor nothis, lapud,
sidetes co- ipsos præcipuè chartilagineos eorum procellus.
stisq; qua- Sanè & quedam horum musculorum membranosà,
 ac ten

ac tenuis propago rectis abdominis musculis in- *tuor nothiis*
 figitur, obliquorū extrinsecorum descendentiū *se se inserē*
 qui maximi sunt, processui subiecta. Inferior ve- *tes.*
 rò ipsorū aponeurosis subiectorum transuersorū
 aponeurosi vnita, in pubis ossa, in interioribus
 iam quodam modo eorū partibus inseritur: æquē
 ac prædictorū musculorum aponeurosis, perfo-
 rata. Intra memoratos obliquos musculos trans-
 uersi musculi habentur (quæ est quarta ac vltima
 musculorū abdominis coniugatio) qui à notha-
 rum costarum finibus, in internis ipsarū parti-
 bus atq; à transuerso processu vertebrarum lum-
 borum enati, ac deinceps membranoso ligamen-
 to copulati, apud rectā tandem spinā ossis iliū
 in transuersam aponeurosin membranosam ac te-
 nuem peritonæo insertam finiunt. atque id quod
 ex hac aponeurosi & peritonæo conflatur, mul-
 tos medicos latet, peritonæum id esse opinantes.
 Quin & in vocatis gastrorhaphiis, id est abdo-
 minis seu ventris futuris, tanquam membranā
 ipsum consuunt: modūque in suis commenta-
 riis scribētes, quo sutura abdominis fieri debeat,
 tanquam de membrana differunt. Itaque apo-
 neurosis ipsa in inferioribus partibus peritonæū
 relinquit: ipsumque solum nudum ibi apparet.
 Aponeurosis verò ab extrinsecis partibus rectos
 carnososque musculos circumambiens, extremi-
 tatique superpositorum musculorum vnita, ossi-
 bus tandem pubis inseritur. Horum octo mu-
 sculorum vsus simul & motus in libris de utili-
 tate particularū abundè dicti sunt. Dicetur tamē
 & nunc eorum summa. Itaq; ad exufflationes, &

ad vocatas spiritus cohibitiones, id est *καταλύσεις*, atque ad acutas magnasque voces, tum ad vomitus ventrisque deiectiones, cōferunt. Eorum insuper inferior portio, præcipuèq; illorum, qui vesicæ incumbunt, mingendi actioni conducit.

De musculis in testes descendentibus.

C A P. XXVII.

DVo graciles musculi in vtrunque testem perueniunt: quorum alter à pubis, alter ab ilium osse per membranosum ligamentum tenuè exoritur, illhic verò per meatum qui ad testem deuenit, deferuntur, postea dilatati, erythroden membranam complectuntur. Ipsorum officium munusque est, testem sursum attollere. vnde nonnulli cremasteras, id est suspensores, ipsos appellant.

De musculo qui in collo vesicæ est,

C A P. XXVIII.

Carnosus musculus in orbem circumiectus est vesicæ collo. maxima verò ipsius pars inferius subiecta est. Musculus hic vesicæ osculū quo nihil inuoluntariè effluat, claudit. simulque urinā quæ per ipsum fertur, propellit.

De musculis pudendi.

C A P. XXIX.

DVos quidem valde obliquos exiguosque musculos pudendum habet, in eius originem insertos: Duos item alios connatos, aut vnum bifidum carnosum, infernè quidem ipsi subiectos magis, nihilofecius tamen in orbem id ipsum complectentes. Horum igitur capita in nullum os manifesto perueniunt: Reliquorum verò duorum

tum, in ossa pubis nominata. Sanè prædicti omnes quatuor muscoli, puidendo, tum rigiditatem, dum ipsum tenditur, tumi motiones, dum ad latera, vel ad superiora quatitur, præbere possunt.

De musculis sedis.

CAP. XXX.

EXtrema sedis ora musculum cuti commistum obtinet, ut vel cuticulosum musculum dicas, vel carnosam cutim. hocque præcipuè inueniri licet in prioribus partibus. Alius verò musculus exactè teres, transuersus, sedi circumiectus est, qui si tendatur, ipsam claudit: atque in medio quidem sui ipsius corpore os coccyga, id est cuculum vocatum tangit: ab utraque verò parte in pundendi originem terminat. Reliqui duo muscoli membranosi existentes, exoriuntur quidem ex internis partibus tum ossium pubis, tum lati vocati ossis. inseruntur verò utrinque vnus, obliqui sursum sedem attollentes: simulque etiam puidendi originem iidem muscoli trahunt.

De musculis coxendicis de articu-

lationem mouentibus.

CAP. XXXI.

Decem quidem sunt muscoli, qui de articulationem que κατ' ὀχλῆσιν id est, in coxendice est, mouent: in quibus non parum oberrarunt tum alij dissectores viri, tum Lycus ipse Quinti discipulus, qui ipsos quinque esse opinatus est, intrinsecus quidem tres, extrinsecus verò duos. Ex aliis autem quinque tres quidem omisit, duos verò permutauit, quippe qui actionem ipsorum ignora-

bat, positionemque solum considerabat. vna enim cum aliis omnibus musculis dearticulationem ipsius genu mouentibus femori, id est, ^{μυο} incumbunt. Non ita tamen se habet rei veritas, vt Lycus arbitratur, sed vt nos dicemus. Alter quidem ipforum, qui & omnium qui illhic sunt musculorum maximus est, introrsum, retrorsumque femur adducit. Alter verò introrsum quidem non nihil etiam tibia, id est, ^{καὶ τῆς} maximopere verò totum femur mouet: ita vt reliqui tibia solam mouentes, octo sint. Si quis verò apertè intueri musculos coxendicis dearticulationem mouentes voluerit, illi opus erit, vt qui circa femur sunt vniuersos, à quibus tibia mouetur, prius auferat. Sed quia positionis ordo ad eos prius, qui in coxendice sunt, nos ducit: hinc etiam & nos sermonem inchoabimus. Ipsius psoæ (lumbum quidam seu lumbalem seu lumborum carnes vertunt: quidam Græcum semper nomen vsurpant) quæ haud exiguus musculus est, ab vndecima thoracis costa incipiens: interior quidem portio per validum ligamentum interiori coxendicis parti inseritur, eo præcipuè in loco, vbi os quidem pubis vocatum incipit, os verò ilium desinit: exterior autem in principium ossis ilium inseritur. Reliquum verò ipsius psoæ vniuersum iuxta internas ossis ilium partes progrediens, densum quendam ex illo etiā osse exortum carnosum suscipit: postea cū ambo vnicus euadit, per validū tendonem leniter latum paruo femoris trochanteri (quasi dicas rotatori) inseritur: totā ipsius rotunditatem occupans. Musculus hic flectit simul

& int

& intro^{*r}sum magis totū femur inuertit. Huic etiam prædicto paruo trochanteri, alter quidam exiguus musculus colore liuidus inferitur: ab ossis coxendicis basi incipiens propè eam clunium seu natium, id est *ωυγῆς*, in Simia regionem, quæ nuda, excarnisque conspicitur. Huius musculi tendo prædictis existēs similis, totam inferiorem partem parui trochanteris comprehendit, nonnihil etiam internæ eiusdem occupans. Musculus hic humilis adductionis est author: qui conspici non prius potest, quàm maximus ille omnium musculorum qui in femore sunt, auferatur, qui toti pubis ossi insidens, ac nonnihil etiam coxendicis ex transuersis simul imisque partibus ad nudā vsque & excarnem regionem comprehendens, in totum femur carnosus ipsum ansis amplexens, inferitur. Atque eis quidē fibris quæ ex imis partibus apud nudam nimirum excarnemq; regionē exoriuntur, proximēq; ad genu dearticulationē perueniunt, retrorsum magis femur abducit. ad alterum simul femur leniter adducens: eis verò, quæ altiores sunt, adducit solū: sicuti illis, quæ altissimæ sunt, supernēq; inchoantes, in primas femoris partes inferuntur, adducit, simulq; etiam ipsum sursum attollit. Hoc ergo musculo dissecto, tum prædictus musculus liuidus, euidenter, tum aliæ etiam musculorum circumscriptiones haud euidenter apparent, aliquando quidē duorum, nonnunquā verò trium: quos si quis inter musculos numerare voluerit, plures quàm decē esse musculos coxendicis dearticulationē mouētes, affirmabit. Ex posterioribus verò natiū par-

**πρὸς τὴν
τὴς ἐστὶν
Græco, id
est extror-
sum, vide
tamen lib.
ij. anat. ad
ministra-
tionū cap.
vj. & lib.
15. de vsu
particula-
rum cap.
vltimo.*

tibus primus quidem est, qui in superficie collocatus est musculus, positione vsq; musculo epomida occupanti, proportionē respondens. exactē enim femur extendit, in posteriora trahens. Ex superioribus verò ipsius exortibus duo carnosī, & vnus membranosus existunt. ex carnosīs maior à recta ossis ilium spina incipit: minor à duobus ossibus, ischio & coccyge vocatis. medium verò horum quod altum est, membranosum totum existit. Musculus hic posteriorem partem capitis femoris circumprehendit, parūque etiam ab ipsa progrediens, atque in latum tendonem decliuem finiēns, posterioribus femoris partibus inseritur: exquisitē hoc in loco inhærescens coalescēsq; exortui illius musculi latā ac carnosā aponeurosim habētis, qui in externas tibiæ partes insertus, genu dearticulationem ad exteriora inuertit. Sanē nec prædictam musculi coxendicis insertionem: intueri poteris, nisi hūc prius musculum dissecueris. Est autem & eiusdem altera quædam carnosā apophysis, quæ ad femur inter duos anteriores musculos descendens, ipsisque etiam aliquo pacto sese inferens, per membranosum tendonem ex omnibus inferioribus illius partibus enatum, anteriores musculos ad genu vsque circumprehendit. Secundus verò sub prædicto musculo in superficie collocato alter musculus est ad modum crassus carnosusque, ex omnibus ferè extrinsecis partibus ossis pubis & ilium enatus, simulque etiam musculo ex inferioribus ossis lati partibus exorto vsque ad coccygem insertus. ac propē quidem ilium os prædicto musculo subiacet

cet. Superior verò ipsius portio, quæ ad lumbum sursum extēditur, sub cute sita est, cui prædictum membranosum illius musculi principium circumnatum est. Hic musculus in tendonem validum terminans, toti vertici magni trochanteris inseritur. totum ipsum femur simul extendens, & ad * exteriorem regionē caput ipsius trahens. Huic musculo alius colore liuidus musculus subnascitur, ex internis lati ossis partibus exoriens, aponeurosinque prædictæ magni musculi aponeurosi connatā gignens. Quinquā illa in priora capitis trochanteris ascendit: hæc post ipsum caput est, ad verticem vsque trochanteris ascendens, ac nonnihil internæ regionis simul occupans. Hic musculus sursum simul & extrorsum femoris caput trahit. Alius præterea musculus parvus crassusque est, qui ex externis infernisque ilium & coxendicis ossis partibus exoriens, prædicto magno musculo subnascitur: in validū & ipse tendonem latum finiens, internis partibus primi processus magni trochantēris vsque ad gluton, id est, natem insertus. Hic musculus caput femoris sursum tollit, vnāq, etiā ad exteriora inuertit. Duo adhuc ex iis qui femur mouent, supersunt musculi, in posteriorem magni trochanteris cavitatē, robustis, ac leniter latis tendonibus inserti. exoriuntur sanè ex totis pubis ossibus alter intrinsecus, extrinsecus alter: atque eius quidem qui extrinsecus exoritur, insertio in trochanterem sublimior est: eius autem qui extrinsecus, continua existit. Hi musculi naturale etiam foramen ossis pubis occupant: in me-

* *Al. ad interiorē. et ita lib. xv. de vsu part. cap. vltimo.*

dia suipforum regione membranofum ligamentum existentes: ac in posterioribus quidem partibus in idem mutuò coeunt, coxendicis offi carnosus anfis in orbem adnati. Musculi hi femoris caput circumagunt, ad interna quidem simul & priora primus musculus, ad externa verò, & posteriora alter. Decimus verò vltra memoratos musculus ab internis femoris partibus locatus, quem quispiam fortassis & tibiam mouere affirmabit, euidentissimè certè totum femur introrsum adducit. Verùm paulò mox qualisnam hic musculus sit, in musculorum genu dearticulationem mouentium enarratione, quandoquidè inter eorum numerum reponitur, declarabimus.

De musculis genu dearticulationem mouentibus.

CAP. XXXII.

N Ouem musculi sunt qui dearticulationem, quæ in genu est, mouent, non decem, quemadmodum Lycus vnà cum plerisq; aliis viris dissecandi professoribus, existimabat: totum vnum musculum ignorans de quo postremo dicturus sum: nimirum tum ab eo deceptus musculo, qui ad internum femoris nodum ad genu descendit, à maximo etiam illo femoris musculo qui totam internam regionem simulq; posterioris non parum occupat. Verùm hic, non solum, non inseritur tibiæ offi (cùm tamen omnino inseri deberet, si ipsam moturus esset) sed ne ipsis etiam quæ in dearticulatione sunt, ligamentis: quemadmodum nonnulli ex iis musculis facere solent, qui obscurum quendam motum efficiunt. Vehementes enim motiones vniuersæ, musculis dearticulatione prætergressis, succeden

cedentiq; membro insertis, perficiuntur: parvæ
 verò, vbi musculi in ligamenta infiguntur. Sed
 qui inter omnes femoris musculos maximus est,
 nequaquã genu dearticulationi inseritur, quan-
 uis proximè ad ipsam accedat. Quòd si quis quo-
 quo modo ab hoc musculo dearticulationis liga-
 menta attingi dicat, nec ita profectò æquum sit
 suspicari illius duntaxat dearticulationis ipsum
 esse proprium, sed certè ambarum communè, su-
 perioris inquam quæ in coxendice, & præsentis
 istius quæ in genu est. Nam coxendicis dearticu-
 lationem euidenter vehementerq; mouet. quippè
 qui exortum ex toto pubis ossè, & insertionem
 in totum femur molitus est. Motio verò quæ in
 genu est, si sanè vlla est, obscura certè omnino
 est, quandoquidè à minimis ansis peragitur. Ve-
 rum hæc de maximo musculo femoris sufficiat.
 Ex aliis autem musculis primus in superficie est
 angustissimus, longissimusq;, ex media ac recta
 ossis ilium spina enatus, atq; per interiora femo-
 ris ad genu delatus, illiq; in anticnemion, id est,
 priorem tibiæ partem (quam quidam ocream
 vertunt) non multò post dearticulationem in-
 fertus. Hic igitur musculus ad interiora simul ti-
 biam flectit, & sursum ipsam altam quoquo mo-
 do attollit, atque ad eam figuram totù crus agit,
 in qua præcipuè constituitur, cum nos *subigen-
 tes, ipsum super alterius femur attollimus. Proxi-
 mus verò huic insertionè in tibiæ os nõ per extre-
 mitatem carnosam, quemadmodũ prior, sed per
 tendonem leniter latum molitur: atq; incipit qui-
 dè ab ossibus pubis: inseritur verò in ipsum ma-
 ximè

* *Alin-
 uertentes.*

ximè anticnemion. introrsum ergo & hic tibiam inuertit, in rectum etiam ipsam attollendo. Qui verò plerunq; quidem ab interioribus partibus, nonnunquam verò paulò infra prædictum musculum illi continuus existens per tendonem similiter in anticnemion inseritur: flectit simul, ac ad exteriora inuertit tibiam obliquè, quemadmodum & ipse obliquus locatur. Nā ex infernis externisque ossis coxendicis partibus enatus, ac deinde per posteriores femoris partes obliquè exporrectus, moxq; totam genu dearticulationem prætergressus: in interiora tandè inuertitur, obliquusque in eam tibiæ partem quæ excarnis visitur, quam sanè anticnemion appellant, inseritur. Huic musculo continentē exortum obtinēt tres alij musculi: Alter quidem ab exterioribus partibus validus admodū: qui sanè & per externas femoris partes extrinsecus delatus, infra genu in externas tibiæ partes gracili latoque sine carnosio inseritur, extrorsum ipsam inuertēs: Reliqui verò duo superiorem quidem originem ex internis regionibus, quæ nuper dictis duabus proximæ sunt, moliuntur; ita ut quatuor exortus mutuo sibi congregientes ac proximi sint, qui ex prioribus partibus basis ossis coxendicis exoriuntur. Deveniunt autem, alter quidē prædictis duobus proximus, qui sanè maxima ex parte colore liquidus inuenitur, in internam tibiæ regionem haud multò post dearticulationem, flectens simul & ad exteriora ipsam per tendonem leniter tere-tem inuertens: Alter verò huic subsequens, internis femoris partibus supra genu dearticulationem
nem

nem inseritur vsque ad *externum nodum, vnde * *Fortè in ternum.*
 & musculorum in posteriori carnosâ tibiæ parte
 Græcè gastrocnemia, id est, tibiæ ventre appella-
 ta collocatorum alter enascitur, quo cum etiam
 ipso musculus, de quo nunc edissero, inseritur: ti-
 biâque per illum nonnihil ad internas partes si-
 mul trahit, præcipuèq; cum * prædurati ipsi fue-
 rint. Hic musculus introrsum simul & partim per
 retrorsum agit femur. Hunc ipsum musculû su-
 perius inter coxendicis articulum mouentes de-
 cimum nominavi. Doctrinâque ac institutio-
 nem de vniuersa eius natura tradere hucusque di-
 stuli inter musculos genu dearticulationem mó-
 uentes * de quo superius abundè pertractaui. Re-
 liqui verò tres femoris musculi anteriores genu
 dearticulationem extendunt. Duo quidem in su-
 perficie siti, validi, in robustum ac latum finiunt
 tendonem, qui insertus in orbemq; adnatus vni-
 uerso patellæ ossi, vsque ad tibiâ progreditur,
 prioribus eius partibus sese inferens: Qui verò
 subtus oblitescit, in patellæ principium inseri-
 tar, ligamentisque quæ circa dearticulationem
 sunt, inhærescit. atque in extremitate quidem nō
 sicut prædicti, nervosus existit, sed in prioribus
 partibus: in interioribus verò carnosus. duplex
 enim manifestè est. Atque ego hunc non vnicum
 musculum, sed duos potius posuissem, nisi mihi
 ab antiquorum doctrina discrepare, vbi magna
 me non cogeret necessitas, præcauissem. Antè-
 riorum verò horum musculorum principia qua-
 tuor numero sunt; Atque aliud ex accliu ascen-
 dentèque spina ossis ilium infra eum musculum

angustum, qui primus omnium dictus est, exoritur:
 Aliud ab externis femoris partibus secundum ipsam
 præcipuè natem, id est gluton. Hoc igitur caput
 maximum ex anterioribus musculum gignit, qui
 vniuersam anteriorem femoris regionem occupat:
 Quod verò nunc prius dictum est, musculum li-
 cet hoc ipso quoquo modo minorem, aliis tamē
 magnitudine grandiorē gignit. quippè qui to-
 tam priorem femoris regionem nonnihilq; etiam
 interioris occupat. In idem verò duo hi musculi
 coeunt, vnāq; aponeurosin efficiunt: atque (vt
 ante dictum est) in patellæ os deueniunt. Muscu-
 lus verò ille bifidus, duplexve ipsis subiectus, qui
 femori in orbem adnascitur, alterum quidem ca-
 put obtinet, quod primum magni trochanteris
 processum, ceruicēq; capitis femoris attingit:
 alterum verò, quod à priori femoris regione in-
 fra nuper dictum enascitur. Atq; hoc ipsum ex-
 actè rectum per priores femoris partes ad patel-
 lam vsq; deuenit totum carnosum permanēs: Al-
 terum verò quod supernè incipit, extremitatem
 membranofam efficiens, in internum femoris ca-
 put desinit. Quamobrē multò magis hi, duo mu-
 sculi censentur, quàm illi qui vnicū efficiunt tena-
 donem: Prædicti ergo omnes musculi desuper,
 per femur descendētes, genūq; dearticulationem
 mouentes, vt ego quidem existimo, rectius vtiq;
 nouem dicerentur. At ne in minimis rebus ab an-
 tiquis dissecandi professoribus discrepare videa-
 mur, octo dicantur. Parius verò quidā alius mu-
 sculus sub dearticulatione delitescit in ipso po-
 plite: ligamentum habens, capite validum ac te-
 res,

res, quod prope externum femoris nodum enascitur. Deuenit hic musculus in tibiæ os, obliquus quodā modo magis per posteriores partes dearticulationi superuectus, ad ipsam flectendā natus.

De musculis qui in tibia sunt, à quibus tum totus pes, tum digiti mouentur.

C A P. XXXIII.

Quatuordecim musculi tibiæ in orbem circumiecti sunt, septem ex posterioribus partibus, & septem alij ex prioribus. Cur autem viri in dissecandi munere celebres habiti, octo ipsos esse existimarint, in administrationibus anatomicis dicitur. Igitur ex iis qui in posteriori tibiæ parte siti sunt musculi, tres in calcanei, id est *os finiuunt*, tres alii tum digitos, tum totius pedis dearticulationem flectunt. Septimus in tendonem finies, sub nuda excarnēq; tota pedis parte in latitudinem expansus inseritur. Eorū igitur qui in calcaneū inseruntur, duo à posterioribus partibus capitū femoris illhic existentium exoriantur, tertius verò ipsis subiectus ex suræ seu fibulæ, id est *os finiuunt*, osse in ipso vertice exortū habet. Hic musculus ad finem usq; carnosus perdurat, in calcanei os posteriori in parte descendēs. Duo verò postquam in vnum mutuo peruenierint, ac vocatum gastrocnemion, id est tibiæ ventrem prægressi fuerint, tendonem validum gignentes, calcanei fini inseruntur, proxime prædictæ insertioni carnosæ musculi illius qui ex sura enascitur. Alius verò quartus musculus eundem verticem quem alter prædictorum musculorum, is ni-

mirum

mirum qui ab externo femoris nodo exoritur, obtinet. verum in tibiæ ventre, ab ipso manifestè separatur: & iam in latissimum tendonem finiens, primum quidem ossi calcanei deorsum, dilatatus, postea (vt dixi) toti pedi substernitur. Huius utilitas est, vt solidum & tensum, durumq; ac pilis etiam nudum, facileq; sentiens, vocatum telma, id est pedis vestigium, efficiat. Eorum verò qui in calcaneum infiguntur, officiũ ac vsus est, vt simul cum osse totum pedem retrorsum abducant. Horum quatuor musculorum duo quidem crassitie ferè sunt æquales, ex quibus cocuntibus tendo in calcaneum insertus gigni dicebatur. Qui verò sublimiorem carniq; similem insertionem in calcaneum sortitus est, dimidia ferè est pars vtriusque horum, colore liuidus existens. Qui autem tendonem pedi subinherentẽ gignit, tertia quodam modo est ipsorum pars. Reliquorum verò trium posteriorum musculorum alter quidẽ suræ ossi adnatus ex [sublimioribus] ipsius partibus, qui & maior est in validum quodammodo tendonem terminans, inter calcanei os, & tibiæ finẽ ad inferna pedis prætergreditur. Huic autem hoc in loco alter tendo adiacet, simulq; ad inferna pedis prætergreditur, à musculo ex tibia exorto genitus. Hi igitur duo tendones in digitos pedis inferuntur: primus quidem in medium, & in anularem: secundus in paruum, & eum qui veluti index est. Magnus enim digitus solus omnium ab vtrisque propaginem assumit: non quòd duo tendones in ipsum infigantur, sed quia vnus ex vtrisque genitus sit. Nonnunquam verò medio
etiam

etiam digito hoc usu venit. Alius verò quispiam tendo ex alio musculo per medium prædictorū descendente, exortum habēs, postquam proximè ad calcaneū peruenerit, secedit solus ad anteriora quodam in loco leniter cauo, deorsum in tibiæ insertionē innixus: postea inde inuersus rursus ad inferna pedis, in ipso præcipuè tarso, id est, prima parte plantæ inseritur, dilatatus versus magni digiti partes magis, retrorsumq; & extrorsum leniter pedem inuertens. Quemadmodum qui in calcaneum infiguntur, retrorsum simulq; extrorsum pedem abducebant. Videreturque musculus iste prædicti illius musculi portio esse, quem in paruū digitum & eum qui veluti index est, inseri dixi. Non parua prædicti tendonis portio in prædictum magni digiti phalangem seu internodiū inseritur, oblique ipsum leniterque ad exteriora extendens. Superiores verò exortus hoc se habēt modo. Eius qui ad duos medios digitos peruenit, exortus ex suræ ossē est, secūdum totam ipsius longitudinem ex superioribus partibus à vertice summo usq; ad imum finem principiumq; tertij musculi ex iis qui in calcaneum inseruntur, huic in posteriori ac interiori magis parte adiacet superiacetq; hic enim in posterioribus magis ipsius cruris regionibus exortum habet. Alter verò musculus qui paruum hunc digitum & eum qui veluti index est flectit, ex posterioribus tibiæ partibus infra caput principium sumit. Musculus hic crassitudine ferè dimidia, illum qui medios digitos flectit, superat. Tertius verò musculus, qui huius ipsius pars esse existimatur, quique in

tarsum pedis infigitur: viderique non prius potest, quàm hi dissecentur: regionem quæ inter tibiam & suram media interiacet, occupat, ambo-
bus ossibus supernè deorsum secundum longitudinem adactus. Huius vertex in tibiæ capite est, qua ipsa suræ coniungitur. & qui enascitur tendo, conspicuus ante malleolos euadit. Quo in loco [tendones hi] per ligamentum transversum validum quod calcaneum tibiæ ligat, constringuntur. Posteriores igitur musculi tibiæ hoc modo se habent. Priores verò, quantum sanè ex primis exortibus cognosci potest, iure tres esse à nonnullis dissectionis professoribus iudicati fuerunt. Satius verò fuerit, ipsos septem constituere, quemadmodum in anatomicis administrationibus demonstratur. Qui igitur totum pedem extendit, atque in tarsum inseritur, qui & omnium anteriorum musculorum maximus est, ab exterioribus tibiæ partibus ab ipso sanè capite incipit, ac toti ipsi tibiæ per longitudinem circumnascitur. Qui autem ipsi adiacet, parsque ipsius esse iudicatur: eundem exortum in superiori parte facit: reliqua verò vniuersa parte super prædictum musculum extrinsecus incumbit, neutiquàm tibiam ipsam attingens. Hic musculus in primū os magni digiti inseritur, ipsum obliquè leniter sursum trahens. Post hos deinceps est, aponeurosis in totum magnum digitum, à qua extenditur, secundum longitudinem inserta. Huiusce aponeuroseos musculus gracilis admodū existens, exortum ex media inter tibiam & suram regione movetur, ambo hæc ossa cōprehendens. Cūq; prope
mag

magnū digitum fuerit, ligamentum quoddā prætergreditur, quod eam vtilitatē habet, quā in curribus circuli, per quos aurigæ habenas traiciūt. Possētq; hos tres musculos quispiam vnū censere. Qui verò post ipsum est, qui digitos extendit, à suræ capite, qua ipsa tibiæ coniungitur, incipit, totiq; ipsi adnascitur, cæteris omnibus prolixior, ac in anteriorum musculorū medio collocatus. Porro superior primusque huius musculi exortus ligamentum est ex exterioribus tibiæ partibus enatū apud ipsum exquisitè suræ caput. Post hos verò alij tres musculi sunt ex suræ ossē exortum habentes: vnus magnum pedis digitum flectens: alter gracilis paruum extrorsum abducens: tertius totum pedē sursum tendens. Horum primus ex ipso suræ principio exortum habet, summa sub cute tensus: illihinc verò ad eam pedis regionem, quæ ante paruum digitum est, peruenit: ex exterioribus partibus astragalum seu talū amplexatus: quo etiam in loco in teretem tendonem finiens per inferna pedis in primum magni digiti articulū peruenit. Vbi autem huiusce musculi exortus cessat, ibi secundi ex memoratis musculis caput est. nec longè post principiū musculus iste in tendonem teretem desinit totus gracilis existens. Post hunc verò, ferè iam proximū est ipsius suræ medium, vnde tertius musculus pedem resumans exoritur. Deuenit verò & hic ad externas partes quæ propter malleolum & talum sunt, in vnū finiens tendonem, qui postea tēdo in os paruo digito præpositū inseritur. Bifidus autē ipse in exortu euadit, inæqualibus ferè portioni-

bus: per mediũq; ipsius transit ille, qui paruum digitũ extrorsum abducit. Tres hi musculi vnus esse ob primi exortus communitatem à disseccandi professoribus iudicati fuere. Horum septem musculorum maximus idẽque crassissimus est, qui primus omnium memoratus fuit. Mutuò verò inter se sunt æquales, secundus & quintus, ambo in principiũ primi ossis magni digiti descendentes: secundus quidẽ ex superioribus interioribsq; pedis regionibus: quintus autẽ ex infernis partibus. Post prædictos tum medius omniũ, qui digitos extendit, tum postremus numeratus, qui totam dearticulationem mouet: crassitudine ferẽ sunt æquales, longitudine verò haud æquales: sed qui digitos extendit, longior existit. Reliqui verò duo musculi tum paruus tertiusq; numeratus, qui in magnum totum digitum supernè: tum sextus qui in paruum extrinsecus descendit: crassitudine nec ipsi inter se æquales sunt: sed qui in magnum digitum deuenit, tripla vel quadrupla est crassitudine: gracilis enim admodũ est, qui in paruum digitũ deuenit: Longitudine verò mutuò inter se quodã modo æquales sunt. Igitur in omnibus his musculis quauis aliquid disseccandi professores prætermiserint, mentitiq; ac hallucinati fuerint, ne vnum tamẽ omnino ipsorum neglexerunt. Eum verò musculũ, qui in poplite est, haud scio cur omnes præteriere, longitudine certè breuem, haud tamen imbecillum, ac præcipuè circa eius caput, quod est ligamentum quoddam robustissimũ ab externo femoris nodo enatũ. hunc verò occultat tum dearticulatio ipsa,

ipsa, tum ligamentum quod extrinsecus ex femore in tibiā porrigitur. Est autem leniter quodā modo obliquus musculus hic, idēoque & tibie flexionem non exactē rectam, sed sensim ad exteriora inclinātem efficit. Quintusdecimus ex iis qui in tibia sunt, à nobis musculus hic numeretur, hic inquam qui inter eos qui de articulationem genu mouent, postremū dictus fuit.

De musculis qui sunt in pede.

CAP. XXXIII.

Non quemadmodū in summa manu duo tantū musculorū genera vtrunq; in intrinseca eius regione collocatū, inerant: ita etiā in pede se habet. Sed certē qui totos digitos obliquo motu mouent, numero septē existentes, similem positionem obtinēt: ac hi præterea qui vniuscuiusq; digiti primū mouent articulum, eandē proportionem habent. Duo verò alia vltra hæc in pede sunt musculorū genera: alterū supernè tarso incubens: alterū similiter infernè subiectū. Qui igitur supernè incubunt, digitos obliquo motu agunt, cuiusmodi sanè motu musculi qui à cubitu descēdebāt, digitos manus mouebāt. Qui verò infernè subiiciūtur, secūdū articulū cuiusq; digiti flectūt.

Quæ prius de musculis pedis in lucem edita fuerant.

CAP. XXXV.

Quoniam amici mei iudicarunt de musculis pedis cōpendiosius quā pro aliorū proportionē hoc in libro à nobis declaratum fuisse: idcirco quæ in secundo anatomicarum aggressiōnū libro dicta fuere, in hunc librū legenda trāstuli. Quæ ita ad verbū se habent. In pede quatuor

sunt musculorum genera, nō quemadmodum in manu duo: tria quidem in inferioribus pedis partibus: vnum verò in superioribus, tarso exporretum. Hi sanè musculi * quinque obliquis digitorum motibus præfunt, proportionē respondētes septem illis musculis qui in externa manus regione habentur. Qui verò sub pede siti sunt, septem, & hi cū septenis qui in manu sunt, proportionē similes sunt, singulos digitos obliquo motu mouentes. Quorum duo quemadmodū in manu à primis brachialis ossibus exoriebātur, ita & ipsi in pede à primis tarfi ossibus exoriētes: extrinsecos digitos longissimè ab aliis abducunt. [Reliqui verò quinque paulò post dicentur.] Alij autē ex internis regionibus sunt musculi exigui, qui ex tendonibus digitos flectētibus prius quàm illi (tendones inquam) singillatim scindantur, exoriuntur. Horum musculorum munus est, mediū cuiusque digiti articulum flectere. Scissis enim iam tendonibus alij quoque minores musculi innascuntur, musculis iis qui intus in manu obliquū unicuique digito motum suppeditant, proportionē respondentes. Quatuor sanè & hi numero sunt, quemadmodū etiam illi. Accedentibus verò tum duobus illis prædictis qui extremos digitos ab aliis longissimè abducunt, tum vno etiā illo qui magnū digitum ei qui veluti index est, abducit: totus eorū numerus septenarius euadit. Tertium verò aliud est musculorū genus, qui subter pedē ipsis ossibus inferuntur, eis qui in manu à disseccandi professoribus penitus ignorati fuere, proportionē respondentes. Quos profectò contueri pote

poteris, si tendones omnes sicuti illhic, exciseris. Horum sanè positio omnis, numerus, atq; vtilitas pro illorum sunt ratione, quos in manu esse prædiximus. Duo enim ante primam singulorum digitorum dearticulationem collocati, medio-
criter illos flectunt: Atq; si simul ipsi agunt, cum nulla in latus inclinatione flectunt: sin priuatim alteruter, cū modica in latus inclinatione flectit. Nōnunquā tamen sibi inuicē adeò continui reperiūtur, vt vnus esse in vnoquoq; digito videatur.

G A L E N I D E
N E R V O R V M D I S
S E C T I O N E A D T Y -
R O N E S L I B E R
I N T E G E R ,

*
A V G V S T I N O G A D A L D I
N O M V T I N E N S I I N -
T E R P R E T E .

*Liber hic in Græcis exemplaribus impres-
sis corruptus ac mutilus legitur.*

Cerebrum esse neruorum originem.

C A P V T I I



Q U O D nulla sanè particularum ani-
malis, nec motū quē volūtariū no-
minamus, nec sensum, sine neruo
habeat, quòdq; si neru⁹ incisus fue-
rit, sensu ac motu statim priuetur

particula: iam ab omnibus cōcessum est medicis. Quòd autem principium neruorum sit ipsum cerebrum, quemadmodum & ipsius etiam dorsalis medullæ, quòdque nerui alij quidem ex ipso cerebro, alij ex dorsali oriantur: non omnibus certè compertum est. quanuis id quod ex dissectione apparet, hoc se habeat modo.

De prima neruorum à cerebro exorientium coniugatione.

C A P. I I.

Ipsi quidem anteriores in cerebro ventriculi, dum ad priorem procedunt partem, paulatim admodum figuræ cōni coarctantur, quousque ad nasi principium (perpetuò sibi mutuò appoliti, seseque contingentes, vt nihil inter ipsos medium nisi tenuis meninx membranave intersit) perueniant. Ab vtraque autem horum ventriculorum parte, alter dextra, alter sinistra, est nervus crassitudine notabili, ac propè omnibus aliis nervis mollior: qui à cerebro exoriens, in oculos extracaluariā per quoddam procedit foramen, quod tanta prorsus latitudine, quanta nervus crassitudine, existit. Collocatum autem est hoc foramen, quā primum oculorum regio oriri incipit. tibiisque nerui hī si inspexeris, veluti quædam oculorū radices esse videbuntur. Dissoluuntur autē non in multas sanè fibras, quemadmodū cæteri omnes qui instrumentis eos suscipientibus distribuuntur: sed admirabili quodam aliō modo, quē nec verbis facile est explicare, nec si audias, prius fortasse credes, quā tuis oculis hoc spectaculū intuitus fueris. Nam vterque dum intra oculum sibi

è reg

è regione situm immergitur, in latum sese extendit: ipsumq; qui in oculo est vitreus humor vocatus, sphaera modo in orbem circuit, nihil etiamnum à cerebri natura inibi differens. Quin & solis his nervis antequàm in oculos inferantur, apertè intus sensibilis quidam meatus adest. * vnde & hos ipsos nervos nonnulli dissectionis professores, meatus appellant, nonnulli verò visorios nervos, ab actione nimirum imponentes nomen. Et hanc coniugationem, primam omnium à cerebro provenientium nervorum, quæ omnibus aliis est mollior, numerant.

De secunda nervorum à cerebro prodeuntium coniugatione.

CAP. III.

ALia verò deinceps est coniugatio, quæ multis oculis mouentibus distribuitur, multò perfectò quàm prædicta durior & * minor. * Exciditq; forasve emergit è caluaria propè illam, quippè quam tenuissimum os ab illa distinguit, ac separat.

De tertia nervorum à cerebro exorientium coniugatione.

CAP. IIII.

HVic ipsi non in primo eius exortu, sed dum per caluariam progreditur, tertia adiacet coniugatio nervorum, quos sanè molles vocant: qui tibi, si mentem eis diligentius adhibeas, quamplures in prima statim radice esse videbuntur: at si negligentius inspexeris, omnes vnus esse apparebunt. * Molliores nempe sunt nervi hi, quàm qui in secunda nuper dicta, ac quarta, ac vlla alia deinceps sequenti coniugatione habentur. * Adhucq; etiam magis, eiusmodi apparent, quòd

* Ex duobus codicibus antiquis ita vertendum, vnde & hos ipsos nonnulli dissectionis professores meatus, non nervos appellant, nonnulli verò, &c. * μυστηριώδης est in antiquis.

* Ita vertimus ex antiquis. * τι est in antiquo non in id. * In impressis μυστηριώδης in antiquis tamen le-

gitur u- cum plures numero sint, ac capillorum modo te-
 ra rōuā- nues, mutuò sibi citra vllam aut compressionem
 quov, id aut complicationem adhærent.
 est, in exor-
 tu.

*De quarta nervorum à cerebro venientium coniuga-
 tione, & multa quoque de tertia.*

C A P. V.

* Ita legūt
 impressi co-
 dices, et a-
 liqui etiā
 manu scri-
 pti.
 Sūt tamē
 qui putet
 locum esse
 mēdosum,
 ac qua hīc
 dicuntur,
 sexta po-
 tins cōiu-
 gationi cō-
 venire.
 Quidā co-
 dices ha-
 bēt. prima
 igitur ipso
 ru particu-
 la separa-
 tur, sece-
 dit ve in
 inferiora
 capitis tē-
 dens. &c.

Q Varta verò nervorum à cerebro prouenien-
 tium, coniugatio, paulò iis durior, * [post
 exortum] statim cum tertia permiscetur, simulq;
 prætergreditur, primùm quidem crassam ipsam
 cerebri membranam, postea verò ipsum etiam ca-
 pitis os. deinde rursus ad oris palatū secedit. Ter-
 tia porrò coniugatio, quemadmodum ex multis
 primis videtur radicibus componi: ita quoque
 multifariam discinditur. Nihil enim interest siue
 solui à seipsis inuicem prædictam nervorum col-
 lectionem dixeris, siue discindi totū, cum partes
 dehiscant: nec secus intererit siue partes ipsas à
 seipsis mutuò discriminari dicas, siue earum vnā-
 quaque à tota collectione nasci. * Primùm igitur
 vnaquæque ipsorum particula separatur, se-
 ceditve in inferiorem capitis partem tendens, id
 quod dissectionis professores latuit. Commune
 autem est foramen, per quod, tum hæc nervorum
 portio deorsum fertur, tum ipsius carotidis seu
 soporariæ arteriæ reliquum, ad cerebrum ascen-
 dit: ab utroque certè latere vna. nam si hoc quan-
 doque in oratione non dicatur, subaudiendum
 tamen à vobis perpetuò est. vt qui semel nuper au-
 dicritis, nullum vel à cerebro vel à dorsali medul-
 la prodeuntium nervorum, non cōiugatum esse,
 [vlti

*[ultimo eo excepto qui à dorsali medulla progrediente enascitur: ille enim solus sine coniugio est. propterea quòd dorsalis medulla iam in nervos absumpta fuerit,] sed semper à dextra alterum, alterum à sinistra mutua sibi ipsis magnitudine exquisitè æquales, exoriri. Quoniam igitur modo nervi isti per collum ac thoracem ad eas quæ infra septum transversum sunt partes, & quænam eorum sit distributio, procedens oratio declarabit. Nunc ad reliquas tertiæ coniugationis partes reuertamur. Nam cum illa è caluaria emergit, secundam quidem attingit. non ei tamen quemadmodum quædam aliæ (vti narrabimus) permiscetur, sed variè, veluti iam diximus, scinditur. Confestim igitur eius particula apud maxillæ dearticulationem, in priorem auri partem emergit, nervis à quinta coniugatione proueniètibz, permista. quo autè modo permisceatur, paulò post audies. Hæc porrò pauca quædam ipsius est particula. At qui veluti truncus est omnium ab ipso nascentium partium, quæ & ipsæ ramorum ac virgultorum rationem obtinent, bifariam primò scinditur: deinde utrunque ipsius membrum in multas secatur particulas. Et alterum quidem tum in eos musculos, quos crotaphitas, id est temporales, & eos quos masseteras, id est manforios, appellant, distribuitur: tum in omnes etiam alios, qui à superiori maxilla exoriuntur. gingiuis præterea dentibusque acuti quæ circa faciem est, per hos nervos sentiendi facultas datur. Alterum verò membrum tum ad dentium qui in inferiori sunt maxilla, radices scinditur, eadem nimirum proportionem, qua prius membrum

Considera ac confer cum x. cap. pluribus in locis.

**Hæcerant in antiquis.*

**Ex antiquis ita legimus.*

Ex antiquis ita legimus.

membrum in superioris maxillæ musculos, scindebatur: tum ipsi etiam gingivis ac labris inferioribus distributiones ac propagines perinde ac illud superioribus, mittit. Plurima autem eius pars in linguæ tunicam dissipatur. Et hanc nervorum coniugationem gustatoriam appellant, quandoquidem per hos gustandi fit sensus. Talis igitur est tertiæ coniugationis distributio. Dictum præterea est & de quarta, quam re vera à tertia seiunctam, & ad palatum peruenientem invenit Marinus: de qua & nos quoque in libris de administrationibus anatomicis differimus.

*De quinta coniugatione nervorum
à cerebro exorientium.*

C A P. VI.

DEinceps verò altera est nervorum coniugatio, quam Marinus quintam nominat: quævis non ex vna exquisitè radice exurgat, sed sibi mutuo vicinæ sunt. Alterque ex altera exoritur nervus, ac in priori quidem magis parte, qui auditorius vocatur, qui vna cū dura cerebri membrana, [inde] exoriente, in auditus foramen * incidit: cum qua in latitudinem sese explicans, meatum sublinat. A posteriori verò parte alter in aliud quoddam lapidosi ossis foramen * incidit, quod cæcum appellatur. Sic enim veteres dissectionis professores hoc foramen nominant, propterea quod anfractum illum per quem nervus foras post aures excidit, haud possent perfectè perforare. Statim verò & hic nervus illi tertiæ coniugationis nervo, qui foras excidere apud maxillæ de articulatione dictus est, permiscetur: nō quod ille

* In antiquis quibusdā cod. legitur ἐπιπτορ, id est incidit, in imprestis tantum legitur ἐπιπτορ, id est, exci-

ille ad hunc perueniat, sed quòd hunc ipsum dum *dit seu*
 ad seipsum aduentat, expectet. Ex vtriusq; autem *emergit.*
 commistis maxima pars vel (vt melius dicam) to- *& ita*
 tum ferè, in latum illũ musculum (quem & myo- *paulo in-*
 des platysma, id est, musculosam dilatationẽ ap- *ferius in*
 pellamus) scinditur, qui cuti subnascens, *γνάθιον*, id *antiquis*
 est buccam, sine maxilla mouet: qui sanè à nobis *ἐκπιατορ*
 vnus nimirum & ipse vtrinq; existens, inuentus *in impres-*
 est. Nam te semper hoc meminisse oportet, vt in *sis tamen*
 omnibus per coniugationem intelligas: licet quã *ἐκπιατορ*
 doque in oratione non dicatur. Eiusmodi igitur *legitur.*
 est distributio quintæ coniugationis. nam licet
 manifestè duplex existat, vna tamen propter Ma-
 rinum esse concedatur.

De sexta coniugatione neruorum à cerebro exorientium.

CAP.

VII.

Sexta verò neruorum à cerebro orientium cõ-
 iugatio vno quidẽ vtitur foramine, quod pro-
 pe internam futuræ illius quæ à literæ Λ similitu-
 dine lambdoides appellatur, situm est: Cùm pri-
 mùm tamen ex cerebro oritur, trium habet prin-
 cipia neruorum, qui cùm extra caluariam emer-
 gunt, variè tum inter seipsos, tum cum adiaceu-
 tibus, de quibus paulò pòst dicam, miscentur.

*De septima coniugatione neruorum
 à cerebro prodeuntium.*

CAP.

VIII.

Septima adhuc reliqua est coniugatio neruo-
 rum à cerebro orientiũ, quæ maxima sui ipso-
 rum parte in linguæ musculos distribuitur. nam
 quædam parua ipforum particula in eos quidem
 semper peruenit musculos: qui tum thyroæ di, id
 est,

est, scutiformi laryngis chartilagini, tum humilibus lambdo^adis ossis lateribus communes sunt: in alios autem quosdam, non semper.

*De mutua harum coniugationum complicatione, deq;
anatomicorum circa has discordia &
ignoratione.*

CAP.

IX.

Commiscentur autem, vt diximus, inter sese nerui infra caput tendentes, tum qui à tertia coniugatione, tum etiam qui à duabus nouissimè dictis proueniunt. Quinetiam prima, secundaq; neruorum à dorsali medulla nascentium coniugatio, multam cum his neruis commistionem facit. tibiq; sæpius quidem quod ex altero ad alterum peruenit, veluti vinculum quoddam dūtaxat ambobus commune esse videbitur: nonnunquam verò id ipsum, alterum quidem neruorum auget, tanquam ad illum accesserit, simulque sese cum eo miscuerit: alterum verò minorem reddit, tanquam ab ipso separatum fuerit ac recesserit. Quapropter in his neruis cognoscendis confusi sunt omnes dissectionis professores, & inter sese maximoperè discreparunt, ac in vnoquoque plurimum ignorarunt. Nam quædam quæ nō solum in cunctis animalibus non apparent perpetuò, sed ne in simiis quidem solis, ipsi ac si nunquam aliter ea sese haberent, asseueranter scripserunt: quædam verò non in simiis solum, sed in aliis etiam animalibus, quorum sex esse genera in libris de anatomicis administrationibus ostendo, similiter perpetuò se habere, omnino ignorarūt. Exempli causa, omnibus propriis gutturis musculis nerui

secun

Ita ex antiquis codicibus traducimus vsque ad capitulum finē.

secundum tres ab utroque latere insertiones distributi sunt, ut eae omnes sex numero existant. Harum insertionum nonnulli disseccandi professores duas duntaxat, nonnulli ne has quidem nouere,

De sexta coniugationis nervorum à cerebro oriētium distributione.

C A P. X.

SANè gutturis musculi, qui cum aliis partibus communes sunt, non semper à sexta coniugatione nervos suscipiunt, quemadmodum ne qui os quod à similitudine Λ , & Υ , literarum Græcarum lambdoides, & hyoides dictum est ossi pectoris connectunt: de quibus in libris de administrationibus anatomicis exactè pertractatur. In quibus etiam libris de trium illorum nervorum traditur distributione, qui per id foramen quod prope finem futuræ lambdoides est, dicuntur exoriri: quanvis omnes ferè disseccandi professores in utroque latere vnum esse soporariis nimirum arteriis inhærescentem existiment: quem si laqueo intercipias, mutū confestim reddetur animal. Ab his igitur nervis etiam gutturis musculi propagines suscipiunt. Reliquorum verò duorum alter in alios [quosdā] faucium musculos & * [linguæ radicem] pervenit. alter * [tū in scapulæ musculū illū latum,] tum in alios quosdā qui inibi sunt. Ipsos etiā dissectionis professores latuerunt non paucae propagines eorum nervorum arteriis inhærescentium, quos solos plurimi (ut dixi) * sextam esse coniugationem existimant, quas quidem propagines illi dum per collum & thoracem feruntur, faciunt

*Ita ex antiquis ver-
timus.*

* Alias
in lingua
musculos
iuxta ra-
dicem.

* $\kappa\alpha\iota\ \tau\epsilon\ \tau\epsilon\ \rho$
 $\epsilon\mu\mu\pi\lambda\acute{\alpha}$
 $\tau\epsilon\mu\mu\sigma\tau\epsilon\ \rho$
 $\pi\lambda\alpha\tau\acute{\epsilon}\rho$.

* $\kappa\alpha\iota\ \tau\epsilon\ \rho$ est
in anti-
quis.

faciunt, antequā ori ventriculi, in quod plurima istorum neruorum portio inseritur, ac disseminatur, incidāt. Illud certē admiratione est dignum, quōd quasdam ex his neruis particulas in septum transuersum distribui dicāt, cū tamen ipsum ne minimam quidem omnino ex hac coniugatione portionem suscipiat. At quōd vicissim ex medio thorace nonnullæ horum neruorū portiones ad quosdam gutturis musculos veniant, non etiam dicunt, nec quam facultatem hi nerui habeant.

**καὶ τὰ
πάντα, est
in anti-
quis.*

*Ita ex an-
tiquis ver-
timus. ex
impres-
sibus
tamen le-
gi potest,
& eos ad
viscera
quæ mihi
sunt disse-
minat.*

**ἰσὺς est
in anti-
quis, in im-
pres-
sibus ta-
men est
ἰσὺς, id
est extra.*

*quanquā si hi læsi fuerint, causæ sunt vt animalis vox deficiat. [Et magna neruorum arteriis inhærentium coniugatio, propterea quōd hi eorum particulae sunt, vocē destruere, si lædatur, potest.] Varia autem est horum neruorum infra septum transuersum distributio. Nam & quasdam particulas à dorsali medulla quæ in ea est parte, suscipit [& ad viscera quæ inibi sunt, disseminatur,] & iis etiam quos superius à tertia coniugatione per collum ac thoracē deferri diximus, admiscetur. Quanquā rursus hi ipsi nerui qui ad costarū radices procedunt, sextæ coniugationis esse propages ab omnibus existimantur. Varia etiā est & horum neruorum cōmistio tum cum intercostalium neruis, tum iis ferè omnibus qui ad lumbos parui feruntur, tū postremò cum eorū neruorum reliquiis qui ad vetriculi os veniūt. Varia deniq; est & quæ * intra peritonæi regionē est distributio, quā nunc mihi ad exactum vnguē verbis exequi non est statutum. [Sed satis est si non ignoremus, quōd ad iecur & lienem & renes, adhucque etiam ante hæc, ad totum ventrem, ac ad omnia viscera

viscera nerui à cerebro partim à tertia (vt dictum *Hæc de-*
 est) coniugatione, partim à sexta peruenire con-*sunt in im-*
 spiciuntur. Quod autem pulmo ac cor à sexta cō-*pressis vs*
 iugatione quandam neruorum portionem in col-*que ad fi-*
 lo suscipiunt, omnes certè nouere. Verum de ner-*nem libri,*
 uis à cerebro prodeuntibus, hæc iis qui instituun-
 tur, sufficiunt, De iis verò qui à dorsali medulla
 proueniunt déinceps agendum. In quibus omnes
 dissectionis professores errauerunt: erratorum au-
 tem causas nunc non est tempus prosequi: quan-
 doquidem iam eas in administrationibus anatomi-
 cis narrauimus. Antiquiorum tamen ob id co-
 gor meminisse, quòd iis qui eorum quidè libros
 legunt, haud tamen mecum quæ per dissectiones
 apparent, inspiciunt: incertum esse videbitur,
 vtrum omnes illi, an ego solus peccauerim.

*De prima coniugatione neruorum à dorsali me-
 dulla quæ in collo est, exorientium.*

CAPVT XI.

PRima igitur coniugatio neruorum ex dorsa-
 li medulla prodeuntium, exoritur, perforata
 prima vertebra foraminibus diuersis ab iis quæ
 primarum sex vertebrarum communia sunt. Alia
 enim in transfuersis sunt processibus, ac nequa-
 quam medullam attingunt: quæ verò attingunt,
 duo sunt alia, per quæ prima neruorum coniu-
 gatio emergit: quæ vnam quidem radicem apud me-
 dullam habet: mox bipartito scinditur, ac altera
 quidem eius particula retro: altera ad latus pro-
 cedit. Itaque parua est hæc neruorum coniu-
 gatio in iis animalibus, in quibus primæ vertebræ
 sunt paruæ, veluti in simis: magna verò, in qui-

bus magnæ, veluti in ferratos dentes habentibus & cornigeris. in his ergo, ob ipsam certè magnitudinem, neruorum exortus ad latera perueniens in plures musculos dispergitur, quos in anatomicis aggressionibus diximus. In simiis verò quæ homini tum in plurimis aliis particulis tum in collo simillimæ sunt, in eos tantùm prima coniugatio distribuitur musculos, qui circa capitis dearticulationem sunt, qui nec ipsi exactè à dissectionis professoribus cogniti fuere.

De secunda coniugatione neruorum à dorsali quæ in collo est, prodeuntium.

CAP. XII.

Secunda verò neruorum à dorsali medulla nascentium coniugatio, à posterioribus quidem & ipsa emergit partibus, non tamen per vlla sanè foramina, quemadmodum prima. Nam in vtraque spinæ parte locus quidam est, ossibus, quæ sunt in vertebriis, nudatus, in medio primæ & secundæ vertebræ: per quem nerui exoriuntur, qui & ipsi aliquandiu per latera ad priora feruntur, neruis primæ & tertiæ coniugationis à cerebro prodeuntibus (sicuti etiam tertia coniugatio) complicati: plurima verò suis ipsorum portione posterioribus colli musculis distribuuntur, simul etiam quippiam latis musculis buccas mouentibus impertientes: quidquid verò reliquum est ipsorum, ad caput ascendit, posteriorem ipsius totam regionem pertexens: ita sanè & quod antrorsum fertur, propemodum, & ipsum in totam priorem capitis partem disseminatur.

*De tertia coniugatione neruorum à dorsali qua
in collo est venientium.*

CAPVT XIII.

Tertia autem coniugatio neruorum à dorsali medulla venientium, ex transuersis partibus exoritur: vbi secunda & tertia vertebra mutuò sibi congregientes, commune ac rotundum efficiunt foramen, quod nerui crassitudini latitudine est æquale. Statim verò scinditur: Ac altera quidem parte retrorsum fertur, distributiones quasdam per profundum musculorum, qui inibi sunt, exhibens: postea ad ipsius spinæ acanthan, id est apicem, exurgit: indeq; rursus neruus hic obliquus in priora tendit, in musculos qui post aurem sunt disseminatus, ab vtraque parte vnus: Nam id semper, licet non dicam, subaudiendum à te volo: Altera verò parte, quæ in priora fertur, tertia hæc coniugatio, de qua nunc habetur sermo, vicinis exortibus complicatur ac permiscetur: distributionesque quasdam tum aliis quæ illhic sunt corporibus, tum latis musculis, tum verò iis etiam qui sunt ante aurem, mittit.

Quæ communia sunt cæteris neruorum coniugationibus à dorsali qua in collo est prodeuntibus.

CAPVT XIII.

Quæ verò subsequuntur coniugationes, commune quidem id omnes habent, quòd per foramina per quæ nerui emergunt, simili inter se modo exeunt. commune verò etiam, quòd statim in exortu scinduntur: quòdque altera parte quæ minor est, ad priora, altera quæ maior, per profun-

dum tendunt. ac primò quidem in spinæ apicem, inde verò in priora rursus feruntur per latum musculum, quem ne ipsum dissectionis professores mouere, euidentissimam licet actionem habeat. nam buccas vnà cum labiis citra hoc quòd maxillæ inferioris os moueat, ad latera abducit. Commune præterea omnes deinceps coniugationes hoc habent, quòd post primum statim exortum, breuem quandam neruorum distributionem in musculos rhachitas, id est spinales, exhibent. Quinetiam omnibus his neruis commune est, quòd ad spinam retrorsum feruntur: quòdque propagines quasdam musculis colli & capitis communibus impertiunt. Hæc igitur omnium neruorum qui in toto collo habentur, cõmunia sunt, Quòd certè collum in omnibus iis animalibus quæ non admodum diuersam ab homine naturam obtinent, septem constat vertebris.

Quæ peculiaria cuiusque coniugationis neruorum à dorsali quæ in collo est exorientium.

CAPVT XV.

QVæ verò peculiaria ac propria sunt, tum singillatim quidē in anatomicis administrationibus dicta diligenter fuere, tum verò nunc quoque per capita ac summatim ea nos dicere, breuissimo, quo possumus sermone comprehendentes, est necessarium. Omnes sanè tam qui in prioribus colli partibus quàm qui ad eiusdē latera sunt musculi, ab his coniugationibus neruos suscipiunt, iis musculis exceptis, ad quos à coniugationibus ex cerebro prodeuntibus aliquid distribui prædiximus. His igitur præcognitis,
iam

iam clarum erit quidquid in vnaquaque subsequenti coniugatione est proprium: cui tu animum aduerte. A quarta coniugatione quæ inter tertiam & quartam vertebram enascitur, brevis admodum in simiis nervus ad succedentem pervenit coniugationem, illi quæ primum emergit, permixtus. In cæteris autem animalibus haud frequenter sanè hanc permissionem fieri conspiciamus. Post hanc verò deinceps, quinta coniugatio post quartam vertebram exoritur: Ac eius sanè vna quædam parva portiuncula declivius fertur: quæ si parvas quasdam à succedentibus coniugationibus portiones assumpserit, septi transversus nervus evadit: Altera verò hac maior particula ad summum scapulæ ascendit: Reliquum autem totum in communi scissionis ratione dictum est. Ex succedentibus porro coniugationibus sexta quidem post quintam vertebram, septima post sextam, octava post septimam, ex communibus, ut dictum est, foramenti emergit: quæ postea (coniugationes inquam) sibi mutuò permixtæ, ad scapulæ concava & ad brachium per axillam tendunt.

*De coniugationibus nervorum ex thoracis
vertebris procedentium.*

CAPUT XVI.

Alia verò deinceps coniugatio ex thoracis iam vertebris inter primam nimirum ac secundam exoritur, plurimam supradictis coniugationibus sui ipsius partem permiscet, portioq; sanè non parva ipsius in primum intercostale disscinditur, ac ad spinales musculos retro pervenit:

Altera verò super primam costam extensa, neruo qui post septimam colli vertebam est, connectitur. Deincepsq; hoc modo cum ambæ hæ tum cæteræ prædictæ partes per axillam in scapularum sima & brachium feruntur, inter sese quodam modo permixtæ ac complicatæ. Ac magna eorū pars in brachij & cubiti musculos distribuitur. Quod verò adhuc reliquum est, in summam manum disseminatur. Enimverò sicuti tum qui ad summam manum nerui pertingunt, vltimæ ex prædictis coniugationi, tum qui ad cubitum, ei quæ supra hanc è regione è directio, id est *κντ' ινδδ*, quodam modo præcipuè sunt: ita etiam quicunque in brachio, & qui adhuc sublimiores sunt, ad scapulasque perueniunt nerui, superioribus coniugationibus è regione sunt. Qualenam verò iter per totam manum faciant, ac quomodo in singulos musculos distribuuntur, in anatomicis administrationibus iam dictum est. Eodem etiam modo ex omnibus thoracis vertebis nerui exoriuntur simile omnes distributione sortiti, eo excepto qui ad secundum tendit intercostale. Inde enim manifestè neruus emergit, ad brachij cutem accedens. Cæteræ verò omnes coniugationes statim cum exoriuntur, portionem sanè quandam spinalibus musculis tribuunt, aliisque qui in methaphreno, id est dorso sunt: veluti tum iis qui scapulas movent, tum etiam iis qui ad humeri dearticulationem ascendunt. Reliqua verò vniuersa ac maxima sui ipsarum parte per intercostalia ad os vsq; pectoris progrediētes, tum eos qui in intercostalibus sunt musculos pertexūt, tum eos etiam qui

extrin

extrinsecus thoraci impositi sunt, suas ipsarum particulas per medium eorum emittentes: de quarum singulis particulatim in anatomicis aggreffionibus dictum est. Porro quæ à dorsali medulla ad costas nothas accedunt nervorum coniugationes, propterea quòd costæ nothæ ad os pectoris excurrunt, parum quiddam sanè singulæ intercostali sibi respondententi distribuunt: Reliqua verò tota sui parte ad hypochondrium emergunt, tum in eos distributæ musculos, qui primi intrati sunt, extrinseci nimirum & obliqui, superneque ex thorace delati: tum in eos etiam, qui recta descendunt, carnosique sunt.

De coniugationibus nervorum ex lumbis vertebris procedentium.

C A P. XVII.

Post has verò sunt quæ in lumborum regione habentur nervorum coniugationes, quæ non ex còmuni foramine, quemadmodù quæ in collo sunt, exeunt. Nam superior dúntaxat vertebra hic perforata, commodum nervo præbet exitù. Commune verò illud foramen quod in ceruice ex ambabus conficiebatur vertebris, paulatim ad superiorem transportabatur: ita vt primo quidem eius foraminis multù in ipsa exculperetur, postea verò totum deinde à fine vertebræ conscenderet [id est, ad superiora recederet:] superiorique extremitatis ecphysis exortúsve fieret. Commune autem omnibus his nervis est, quòd ad spinales musculos, & abdomen, & psoas, id est lūborū carnes, vadunt. Quæ verò nervorū còiugationes ex primis post septù transversum vertebris exoriùtur,

neruis etiam à cerebro descendentibus complicantur. Illis autē ecphyfis alię priuę permiscetur, quarum vna superposita est: altera verò post primum foramen in ossē sacro vocatō positū exoritur. Hæ autem statim recedentes, primis musculis de articulationem coxendicis mouentibus inferuntur: Reliqua verò tota pars ad crura tendit ad finem vsquē ipsorum in vnumquēquē musculum, eadem proportionē qua in manū musculis fiebat, discissa: quē admodum in anatomicis agressionibus explicatum iam est. In pręsenti enim veluti quandam hypotyposin & synopsis, id est, subfigurationem & compendium, eorum quę accurate in illis libris scripta fuere vtilem tyronibus futuram fecimus. Sic sanē etiam quicūque per reliqua ossis lati foramina exortum habeat, nerui, musculique qui inibi sunt disseminantur, in illo tractatu exacta diligētia narrauimus. Nūc hoc tantum dixisse satis sit, quod sedis, pudendi, & vesicę musculis, ipsique etiam pudendo, ac pręterea musculis qui ab ossē sacro, & ab interna ossis pubis parte exoriuntur, omnibūque etiam corporibus extrinsecus iuxta hoc ipsum os latum ac sacrum appellatum incumbētib; ex internis externisq; eiusdem ossis sacri foraminibus neruorum exortus à dōrsali medulla gignuntur; in os coccyga, id est cuculum vocatum, terminantes.]

GALENI VO-
CALIVM INSTRV-
MENTORVM DIS-
SECTIO,

AVGVSTINO GADALDI
NO MEDICO MVTI-
NENSI INTER-
PRETE.

ARGVMENTVM LIBRI.

*Fragmentum hoc nuper à nobis compertum &
translatum, causam, materiam, instru-
menta, locum, & modum vo-
cis declarat.*

*

Quæ cognovisse debet is, qui ratione curare debet.

CAPVT I.



VICVNQVE ratione curaturus
est, causas is tum actionum nostra-
rum secundum naturam, tum affectio-
num præter naturam: vt illas serua-
re, has è corpore eicere possit, co-
gnovisse debet: modos item, secundum quos actio
fit: & locos, in quibus: & instrumenta, per quæ.
Actionis enim modus cognitus, promptiores ad
opitulandum nos reddit: nimirum qui naturæ opera
imitemur. Locus, localiter opitulari nos docet:
ne illæsis particulis tãquam affectis frustra mole-

ftiam inferamus, affectisq; tanquam fanis non opitulemur. Instrumenta denique propriam ac suam cuiusque ostendunt curationem. alio enim modo neruis affectus, alio charilago, & alio carnosum genus curatur.

Ad voicem generandam, quæ artificis, quæ materia, quæ instrumenti & quæ loci rationem obtineant.

CAP. II.

QUoniam igitur necessarium esse videtur, ut actiones ac earum causas, instrumenta prætereà & locos ac modos cognitos habeamus: oportet etiam cognouisse à quibus vox, quæ nostri corporis est opus, fiat: ut ipsam, dum adest, seruemus, roboremusque. Cum autem omnia in hac vita à tribus his fiant, artificibus, instrumentis, & materia: ut exempli causa faber ærarius, ipse quidem est artifex: instrumenta, malleus & incus: materia, ipsum æs: effectus seu apotelesma, est lebes, verbi gratia, vel concha: eandem proportionem in operibus, quæ in nobis fiunt, esse necessarium est. Rationem igitur causæ & artificis obtinent ipsæ, quæ in nobis sunt, facultates: quarum aliæ naturales, aliæ animales existunt. Atque naturales quidem citra nostram electionem vniuersæ agunt. Ex animalibus verò actionibus plurimæ secundum nostram voluntatem perficiuntur: ita ut si quid opus est animale, id non omnino secundum nostram voluntatem sit: si verò aliquid secundum nostram voluntatem fiat, id omnino sanè facultatis animalis fuerit. Quoniam igitur omnis
vol

voluntaria actio ab animali facultate prouenit, arbitrato verò nostro volentisque vocem tum ædimus, tum sistimus: fuerit sanè, quæ in nobis vocem artificiose fabricat, ipsa animalis facultas. Cùm verò voluntariæ actiones per musculos ac nervos perficiantur, voluntaria verò sit ipsa vox: patet, instrumenta, per quæ vox fit, inuenta esse. Materiam autem ipsa quoq; cõmunis vocis definitio nos docet, quæ ait. Vox est aer percussus. Manifestum igitur est, quòd aer, qui in nobis genitus, spiritus vocatur, à facultate animali per nervos & musculos percussus, vox fiet, materiæque rationem obtinebit. Quisnam verò sit locus in quo actio fieri creditur, deinceps considerandum est. Homerus igitur caput locum esse vocis pronuntiauit, sic inquit:

Clamorem emisit, quantum caput huic capiebat.

* * *

tres enim nouit musculos qui phantasiam, opinionemque nobis afferunt, ipsam vocem in thorace fieri. Nos igitur, an ex prædictis locis quispiã, an etiam præter hos alius sit vocis officina, ab apparentibus auspicati cõsideremus, prædictam cõstitutionem præ oculis habentes. Cùm igitur spiritus sit, qui in vocis generatione percutitur, quæ admodum sanè tum ratio ostendit, tum apparentia comprobant: (neq; enim profectò multũ aerẽ attraheremus, vbi magnam vocẽ edere vellemus) inuestigare conuenit quodnam ex spiritalibus instrumentis percutere, comprimereque spiritum possit

* * * *

bronchus, nares, os: ille quidem vt causa, hoc vt

rece

receptaculum, hæ vt meatus. Thorax igitur & pulmo vocem non faciunt. eorum enim motiones diastole, & systole id est dilatatio & cōstrictio, solæ sunt: quas motiones, hæc ipsa duo mēbra dū inter respirandum mouentur, non vocem, efficiunt. Relinquitur ergo vt quæ tanquam spiritus meatus sunt, vocem faciant. Ex his nares quidem ac maxima brōchi portio cū musculis careant: vocem, quæ voluntarium opus est, perficere haud possunt. Superest ergo ipsum os & superior brōchi terminus: quem & brōchi caput appellant, nonnulli verò larynga, id est guttur nominant. hæc enim musculos ac nervos habent: ac præsertim ipsa lingua, quæ ita à natura constituta est, vt aerem posset percutere. Quamobrem fama est Tereum, cū Philomelæ vocem adimere vellet, vocis instrumentum, linguam inquam abscidisse. Sed quoniam qui ea affectione, quæ aphonia, id est vocis amissio, dicitur, linguam, ac respirationem sanas habent: patet non linguam, sed bronchi caput vocis esse instrumentum: magnam quippe ex constructione comprobationem assumens. nam tum ex nervis, qui mouent: tum ex musculis, qui voluntati obediunt: tum denique ex cartilaginibus, quæ percutere spiritum simulque resonare possunt, constitutum est.

Quæ primaria attrahendi spiritus in pulmonem,

& quæ secundaria sit ratio.

CAP. III.

I Taque per thoracis dilatationē spiritus in pulmonem attrahitur, primaria quidem ratione, ob caloris circa cor existentis refrigerationem;

ac

ac præterea ob corporis perspirationem, & ipsius animalis spiritus nutritionem: secundaria verò, ob vocem. Nam illius spiritus qui in pulmone confectus est, pars tenuior synceriorque à corde attracta, primas illas vtilitates præbet: superflua verò ac recrementitia, recurrêdo excernitur. Neque enim quo pacto nutrimenti, eo quoque sanè ipsius spiritus superfluitates eiiciuntur. Nam quæ malè olent, deformesque sunt, natura procul à sensibus, retròque ablegauit: quæ autem in confectiōe nullam acquirunt inuocunditatem, eas per eandem viam recurrere, coegit. Ac fortassis etiam propriis materiarum propeſionibus simul est vsa: ponderoso quidem deorsumque vergenti alimento, excretionem illhac parans: leui verò spiritui, sursum ferri permittens. Hocq, naturæ consilium mediocriter sanè est laudandum: at quòd superfluum spiritum haud inutiliter ociosèq; è corpore expellat, sed ad vocis quoque generationem, eo dum transit sit vsa: nihil profectò, quo prouidentia laude superari posset, ab ipsa relictum est.

Chartilaginum laryngis dissectio.

CAPVT IIII.

Postquam igitur facultatem, instrumenta, materiam, & locum inuenimus: modus duntaxat nobis inuestigandus relinquitur. Sanè cum ipse circa apparentium inspectionem cognosci non possit: necessarium iccirco nobis est, vt dum ad eorū ostensionem accedimus, modum actionis consideremus: qua cum vnà quoque particularum vsus innotescet. Vt autem quæ ostenduntur, facilius memoriae mandari possint: eorum naturam,

ora

oratione prius dilucidemus. Igitur larynx ex chartilaginibus, musculis, nervis, & ea membrana, quæ intus ipsum sublinat, cõstituitur. Cùm autem chartilagines veluti fundamenta reliquorum sint corporum: de ipsis prius (clarior siquidẽ, quæ de reliquis postea habebitur, oratio euadet) dicamus: hinc sumpto doctrinæ initio. Prima fanè ac maxima inter laryngis chartilagines, ex internis partibus collocatur: cuius quidem conuexa pars, extrorsum versa est: concaua, introrsum. atq; hæc ipsa chartilago dimidiũ totius capacitatis laryngis compræhedit. Hanc ipsam cuidam armorum protegentium generi non conuexo, sed concauo, quod *θυρεός*, id est scutum appellatur, assimulare posses: à quo fanè anatomici *θυρεοειδής*, id est scutiforme, ipsam appellarunt. Alia autẽ basin *κρηταειδής*, id est anuli figuram imitantem, efficiens, postremæ ipsius asperæ arteriæ chartilagini G literam imitanti incubet: scutiformi verò in priori sui ipsius parte subiacet. hinc introrsum, stomachum versus secedens, in sublime attolitur, ac excavatur ita, ut quicquid laryngis chartilago scutiformis sine tegumento reliquerat, id proposita nũc in sermone chartilago in sublime euecta, repleat. Sed quoniam haud facile alicui eorum quæ in hoc mudo nomen sortita sunt, hæc chartilago assimilari potuit, atque ita denominari: nominis defectu vocata est. Reliqua ab his chartilago, quæ tũ positione, tum magnitudine tertia est, in suprema innominatæ chartilaginis parte est sita, gutturniis, infundibulisve, quas & arytænas appellat, haud abfimilis: vnde hanc quoque chartilaginem arytæ-

neædem nominant

* * *

in nominatæ: propria basi prope eos, qui veluti humeri sunt. Hæ quidem sunt propriæ laryngis chartilagines. Nam quæ à radice linguæ exoritur, quam etiam epiglottida, (quasi superligulam dixeris) appellant, ipsius bronchi non est propria. [Est verò aliquid linguæ subiectum, quod & facile flecti potest: idq; etiam sanè ostendemus.]

Musculorum laryngis dissectio.

C A P. V.

EX laryngis verò musculis, quidā sibi ipsi sunt proprii, quidam aliis quoq; particulis communes existunt. De communibus igitur prius dicamus: quando quidem prius, quàm alij, sub aspectum cadunt. Duo quidem ab humilibus costis illius ossis quod à similitudine y literæ, hyoædes appellatur, incipiētes. per totam scutiformis chartilaginis longitudinem extenduntur: eiusdēmq; extremitatibus in priori parte inseruntur. Alij item duo ab eiusdem scutiformis locis incipientes, ac per totam asperæ arteriæ longitudinem deorsum exporrecti: in pectoralis ossis principium inseruntur. Duo itē à lateribus scutiformis incipientes, stomacho gulæve circumnascuntur, in extremitate sibi mutuo coeūtes. Ex iis verò qui proprii laryngis sunt, quatuor ab infernis scutiformis regionibus initiū sumentes, bini à dextris & bini à sinistris, magnitudine prorsus inter se æquales, exterior ab exterioribus, interior ab interioribus regionibus enati, alteri chartilagini in priori parte inseruntur. Alij autē ab innominata
char

chartilagine exorientes, sursum medij extenduntur, ac tertiæ adnascuntur. Alij verò ab eadem chartilagine incipientes, alter à dextris, à sinistris alter, sursum ad eos qui veluti humeri sunt, exportecti, propter ipsas dearticulationes arytænoædi adnascuntur. Reliqua propriorum laryngis musculorum coniugatio ab extremis quidem tum infernis tum internis ipsius scutiformis partibus exoritur; ac per laryngis capacitatem obliquè sursum progressa, tertiæ chartilagini inseritur. Tot sunt numero laryngis muscoli. Duo verò alij in arytænoæde comperiuntur, haud tamen in omnibus animalibus, præcipuèque in parua voce præditi, inter quæ etiam sumia numeratur. Porro cum muscoli quoque iam sint ostensi, de chartilaginibus prius dicamus: quandoquidè hoc etiam pacto ostensionem fecimus.

*Cur larynx ex chartilaginibus & eisdem tribus
constitutus sit; & modus, quo vox
fit docetur.*

CAP. VI.

SANè quòd satius fuerit ex tot ac talibus chartilaginibus caput bronchi constitui, patet. Nam si per hypothelam ipsas auferres, ac reliqua relinqueres: meatus certè consideret, ac transitus ipsius spiritus clauderetur: vt non solum voce, sed & respiratione quoque priuatum, id est mortuum redderetur corpus. Musculi enim propria priuarentur actione: quippe qui nihil solidi, id est laryngis corpora, trahere, cōtrahereque suis ipsorum motibus possent. Si autem laryngis corpus ex ossibus factum fuisset: primùm quidem duritiæ ac læui

sæuitia gulam sibi proximam compressisset, ac
 deglutitioni impedimēto fuisset: deinde pondere
 suo linguā, ac pharyngethron, id est, os hyodes,
 detraxisset, eorumq; actiones oblaxisset maiori-
 bus præterea musculis, utpote grauius corpus
 moturis, indiguisset: ob idq; multa angustia ac
 deformitas in hac parte contigisset. Si verò ex
 ossibus tenuibus fuisse cōstructum: facile ea fuif-
 sent cōpacta: quippè quæ fragilia, rebúsq; omni-
 bus extrinsecis expolita fuissent. Cùm alioqui
 præstabat eiusmodi corpus vocis instrumentū
 haud fieri: quippè quod duram, scæuāmq; in aera
 percussione faceret. Neque enim quod adeò
 molle est corpus, ut cedat ac consentiat, vocem
 vnquā fecisset: neque rursus quod durum est,
 quòdque promptè aerem tum secat: tum euertit:
 verum quod moderatè cedit, blandeq; spiritum
 pulsāt, id certè vocis causa efficitur. Hoc porrò
 corpus, veluti tibia quædā fit linguā, lingulāve,
 id est τῆ γλωττῆς siue τῆ γλωττίδος, personans. Dūmque
 aerem spiritumve chartilaginibus percutit, me-
 diocriter cedens (mediæ siquidem inter carnem
 & os naturæ existit: quippe caro à spiritu euerti
 potest: os, sæuam percussione facere ex sui na-
 tura solet) sonum edit, vocisq; causa fit. Meritò
 igitur ut vocis instrumentum, ex chartilagini-
 bus factus est bronchus. Meritò etiam talem, quò
 difficulter pateretur, sortitus est constitutionem.
 Quin potius sanè, omnium ceruicis corporum
 propugnaculum extitit. Nam chartilaginum na-
 tura difficilius quàm reliqua corpora patitur:
 neq; enim frangitur sicut os, quippe quæ flecta-

tur ac cedat: nec diuiditur sicut caro: sed amborū
 profectò patiendi difficultatem, id est *Αυωάθειαν*,
 imitatur: ossis, quā ipsum haud facillè diuidi: car-
 nis, quā ipsa haud frangi soleat. Ideòque natura
 ubiq; chartilaginea protendit corpora, eiusmodi
 sunt aures, palpebræ * quin & ungues talis natu-
 ræ existunt. Quæ certè corpora minimum quidē
 perdurarent, nisi præter duritiem, perseuerantiam
 quoq; nacta fuissent. Rectè ergo bróchus ut vo-
 cis instrumētū ex chartilaginibus quò resonaret,
 constitutus est: Rectè etiā, quòd ob spiritū nō cō-
 cidat: Rectè, quòd gibba ipsius pars difficulter
 patiatur. Ex vna autem chartilagine non est con-
 flatus, sicut auris, sed ex tribus sanè coeuntibus.
 Nam cū hæc pars utilis esse debuerat tum ad vo-
 cem, tum ad spiritus cohibitionem, tum denique
 ad exufflationem. * quæ sanè satius fuerat nostræ
 obtemperantia voluntati moueri: necesse est, quæ
 ita mouentur, ex pluribus ossibus vel chartilagi-
 nibus cōponi, lure igitur merito etiam bron-
 chus ex pluribus conflatus est chartilaginibus:
 quò non ut meatus solūm, sed ut instrumentum
 etiam voluntarium inseruiat. Ex tribus autem &
 non pluribus chartilaginibus factus fuit, ob eius-
 cernodi causam. Cū enim duplices genere sint
 laryngis motiones, quibus tum dilatatur ac con-
 stringitur, tum clauditur ac aperitur: duabus id
 circo dearticulationibus sibi opus fuit, quarum
 singulæ singulis motibus inseruiunt. Duas verò
 dearticulationes à tribus (quod minimū est) char-
 tilaginibus coeuntibus fieri necessariū fuit: Ita ut
 dilatio & cōstrictio ab ea dearticulatione, quæ
 est

est primæ chartilaginis ad secundam: clausio & apertio ab ea, quæ est secundæ ad tertiam, perficiatur. Multa sanè etiam de magnitudine quoque & figura & compositionis modo dicenda forent: quæ tamen ne longius sermonem protrahamus, prætermitemus. Cum nos ex prædictorum consecutione, de illis quoque excogitare valeamus.

Musculorum laryngis actio inuestigatur.

CAP.

VII.

Musculorum porrò actio communis atq; vna omnium existit. Omnes enim per suas ipsorum fibras à longitudine in crassitiem contracti, partem in quam inserti sunt, trahunt. Nam extensio, non actio, sed affectus ipsis est: oppositis nimirum musculis ipsos in contrarium trahentibus. Tale igitur quippià cum in bronchi capite vsuueniat; musculorum exortibus inspectis, eorum actionem consideremus. Quando ergo musculi illi qui ab ossè hyoide exorti, in extremasque scutiformis partes extensi inferuntur, agunt: in priora sursumque hanc primam chartilaginem attrahunt; ipsamque à secunda reposcunt. Quando verò illi, qui à pectorali ossè exoriuntur, agunt ad infernas ipsam partes trahunt: interim verò superiores laryngis partes dilatantur. Hi ergo etiam arteriæ longitudinem erigunt ita, ut non curuetur plicaturve, præsertim in animalibus longū collum habentibus. Adstringunt autem in superioribus regionibus scutiformem chartilaginem musculi illi, qui in supremis ipsius partibus enati, gulæ in orbem adnascuntur: idem præterea deglutitioni cō-

ducunt. Inferiores autē eiusdē cartilaginis partes à quatuor adstringuntur musculis, qui laryngis proprij sunt, qui inquam ab extremis primæ cartilaginis partibus exoriētes, in secūdā inferuntur. Hi ergo omnes musculi dilatationē contractionēq; laryngis efficiunt: reliqui verò ipsum claudūt & aperiūt. Ac claudūt quidē, qui in capitis brōchi capacitāte sunt collocati: qui sanē ab extremis internisq; primæ cartilaginis partibus exoriūtur, atq; in tertiā inferuntur. His porrò ipsis conducunt musculi illi parui, qui in arytenoide sunt, nō in omnibus profectō animantibus inuēti: arytenoide crumenis cōtractis, dū ipsam contrahunt, similē reddentes. Cōtrario verò motu tertiā cartilaginem illi musculi mouent: qui à spina innominatæ cartilaginis enati, sursum in eā ipsius partē, quæ maximè media est: porriguntur. Hi ergo in posteriora arytenoideæ cartilaginem reflectunt: aperiunt autem, qui ab eiusdem cartilaginis humeris enascuntur. Qui verò intra laryngē collocantur, qui sanē obliqui sunt, validam actionē sunt adepti. sicuti in spiritus cohibitionibus manifestum nobis fit. Intenti enim hi musculi, laryngis capacitatem claudunt, nec spiritum exire foras permittunt, omnibus thoracis musculis resistentes. Vt autē clarius nobis fiat oratio, altius repetentes, pauca de respiratione dicamus.

Quomodo fiat inspiratio & expiratio.

C A P.

V I I I.

Respiratio fit, dum thoracis musculi intenduntur, & costas in sublime attollunt, ac totā internam capacitatem latiorē maioremque reddunt.

dunt. Interim autem accidit, ut pulmo dilatatus thoracem dilatatum insequatur. Cum autem ea quæ in pulmone est capacitas, maior reddita sit: ambiens aer per asperam arteriam & os & nares ad ipsam ab attractione vacuum consequente, quemadmodum in fabrorum folles, attrahitur. Hoc ergo modo inspiratio fit, plurimis thoracis musculis intētis. Spiritus verò latior, quæ extrorsum fit, quam expirationē vocant, hoc pacto fit: Musculi, qui contrario motu thoracem mouere creduntur, costas vnā cum septo transverso, qui & ipse latus musculus est, trahunt, thoracemque coarctant: qui compressus pulmonem cōstringit, atque ille compressus, recurrentem spiritum per bronchum & os foras extrudit. * *

Quot modis spiritus cohibitio fiat.

C A P. I X.

Spiritus igitur cohibitio tribus temporibus fiet, vel quādo, dum inspiramus, in agendo adhuc persistunt musculi thoracem dilatantes: vel quando rursus dum expiramus, in agendo persistunt musculi thoracē constringentes ita: ut alia pars spiritus reflecti, alia adhuc manere videatur. Fieri etiam potest in expirationis & inspirationis confinio κατ' ἐπιγίμνωσιν, id est per repletionem vocatam, quando musculi, qui inspirationem faciunt, cessant, incipiunt autem, qui expirationem præbent. Omnibus his temporibus modisq; spiritus cohibitio fit: in quibus prædicti musculi laryngis intrinseci quietem agunt. Alius autem modus cohibendi spiritus hoc pacto fit: Musculis thoracem dilatantibus quamplurimū agimus,

multoque spiritu pulmonem replemus: deinde internos laryngis musculos intendimus, spiritusque transitum claudimus: tuncque ad inspirationis successiōnem, actionem ducimus, thoracemque enixè cōstringimus, ac pulmonem haud inualidè comprimimus: Interim tamen musculi thoracem cōstringentes ab illis duobus, qui spiritus transitui resistūt, vincuntur. Hanc spiritus cōhibitionem, quia versūs ilia fit, *ἐς λαγυνάτους* Gymnastici appellant. Priores igitur spiritus cōhibitiones fiūt, musculis thoracis propriam sui ipsorum actionē sine pugna ac contentione perficientibus: Quæ verò nuper memorata est, mutua inter musculos thoracem cōstringentes, & eos qui laryngis capacitatem claudunt, concertatio est: dum illi extrudere spiritū, hi verò intus ipsum retinere volunt. Iam ergo manifestum nobis factum est, id quod à principio diximus: quod scilicet validissimam musculi hi actionem nacti sint, omnibus thoracem cōstringentibus musculis resistentes. Sanè musculi hi illis, qui ad vinarum deiectionūque exitus collocati sūt, proportionē respōdent. Sicuti enim illi, dum agunt, nutrimenti excrementa, ita hi spiritum, recludunt. Quādo igitur respirantes quamplurimum tum hos laryngis musculos, tum eos qui thoracem cōstringunt, intendimus: tensio illa, quæ *ἐς λαγύνας*, id est versūs ilia fit, efficitur. Quando verò respirantes maxime obnixè, laryngis musculos relinquimus, vehementius autem musculis thoracem cōstringentibus agimus: * * *

CLAVDII GA- LENI BREVIS DE-

notatio Dogmatum Hippocratis

quam Ioannes Stobæus scr-

monē nonagesimo nono

Galeno ascri-

psit,

*

CONRADO GESNERO
TIGVRINO MEDICO

INTERPRETE

*



ARTIS elementa ea sibi omnino placere dicit, quæ manifesta sunt. Cōstat igitur tum hōmo, tum animalia cūncta ex solidis, humidis, & spiritibus. Etenim ne stirpium quidē naturā triplici isto elemētōrum ordine caret: sed viuit, augetur, & progignit per istorum cōstitutionem. Itaque solidorum essentiam ossibus, nervis, & chartilaginibus assignat: deīndē membranis quoque, arteriis, & venis. Nam hæc in genere solidorum alicubi numerat. Illorum verò compactionis & formationis probabiles sequutus rationes, caput originem facit. Differuit autem de solidorum natura in libris de fracturis & articulis, ac aliis similibus: de spiritu in commentario de flatibus peculiariter inscripto:

de humidis in libro de humoribus, & altero de humana natura scripsit, & alibi sparsim. Sunt autem illi humores, sanguis, pituita, & vtraque bilis, scilicet flaua & atra. Ex his sanguinem ait natura calidum, & humidum esse, colore rubrum, qualitate dulcem: Pituitam verò, frigidam, & humidam, & albam, magisque falfam: at bilem flauam, calidam, & siccam, luteam & amarā: denique alteram, frigidam & siccam, nigram & flatuosam esse. Ætates etiam ei quadrifariam distinguere placet, annique partes similiter. Abundare autem inquit vnumquemque ex prædictis humoribus, ætate & anni parte sibi conueniente. Videlicet ætate puerili abundare sanguinem, ac tempore veris: Vigente autem, bilem flauam, & æstatis tempore: Postea declinante, nigram, itemque autumno: Demum in senectute, pituitam, necnon hyeme: Naturas enim humorum, temporibus anni respondere. Ita ver calidum & humidum est veluti sanguis: æstas, calida, & sicca: autumnus, frigidus, & siccus: postremò hyems, frigida & humida, simili ratione qua humores. Eodem modo diem quoque numero, naturæque partium diuidit, ut quæ supradictis parua quadam proportionem consentiant. In vniuersum autem viriles temperaturas à muliebribus differre author est: mares autem ad calidius, & siccus temperamentum inclinare: fœminas contrà ad frigidius, ac humidius. Et rursus aliud, sed minus discrimen, in vtroque sexu seorsim reperiri, propter situs regionum, & aeris proprietates, ac victus rationes. Ad hæc singu-

los humores in hominis corpore peculiarem vsum exhibere: Sanguinem alere, calfacere, sanitatem bonumque colorem efficere: bilem flauam, continere corpus, non permittere latentes meatus dissolui, incitare & acuire sensum, concoctioni prodesse, excrementorum ductus faciles, & apertos efficere: Atram verò bilem, sedem ac veluti fundamentum esse reliquis humoribus: postremò pituitam, neruis membranis, chartilaginibus, articulis & linguæ ad motus facilitatem prodesse. Item genitale semen tum viri, tum mulieris, ex æquo ei conferre videtur ad vitam foetui præstandam, idque ab omnibus corporis partibus abire. Et mares in dextro vteri latere, foeminas in sinistro generari. Præpollere autem dexteram partes læuis, & superiores inferioribus. Morborum causas censet aut iectibus violentis, aut ab aere ambiente nasci: plurimas verò ex prædictis humoribus, cum aut abundant, aut deficiunt, aut qualitate mutantur ex loco in locum transeunt. Prætereà vsum remediorum huiusmodi, quæ causis contraria sint, approbat. Morborum alios acutos facit, alios diuturnos, & alios medios. Fieri autem ait acutos, vt plurimum à bile & sanguine, ætate vigente, æstiuo aut verno tempore: diuturnos verò, à phlegmate & atra bile, idque in senibus & hyeme: medios autem, causis mistis prouenire. Item qui morbi salubres, qui contra lethales sint prænosse docet. Afferit quoque prænotationem & prædictionem necessariò ad artem pertinere, ac inter se differre: aliquando enim prænosse duntaxat oportere medi-

cum, aliquādo etiam prædicere tutum esse. Præ-
notationem diuidit in symptomata præterita; &
præsentia (quæ aliquid obscurum aut incertum
habent) & futura. Ad hæc decretorios dies co-
gnosci iubet: Nam acutas ægritudines magna ex
parte diebus imparibus, diurnas contra pari-
bus iudicari. Item æstate, in iuuenibus, parti-
bus dextris, & superioribus impares dies criticos
esse: in contrariis, pares. Quin etiam lo-
cos primario affectos inuestigare præ-
cipit: istis enim cognitis non
parum adiuuari medicum
& ad signa discernen-
dum, prædican-
dumque,
&
ad morbum curan-
dum.

*

CLAV

CLAVDII GAL- LENI FRAGMENTVM

*ex quatuor commentarijs, quos ipse
inscripsit de ijs quæ Me-
dicè dicta sunt in
Platonis Ti-
mæo,*

AVGVSTINO GADALDINO
MYTINENSI IN-
TERPRETE.

HOC fragmentum, à nobis inuentum, & La-
tinitate donatum, esse Galeni, stylus, & doctrina,
& libri, quos ipse à se scriptos citat, indicant.
Quin & Galenus quoq; octauo de dogmatibus
Hippocratis & Platonis libro, capite quinto, &
sexto, & libro de tremore, capite septimo, factu-
rum se explanationes in ea quæ medicè scripta
sunt in Platonis Timæo, pollicetur: ac in libro
de propriis libris commentarios de hac re qua-
tuor se fecisse affirmat.

P L A T O.

I Id verò quod in nervi, cutis, & ossis cō-
plicatione, quæ circa digitos fit, ex tribus his
est

est commistum, iam exsiccatum, vna communis omnium dura cutis exiit: causis quidem adiuuantibus (Græcè *ἐννοήσις*, id est cōcausis) his fabricatum: causa verò maximè principali, intelligentia inquam, eorum quæ postea erunt, gratia effectum. Quòd enim aliquando ex viris mulieres, & aliæ feræ gignendæ erāt, opifices illi nostri sciebant. Et sanè etiam quod vnguium vsu multis pecudibus ad multa opus foret, cognoscebant. Quare in hominibus statim, dum eos gignerent, vnguium generationē subfigurarunt. Hac sanè ratione, hisque occasionibus cutim, pilos, ac vngues in extremis membris genuerunt.

G A L E N I S.

*

*

*

propositis particulis: cutis verò ita eorum radices complectitur, vt gingiuae dentes. & sanè vngues subiectis venis aperte connascuntur. Quare non ex osse solo, neruoq; & cute, sed etiam ex carne, vena, membranis, & ligamētis vngues cōflatos fuisse quicumque vult, opinari potest. Sed de his tum in aliis quibusdam, tum in tertio de dissectione Hippocratis libro copiosius dictum est.

P L A T O.

2 Quoniam autem omnia mortalis animalis membra & partes connata erant, ipsumque in igne & spiritu vitam habere ex necessitate contingebat, atque ob hæc ab ijs liquatum vacuatúmque deficeret: præsidium huic Dei machinantur. Quippe humanæ naturæ naturam quandam cognatam alijs ideis ac sensibus miscentes, ita ut aliud animal sit, plantant. Talia sanè nunc sunt domesticæ arbores, & stirpes, & semina: quæ nunc ab agricoltatione consita, mitia erga nos sese habent: quondam verò sola erant agrestium genera, domesticis nimirum antiquiora. Quicquid igitur τὸ ζῷον, id est viuendi, est particeps, iure sanè τὸ ὄον (quasi vitale dixeris) id est animal rectissimè appellari potest. Id autem quod nunc dicimus, tertiæ est particeps speciei animæ, quam inter phrenas (id est mentes seu septum transversum) & umbilicum locari sermo est: cui nulla prorsus aut opinio, aut ratio, aut mens inest, sed sensus suavis & tristis cum cupiditatibus coniunctus. Omnia siquidem continuè patitur. Quia verò ipsa in seipsa circa se ipsam versa fuit, externumque

repudiavit motum, proprio verò est vſa: idcirco eam huic naturam non tribuit generatio, vt perſpiciendo ſuorum aliquid conſideret. Quam ob rem viuit quidem (Græcè ζῷον) nec eſt ab animali (Græcè ψῶν) diuerſa: ſtabilis autem radicataq; defixa eſt, propterea quòd motu extra ſe ipſa factò priuata fuit.

G A L E N U S.

Partes, id eſt μέρη omnia ea appellantur, quæ totum complent, vel in quæ totum diuiditur, priuatim verò membra, id eſt μέρη, animalium partes vocantur. Cum igitur hoc in loco Plato membra partibus oppoſuerit, aliam nobis ſignificati capiendi in vtroque nomine ſuſpicionem intulit: ita vt quæ propriam habent circunſcriptionem, altero iſtorum nominū indicarit: quæ verò horum ipſorum ſunt partes, altero: vtro tamen alterutrum, haud dum firmiter aſſeuerare poſſumus. Hoc ergo in nominibus & ſignificatis quæſtionem habet, nihil ad rerum ſcientiam conferens. Sed iam nos potiùs videamus, quæ de rebus ipſis diſputat Plato: vbi vitam noſtram in igne & ſpiritu ex neceſſitate eſſe ait. Nam cum quatuor ſint elementa ex quibus ſingula quæ generantur ortum habent, ignis, terra, aqua & aer: ex hiſ materialia quidem magis, terram & aqua: efficaciora verò præcipueque in animalibus, ignem & ſpiritum eſſe, ab omnibus ferè conſeſſum eſt. Id autem quod ab iis gubernatur corpus,

pus, multas non solum vacuationes manifestas, sed & sensu ignotas perspirationes & effluxiones habere est necesse. Ob hæc igitur nutrimento indiget, à quo id quod ex eorum substantia resoluitur, repleatur. atque huius nutrimenti causa Dei stirpes fabricarunt: quas etiam superius probabili ratione ab ipso animalia fuisse appellatas ostendimus. Cum enim prius supponatur, animam esse principium motus, stirpesque principium motus in se ipsis habere concedatur: animatae illae merito nominabuntur. Animatum verò corpus ab omnibus vocatur animal. Quod si etiam Aristoteles velit corpus ipsum non ob id solum, quoniam animatum sit, merito appellari animal, sed sibi opus esse ut sensibile addatur: ne hoc certe etiam ipso stirpes destituuntur. Ostensum enim à nobis est in commentariis de facultatibus naturalibus stirpes facultatem eam possidere, quantum familiares substantias à quibus nutriuntur, tum alienas à quibus læduntur, agnoscunt: ideoque familiares quidem attrahere, alienas verò auertere, atque propulsare. Ob id ergo, & ipse Plato stirpes genere proprio ac peculiari sensus participes esse dixit. Nam & familiare, & alienum agnoscunt. Hæc igitur in Platonis orationem satis abundè breuibus à me dicta sint. Superest autem ut eorum mentionem faciamus, qui vnam asserunt esse animæ nostræ substantiam, quæ tres facultates, rationalem, irascibilem, & concupiscibilem, habeat: cum & ipse etiam Plato tum sæpe aliàs (ut ostensum est) tum nihilo secius in præsentī quoque oratione speciem ani-

mæ ipsam cōcupiscibilem esse dixerit : quæ haud
 aliam quidem in stirpibus , aliam verò in nobis ,
 sed eandem naturam habeat : atq; in iecore sedem
 obtinere , non in eodem profectò loco vbi irasci-
 bilis , & rationalis habitant : quod tamen rationi
 consentaneum erat , si vnus substantiæ tres illæ
 essent facultates , quemadmodum illi asserunt , qui
 cor eiusmodi esse supponunt . Iure enim illi vnā
 statuentes substantiam animæ , tres ipsius esse ma-
 ximè generales facultates dicunt . Plato verò non
 eādem esse rationalis partis animæ substantiam
 quæ est ipsius irascibilis , & concupiscibilis , sed
 inter sese diuersas asserit : ac sæpius quidem ratio-
 nalem cum irascibili pugnare : nonnunquam ve-
 rò irascibilem rationali aduersus concupiscibi-
 lem in corpore habitantem opitulari . Ipse igitur
 totius nostræ animæ similitudinem , atque
 imaginem ad fabulosa animalia reduxit : Qua-
 lem sanè esse Chimææ , Scyllæ , Cerberiq; imagi-
 nem Poetæ fingūt . Nullum enim aliud ex iis quæ
 in mundo nunc sunt , inuenit , cui magis propriè ,
 magisq; accommodatè animam nostrā assimila-
 ret . Haud absimilis quoque quæ ad aurigam e-
 quosq; fit comparatio , est ab ea tamen quam in
 nono de Republ. libro tradit , superatur , in qua
 animā nostram cōpositis animalibus qualis esse
 Chimæra fabulatur , assimilari ait . Superiùs autē
 eius verba , vbi hæc ipsa narrat , apposui . Male-
 dicant igitur vt sui moris est , ridentes simul , ac
 scurrantes , detrahentésq; sermoni nostro , quasi
 nos nugemur , si tres quas demonstrauius , dica-
 mus esse animas : Atq; in cerebro quidē neruorū ,
 volunt

voluntariórúmque; motuum, ac quinq; prætereà sensuum principiū esse: in iecore, sanguinis & venarum, nutriendique; corpus, ac familiarem substantiam agnoscendi: in corde, arteriarum & innatæ caliditatis, pulsusque ac iræ. Plato verò hæc ipsa principia, species animarum appellat, non vnius substantiæ facultates duntaxat. Itaque cum diuersæ sint earum substantiæ, ac singularum in singulis prædictis visceribus sit habitatio, ei qui facultates tres nos habere vult, principia non animas appellare liceat. Nequaquam enim medicinæ vel philosophiæ officiemus, si animal à tribus principiis gubernari dixerimus: quorum alterum in cerebro, in corde alterum, tertium in iecore sedē obtineat. Sed de his satis. Quod verò in huius orationis fine scripsit, consideremus, quoniam pacto de stirpibus & de tertia animæ specie dictum sit. Quia verò ipsa in seipsa circa se ipsam versa fuit, externumque; repudiavit motum, proprio verò est usa, idcirco eam huic naturam generatio non tribuit, ut perspicendo suorum aliquid consideret. Videtur enim mox contraria huic dicere, ubi ait stabilem radicatamque defixam esse, propterea quod motu extra se ipsam facto, priuata fuerit. Verum in priori oratione de proprio ipsius motu intelligendum est, quemadmodum etiam re vera est, in quo ex paucissimo semine incipiens, tum sursum in aerem eleuatur, tum deorsum radices protendit, atque ex terra nutrimentum trahit, ipsumque ad extrema usque germina asportat, omniumque particularum incrementum longissimè protrahit: sed eo motu immobi-

lem esse, qui ab aliquibus *μταβατμνς*, id est transgres-
sorius appellatur: qui, dum pos situm permuta-
mus, & ex alio loco in alium cedimus, fit. Nam se-
cundum hunc motum ipsam stabilem radicatam-
que esse dixit. Atque hanc ego certè explanatio-
nem feci, Atticorum nimirum exemplarium edi-
tionem secutus. Nam cum in aliis codicibus scri-
ptum eompererim, *αὐτὰ τὴ ἀ ἐξ αὐτο κινῆσις*, id est pro-
pterea quod motu à se ipsa facto, deesse « elemen-
tum existimaui, atque hoc modo Platonem scri-
psisse, *αὐτὰ τὴ ἀ ἐξ αὐτο κινῆσις*, id est propterea quod
motu extra se ipsam facto, vt transgressorium dún-
taxat motum stirpibus denegauerit,

PLATO.

3 *Cum hæc sanè omnia genera superio-
res illi nobis inferioribus ad nutrimentum
plantauissent, corpus nostrum canalibus di-
duxerunt, secantes veluti in horto quodam ri-
uos, vt tanquam ex fluento inuadente irriga-
retur.*

GALENVS.

Stirpes ait à deis factas fuisse nutriendi cor-
poris nostri causa, earum nimirum fructibus ac
particulis in nostrum ventriculum deuoratis, ac
deinde in minutas portiones confraëtis, vt post-
eà per venas simili distribuerentur modo, quo per
riuos hortorum fit. Per ipsos etenim riuos aqua
fer

fertur, atque ad vicinas hortorum partes distribuitur, tantumque interualli hortorum cultores inter riuos faciunt, vt per id totum aqua quæ per distributionem intermedios locos ex riuis irrigatura est, meare valeat.

P L A T O.

4 *Ac primum quidē riuos occultos sub conflatione cutis & carnis, duas venas dorsales diuiserunt, sicut geminum erat corpus, in dextris nimirum & sinistris.*

G A L E N U S.

Ab hortorum exemplo riuorum seu canaliculorum, id est ὀχετῶν appellationem ad venas transtulit. Maximarum autem venarum meminit, à quibus omnes quæ in tota existunt corpore, oriuntur: atque ipsas dorsales appellauit, quod per totum dorsum ab internis nimirum ipsius regionibus extendantur. Vera igitur loquitur, cum vasa quæ in dorso sunt, venas appellat, quandoquidem ita etiam ab antiquis (vt superius dictum est) arteriæ vocabantur: haud vera autem dicit, cum duas idcirco esse venas ait, propterea quod geminum sit corpus. Neque enim eiusdem speciei sunt dorsi vasa, cum alterum tenuem ac pulsu priuatam habeat tunicam, alterum pulsantem venæque crassitudine quincuplā vel sexcuplam, quam peculiariter arteriam vocamus. Neque etiam ex his alterum in dextris, alterum in sinistris est partibus, sed ambo in media spina sunt: ab vtraque

verò horum regione nervus vnus, alter in dextris, alter in sinistris existit.

P L A T O.

§ Has autem ad spinam demiserunt, genitalémq; medullam mediam comprehenderunt, vt & hæc quàm maximè pullulet, & bene fluens hinc & alia quasi ad decliue effusio facta, irrigationem æquabilem præbeat,

G A L E N U S.

Genitalem medullam, dorsalem intelligit, cum & hæc vetus sit opinio, ita vt hippocrates quoque eiusdem particeps fuisse videatur: censuisseque à dorsali medulla semen ad maris pudendum descendere. Pullulare verò, id est βάλλειν medullam dixit, ob sanguineorum vasorum communicationem, quòd scilicet ab ipsis nutriatur. Atq; ad alias corporis particulas hinc ait æquabilem fieri effusionem, tanquam sanè ex magnis riuis in exiguos distributio fiat. Illud autem ἀπὸ τῆς κάτωθεν, id est quasi ad decliue, non admodum rectè dictum est. quippe sublimiores partes quæ circa collum & caput sunt, per venas nutriuntur. In iis igitur spinæ partibus, quæ infra septum transversum sunt, tum vena caua, tum maxima arteria super vertebrae incumbit, quousque ad eiusdem spinæ finem in crura scissio facta fuerit, eis verò partibus quæ supra septum sunt, arteria quidem longissimè super vertebrae exporrigitur: ipsi verò vena parua adiacet, eas duntaxat infernas thoracis

racis partes quæ in octo nothis costis habentur, nutriens. Reliqua autem tota spinæ pars superior, in qua tum quatuor primæ thoracis vertebræ, tum supra has etiam ad caput vsque vniuersæ colli vertebræ sitæ sunt, nec arteriam, nec venam sibi incumbentem habet. Sed nil (vt dixi) mirum est, ea, quæ ex anatomicè conspiciuntur ignorasse Platonem, quemadmodum etiam Homerum, qui ita cecinit.

*totam venam abscidit ense,
Perpetuò quæ ad cervicem per dorsa recurrit.*

P L A T O.

6 Post hæc partiendo circa caput venas, easque mutuò contrarias implicando, has quidem à dextris ad sinistra, illas verò à sinistris ad dextra corporis inclinando transmiserunt, vt capiti ad reliquum corpus vnà cum cute vinculum foret: quandoquidem caput secundum verticem à nervis in orbem non comprehendebatur. Atque etiam vt sensuum pathos, id est affectio, ab vtrisque partibus in totum corpus distribueretur.

G A L E N U S.

* * *
opinati sunt nonnulli venas partim ex sinistris ad dextra, partim ex dextris ad sinistra pertrahere. Qui verò diligentius dissecant, extrema ipsarum sibi mutuò vniri asserunt. quod & in aliis

etiam corporis partibus fit. Vinculum autem capitis, earum esse vnitionem existimat, vera nimirum ipsius vincula ignorās, maxima quidem quę in futuris sunt, exigua verò, tum membranam pericranion, id est quę circa caluariam est, tum ipsam cutim: quę adeò omni alia corporis cute crassior est, vt in interna ipsius parte quędam carni similis substantia tenuis exporrigi, circaque caluariam constringi videatur. Neruum verò in capite nullum esse ait, tum quia nec voluntarios, id est *πρᾶγμᾶτινός*, nec copulatiuos seu ligaméntales, id est *συνδυσμᾶτινός* appellatos, in capite esse sciat, tum etiam: quia venarum cum neruis mutuam fieri complicationem ignoret. Cùm verò dicit, vt sensuum affectio in totū corpus distribueretur: hoc etiam in loco haud intelligit sensus per neruos fieri: quod sanè etiam nonnulli (vt diximus) ex antiquis medicis ignorarunt.

P L A T O.

7 Hinc iam aquę ductum eiusmodi quodam modo præparauerunt: quod facilius perspiciemus, si hoc prius inter nos concessum fuerit, quòd omnia quę ex minutioribus constituta sunt, maiora continent, quę verò ex maioribus, minora cohibere non possunt. Ignis autem præ omnibus generibus, minutissimis constat partibus: vnde per aquam & terram, & aërem, & quę ex eis

constituuntur, permeat: ipseque à nullo contineri potest. Idem de nostro ventriculo cogitandum, quòd esculenta & poculenta cùm in ipsum ingesta fuerint, continet: spiritum verò & ignem, qui longè tenuiorum sunt partium, quàm sit eius constitutio, continere haud potest.

G A L E N U S.

Aquæductum, id est *ἀγᾶρῳ* sanguinis latitudinem per venas, nomine à prædicta similitudine ad riuum translato appellauit. Nunc verò aquæductum fieri ait, spiritu nimirum vnà cum caliditate per ventrè exeunte, ac deinde secum confractas nutrimenti particulas asportante. Caput porò orationis breuiter simul ac clarè mihi dictum est. Quæ verò deinceps dicuntur intellectu dictûque difficilia sunt. Ob idque postquam eorum explanationem in singulis dictionibus fecerò, in vnum deinde compendium omnia colligam.

P L A T O.

8 His igitur Deus ad irrigationem à ventre ad venas traducendam abusus fuit.

G A L E N U S.

His inquit præmemoratis spiritu & igne. Ignem enim nominat caliditatem quæ est in corpore, appellatorem nimirum ab elemento ipsum generante transferens: omne enim calidum per ignis exuperantiam tale euadit.

9 Rete enim ex aëre & igne cuiusmodi nassæ sunt, contextuit.

G A L E N U S.

Piscatorum nassas, id est νόστος intelligit, quas nisi quis prius conspexerit, ea quæ dicentur, mente consequi non poterit, explicatu difficilia cum sint, ita ut ab iis etiam qui nassas inspexere, vix intelligi possint. Si quis igitur maritimum domicilium habet, inspicere prius conetur piscatorum nassas: Si verò in locis incultis montuosissive habitet, at saltem talaros, id est calathos omnino vidit. Vbi igitur hos in basi quidem haud esse perforatos, supernum verò osculum reseratum habere excogitarit: animum sic deinde dicendis adhibeat.

P L A T O.

10 Quod duplices ad introitum nassulas habeat.

G A L E N U S.

Excogitata ab te piscatorum nassa, quod certe est rete simplex, in ipsa quoque alteram nassam excogitato, magnæ quidem ad similem, minorem tamen, contineri: quod porro est rete ex funibus confectum (quemadmodum etiam totum rete fit) à basi magnæ nassæ exporrectum: cuius sanè retis basis quidem illi communis existat, osculum verò non ad æqualem cum continenti nassa altitudinem ascendat, sed multò desinat inferius. Profectò si simplicem nassulam animo excogitaris; iam facilius duplici

plicem contemplari poteris : qualis enim est ea quam explicui, talem & aliam in magna nassa cōtentam supponas. Cūque hanc mente conceperis excogitato deinde ab vtraque nassula rete quoddam oblongum, ad osculum vsque magnæ nassæ extendi: ita vt piscibus in magnam nassam introitus bipartito sit scissus, cūm hiper vnum, alij per alterum ingrediātur. Ita enim eueniet, vt quamuis à se ipsis mutuò disgregati sint pisces, in vna tamen magna nassa contineri dicantur: quē admodum sanē & alio modo, non in vna paruarū nassarum, quas *ἰνυόγρια*, id est nassulas, appellauit.

P L A T O.

II *Quarum alteram rursus bicornem pertexuit.*

G A L E N U S.

Quarum inquit nassularū alteram bicornem pertexuit. cōmuni autem vsu à Græcis lignum bicornē, id est, *ἄλγυρον* nominatur, quod duo habeat cornua. Plato verò nunc appellationem ad alterius nassulæ osculum transtulit, vt & secundum hoc ipsum eā duplicē animo contemplemur. Obscuritatē verò attulit, cūm haud necessaria, in hac sermonis parte interposuerit. clarior enim foret interpretatio, si nos diceremus, quē admodū duas nassulas oratione descripsit, ita & osculū in superiore extrematē magnæ nassæ terminari. Vult enim vt nos excogitemus, cutim quæ extrinsecus vniuerso corpori circumiecta est, externæ circumscriptioni magnæ nassæ comparari: quæ

verò veluti nassulæ vacuæ in ipsa cõtinentur eis
 quę intra cutim habetur regionibus, ei inquã quę
 secundũ ventrẽ, & ei quę secundũ thoracẽ est, as-
 similari. Duæ enim ex his veluti tibiæ, id est ἀναι,
 ad oris capacitã ascẽdũt. Mihi verò in pręsenti,
 clarioris sermonis causa, excogitato nequaquam
 in corpore linguã cõtineri. Ita enim quę in inter-
 nã oris capacitã ascẽdũt tibiæ, erũt tũ stoma-
 chus seu gula ex vêtre: tum aspera vocata arteria
 perueniẽs ad pulmonẽ, in ea locatũ cauitate, quę al-
 teri nassulæ similitudine respõdet. Per hoc igitur
 osculũ respiratio fit ingrediẽte & egrediẽte spiri-
 tu: per alterũ verò comesta & bibita in vëtriculũ
 ferũtur. Plurima igitur vtratumq; materiã por-
 tio hoc pacto per os in corpus intrat. Paucã verò
 portionẽ per vtrũq; osculum tum spiritus nimi-
 rum in ventrẽ, tũ potionis in asperam arteriã pul-
 monẽq; simul ingredi vult. Cũ ipse ergo (vt di-
 ximus) interposuerit alterã nassularũ bicornẽ es-
 se, obscurum sermonẽ, cuiq; etiã simul cõtradici
 possit effecit. Respirationẽ enim asperę arterię bi-
 cornẽ esse dixit. Hoc autẽ dixit, propterea quòd
 respiratio nobis per nares & os fit: manducatio
 verò & potio, per os solũ. quo in loco accusandi
 cupidos contradicẽturos dico. Neq; enim duo illa
 cornua tũ quod per nares tũ quod per os proce-
 dit, alterius dũtaxat nassulæ esse dicent: quando-
 quidẽ os, alterius etiã nassulæ quę ad vëtre est,
 communis est terminus. Postquam ergo iã intelle-
 ctũ, excogitatũq; est, quã nam in nostro corpo-
 re magnæ nassæ, & quę nassulis assimilanda ve-
 lit, ad alia dẽinceps eius verba accedendum est.

P L A T O.

12 Et sanè à nassulis veluti funes circulo per totum corpus ad retis extrema extendit.

G A L E N U S.

Non amplius in piscatorum nassis reperitur quod huic proportionē respondeat. neque enim in nassulis ad continentis circuli rete funis ullus pervenit: cum tota illa intercapedo vacua sit: in nobis autem ex ventre & ex pulmone in totum corpus ad extremos vsque fines foras pertingunt venæ & arteriæ, quas funibus qui à nassulis ad nassas extenduntur, assimilât.

P L A T O.

13 Interiora igitur ipsius tricæ omnia ex igne. nassulas autem & receptaculum aëri similia constituit.

G A L E N U S.

Tricam, id est *ωλὸν* hoc loco intelligit totū id quod nassæ ad simile est, quādoquidem & intra ipsam etiam nassulæ sunt. Vult autē regionem ab his contentam aeris magis quā igni similem esse, atque ideo sermoni de tota trica habito adiecit, nassulas & receptaculum *ἀέρος*, id est aëri similia esse. Nassulæ igitur tales manifestò sunt: vacua enim regio solum aerem continens in thorace apparet. Receptaculum verò cur aëri simile dictum fuerit, non item manifestum est. Videtur enim receptaculum, id est *κότος* tanquam vnum corpus, de quo sermo habeatur, significare. Istud autem cum superioribus pugnare videtur. Siquidem totum

tum nassæ receptaculum tum à nassu'is repletur, tum ab eo etiam vniuerso quodcunque ab his in externam nassæ circumscriptionem peruenit:quò quatuor veluti funes extensos à nobis excogitandos esse inquibat, quos arterias venasque esse diximus. Relinquitur ergo sanè, vt prædictum nassæ receptaculum, extrinsecū ipsius iete esse excogitemus. Hoc enim est quod totam nassæ substantiam cōstituit. Quemadmodum igitur, quod inter nassam & nassulas erat, ab igne exuperari cogitabimus: ita etiā excogitari est necesse extrinsecum ipsius finem ab aere exuperari. * Nam quod est visceris receptaculum, illud idem in nobis vtiq; sit cutis, frīgida existens, vt ea quæ continentur * huic ambienti aeri continuum. Ac mihi sanè videtur velle Plato circumstantem aerem, qui tricæ contiguus est, portionem quandam nassæ esse in hócque præcipuè eius sermo obscuritatem habuisse videtur. Si enim hoc supponatur, omnia sibi mutuò in sequenti consentient oratione, ad quam accedere iam tempus est.

P L A T O.

14 *Cūque hæc assumpsisset, animali formato, hunc in modum circumposuit.*

G A L E N U S.

Prædicta ab ipso tricæ re vera quidem ac per se ipsam non est: eius autem intelligentia per se ipsam sumpta, ita postea animali accommodanda est.

P L A T O.

15 *Alteram quidem nassularum in ostrac-*

iecit: sed cum & hæc ipsa duplex existat, hanc per arterias in pulmonem, illam apud arterias in ventrem demisit: Alteram verò partitus, utranque ipsius partem per narium canales communem emisit: ut quando non per os iret altera, * ex hac omnia etiam illius fluxu replerentur. Reliquum verò receptaculum nassæ circa corpus quodcunque concauum in nobis est, circumplantauit.

* Sic habet antiqui co. ex impiet. *his autē inuerti potest. Ex hac omnia etiā illius fluentia replerentur.*

G A L E N U S.

Non hoc dicit, quòd alteram nassularum in os demisit. nam deinceps utique dixisset, alteram verò in hanc corporis partem demisit: sed ad tricā referens dixit: ut tota eius oratio talis ut dixi existat. Tres cum sint tricæ, vna quidem quæ magna nassa est, duæ verò reliquæ quæ veluti nassulæ sunt: nassularum quidem tricam in os trahit. sed cum & hæc duplex existat: per arterias quidem alteram * ipsarum in pulmonem: apud arterias verò alteram in ventrem demisit. Cum verò hæc ipsæ nassulæ duæ (ut dictum est) existant: alteram, quam sanè etiam prius bicornem esse dixit, partitus, utranque ipsius partem bipartito per canales narium communem emisit. Cur igitur communem ipsam dixerit, ipse mox declarat inquiring: ut quando non per os eat altera, ex hac omnia etiam illius, fluxu replentur. Nam respi-

rationis nasſula bicornis facta, duas ſpiritus vias habuit, vnam per os, alteram per nares, quæ ſanè, cùm fluxionis introitus qui per os ſit, aliquo modo quieuerit, illius vicem ſuppleat. Hæc cùm de naſſulis dixiſſet Plato, mox dicenda ſubiungit. Vocat autem ipſas radios, id eſt ἀκτίνες ab exuperante ſubſtantia ignis.

P L A T O.

16 Et ſanè vniuerſum iſtud, aliàs in naſſulas confluere molliter, nempe cùm aer ſit, fecit: aliàs verò à naſſulis quidem ſurſum fluere, per rete verò ipſum, tanquam rarum ſit corpus, tum intrò mergi, tum rurſus extrà emergere: internos verò ignis radios extenſos ſubſequi in vtranque partem migrante aëre. Hòcque donec mortale conſiſtit animal, fieri nūquàm ceſſat. Huic ſanè generi ἀναπνοή & ἐκπνοή, id eſt reſpirationē & exſpirationem nomen, ab eo, qui cognomina poſuit, fuiſſe poſitum dicimus. Omne autem hoc opus, omnisque noſtra hæc affectio corpori quod irrigatur & refrigeratur, nutrimentum & vita exiſtit. Quando enim intrò foràsque reſpiratione eunte internus ignis connexus ſequitur,

aſſi

assidue verò diuisus, ventrem ingressus, escu-
 lenta poculentâque sumpsit: ea certè liquefa-
 cit, ac in minutas particulas diuidens, per exi-
 tus, per quos ipse proficiscitur, traducens ve-
 luti ex fonte in riuos, id est venas, ipsa hauriēs,
 fluere per corpus tanquam per canalem, vena-
 rum fluentia facit.*

**διὰ τοῦ μέρ-
 ος, est in
 antiquis.
 Impressi
 cod. habet
 διὰ τοῦ μέρ-
 ος, id est
 ad subli-
 mia pene
 trans.*

G A L E N U S.

Cùm in memoriam nobis fuggerisisset, totam
 quidem istius corporis nassam, ad ipsam cutim,
 quæ extrinseco aeri continua est, terminari: vult
 quòd nos excogitemus ipsam in se ipsam veluti
 nassulas, duas aeris regiones, alterâ in ventriculo,
 alterâ in thorace habere: totum verò id quod in-
 ter has medium est, quod sanè est corpus, exten-
 sos ignis radios obtinere: quos rationi consenta-
 neum est, vt nos excogitemus per arterias & ve-
 nas extendi: & has ipsas esse vias lationis ad vtra-
 que tum ab interiori ad exterius, tum rursus ab
 exteriori ad interius. Duas enim esse motiones si-
 bi mutuò contrarias toti ipsi trix ait, aliquando
 quidem à nassulis ad ambientem vsque aerem, ali-
 quando verò ab ipso aere ad nassulas latione fa-
 cta. Quonam verò pacto motiones istæ fiant, &
 quid causæ sit cur nunquàm quandiu corpus vi-
 uit, cessent, in sequentibus dicet. Verùm in præ-
 sentiarum totum propositum sermonem in sum-
 mam

mam redigens, motionem quæ ad vtraque fit, duplicem tum respirationem, tū distributionem nutrimenti facere ait. Ego sanè totum id quod ex inspiratione & expiratione componitur, ἀναπνοή id est respirationem, antiquos ferè omnes medicos secutus, appellavi. Nam cū tres sint res, vna quidem ipsa quæ introrsum fit latio, secunda quæ extrorsum, & tertia quæ ex ambabus composita est: eam quidem spiritus lationem quæ introrsum fit, εισπνοή, id est inspirationem nominant: quæ verò extrorsum, εκπνοή, id est, expirationem: quod verò ex ambobus componitur, ἀναπνοή, id est, respirationem appellant. Plato verò inspirationem ipsam, respirationem nuncupavit, quam in arteriam, asperam scilicet, & vētrem fieri ait. Sed cū illa quæ extrorsum fit spiritus latio, eam quæ introrsum, in ea regione, quæ media inter nassulas & magnā nassam sita est, suscipiat: secari quidem asserit cibos & potus secundum eam quæ introrsum fit motionem lationemque totius tricæ: simul verò in corpus asportari caliditate & spiritu contractos. Hoc sanè est quæ à medicis ἀνάσσει, id est distributio appellatur, nutrimento per venas & per arterias in omnes corporis particulas migrante. Quid autē causæ sit, vt spiritus & caliditas vltro citroque feratur, post hæc ipse declarat.

PLATO.

17 Sed rursus inspiciamus quibus causis respirationis affectio in hunc modum qualis nunc est, facta fuerit, hoc sanè pacto. Cū

vacuū nullum sit, in quod quippiam ex ijs quæ feruntur, possit ingredi. spiritus autem è nobis extra feratur: omnibus iam posthac perspicuum est, quòd is nō in vacuum fertur, sed proximum sibi è sua sede pellit: idque quod pellitur, proximum etiam sibi extrudit. Atque secundum hanc necessitatem quicquid in eam sedem vnde spiritus exijt, circumtruditur, illhuc ingrediens, ipsamque replens, spiritum comitatur. totūque hoc instar rotæ quæ circumagatur, fit: propter à quòd vacuū nullum est. Quare cum pectus pulmòque extra spiritum emisserint, rursus replentur ab aere corpus ambiēte, qui intrò per raras carnes mergitur & circumtruditur: rursus verò aer reuertens, ac per corpus foras exiens, intrò respirationem per oris ac narium transitum circumpellit.

G A L E N U S.

Nec in hac oratione Plato primam respirationis causam attulit: quandoquidem postquam hanc absoluit, aliam déinceps subsequenter inchoat, in hunc sanè modum. Causa verò principij horū hæc statuenda est, &c. Quid igitur est id, quòd in præsentī oratione dixit? ipsum profectò dogma per circumpulsionem (Græcè περιπνεύσις) appellatam, per quam vult respirationem perspirationemque

fieri: Ita autē nos appellamus, respirationē quidē, id est ἀναπνοήν vt diximus, quod ex inspiratione & expiratione cōponitur, quādo per os ambo fiunt: per spirationē verò, id est διαπνοήν, quādo per totū corpus. Hæc autem vtrāq; per circumpulsionem vult fieri, hoc pacto. Cū per os expiramur, accidere ait, vt qui ex nassulis extra fertur aer, externum aerem per cutim solam circumpellat, hic autem ad corporis profundum feratur, locum aeris extra per expirationem migrantis replens: Cū verò rursus aer in externam lationem, quæ per cutim fit, impetum facit: tūc accidere ait, vt à calore & spiritu circumpulsus rursus externus aer, per os intra corpus feratur. Quæ sanè res (vt diximus) inspiratio magis propriè quàm respiratio à medicis appellatur. Hanc autem circumpulsionē fieri ait Plato ob vacui necessitatē, id est, ne vllus locus, vacuus euadat. ob idque cū aliquid vacuatur, quod cōtinuum est sequitur: illius locum replens. quod Erasistratus τὴν πρὸς τὸ κορεσθῆναι ἀναπνοήν, id est consecutionem ad id quod vacuatur, nominare solet.

P L A T O.

18 *Causa verò principij horum hæc statuenda est. Omne animal omnino in sui ipsius sanguine venisque caliditatem veluti in se ipso fontem quendam ignis existentem habet. quod sanè reti nassæ assimilatum, per medium extensum, totum ex igne contextum est. reli-*

qua verò quacumq; extrinsecus sunt, ex aere. Calidum sanè secundum naturam in suam regionem foras ad id quod sibi cognatum est, migrare est fatendum. Cùm verò duo sint exitus, alter per corpus extra, alter per os ac nares: quando in alteram partem impetum fecerit, id quod in altera parte est, circumpellit. quod verò circumpulsum est, in ignem incidens, calefit: quod exit, refrigeratur. Cùm verò mutatur calor, & quæ ad alterum exitum sunt, calidiora fiunt, rursus quod illhuc vergit, calidius multò redditum, ad suam ipsius naturam migrans, id quod in altera parte est, circumpellit. id autè eadē patiens eadēmq; retribuens semper, circulo ita huc illhucque fluctuans, ab vtrisque elaboratum, respirationis & expirationis generationem præbet.

G A L E N U S.

Apertè nunc indicauit regionem quæ in profundo est, in qua ait esse veluti nassam quam fontem quendam ignis nominauit. Hanc igitur caliditatem sursum ad id quod sibi cognatum est, recurrere vult. Si igitur per oris exitum * caloris impetus migrare præuertit, calidum tunc internis cauitatibus aeris similibus incidens, simul quidem secare ac frangere ea quæ in ipsis cauitati-

bus sunt, simul verò extrinsecum quoq; aerem secum trahere ait: sicque vsu venire, vt id quod circumpulsum est, in calidum, quem sanè ignem appellauit, incidens, calefiat: quod verò exit, refrigeretur. Tuncque rursus sequi, vt quod calefactum est, ad sibi cognatum per externā superficiem recurrat: hocq; rursus consequatur is qui in internis cauitatibus est aer, quem mox sequatur is qui vsque ad os est, quem rursus externus cōsequatur ab exeunte circumpulsus, (propterea quòd nulla sit vacua regio, quæ id quod à corpore extra fertur, suscipiat,) & in hunc modum rursus pulsus vicinus aer, ipse quoque rursus cōtinuum pellat, ac ille itidem eum qui post ipsum est: quousque tandem in hac circumpulsione rursus in id quod ex corpore vacuatur aer ipsum replens aduenerit. Eiusmodi igitur motio non exquisitus fit circulus, qui ad eadem omnino circūfertur, sed vt ipse dixit *ἐνταῦθα καὶ ἐκεῖ*, id est huc & illhuc. In hocq; Platonis opinio ab Academicorum opinione, non quemadmodum Erasistratus dicebat, differt. Volunt enim Academici vt per exquisitum circulū perpetuò aer ad eadem ac simili modo circumferatur. Plato verò non per circulum vult, sed per duos, vt quispiam dicat, semicirculos, qui cōtrario inter se motu moueantur,

P L A T O,

19 *Quin etiam causæ affectionum quæ ob cucurbitulas medicas fiunt, atque etiam positiones, & eorum insuper quæ iaciuntur siue*
emitt

emittantur sublimia, siue deferantur humi, hoc
vtrique modo tractandæ sunt. Soni præterea
quicumque veloces & tardi, acuti & graues
videntur, aliàs dissoni propter motionis quæ in
nobis ab ipsis fit, dissimilitudinem, aliàs conso-
ni propter similitudinem. Priorum enim ve-
lociorumque motiones cessantes iamque ad
simile progressas, tardiores ipsi soni illis, de-
inceps sese offerentes illasque mouentes, com-
prehendunt: comprehendentes verò, non a-
liam quidem motionem iniiciendo pertur-
bant, sed tardioris lationis initium secundum
principium velocioris inducunt. Dum verò
desinentis motionis similitudinem accommo-
dant, vnâ ex acuta & graui affectionem
contemperant. Vnde insipientibus volupta-
tem, sapientibus gaudiū propter diuinæ har-
moniae imitationem in mortalibus lationibus
factam tribuunt. Eadem ratio est de omnibus
aquarum fluentis, de fulminum casu, de admi-
rabili illo electri attractu, herculeorumque la-
pidum. Horū enim omnium nulli sanè attractio
vnquam est. Sed cum vacuū nullum sit, & hæc

seſe mutuò circumpellant, concretàque & diſcreta in ſuam ſedem ſingula tranſeuntia migrant: diligentibus rerum inueſtigatori ex mutuis affectionibus complicatis omnia admirabiliter fabricata eſſe videbuntur.

G A L E N U S.

Haud ſcio quid Platoni viſum fuerit, vt circūpulſionis opinionē potius, quàm attractionis eligeret, in hoc ſolo ferè ab Hippocrate diſcrepans. Nā quòd reſpiratio, ſiue ea opus ſiue affectio appellāda ſit, nō per circumpulſionē fiat, Eraſiſtratus Heliſtixi opinionē redarguens oſtēdit. Quòd verò attractio inter naturales facultates maximè præcipua ſit, tum in tractatione de facultatibus naturalibus in primo ſtatim libro oſtenſum eſt, tum etiā apertè antè quàm lōgioribus verbis demōſtretur, apparet. Siquis enim tibiā vel arundinē vtrinque perforatam in aquā demittēs, ore aerē attraxerit, aqua ſuccedet, nulla alia cauſa actionem quæ per attractionē ſit præcedente. Noſtrū igitur eſt quotieſcūque voluerimus, labris arundini circūiectis, quod in ea continetur, ad noſmetipſos trahere. Quòd ſi hoc noſtrū opus non eſt, haud quaquam principiū motiōis ex nobis habebit. Sed & ipſum etiā cor, quāuis ex animali extractū fuerit, motiōnē diutius tum in cōtractione, tum in dilatatione ſeruare conſpicitur. Quemadmodū igitur in cōtractione cor id quod in ſe ipſo cōtinetur, apertè exprimit: ita quoque in dilatatione quod repleturū eſt id quod ex eo vacuatum fuit, attrahit. *

PRINCIPIVM
PRIMI COMMENTA-
RII IN LIBRVM PRI-
MVM EPIDEMIO-
RVM HIPPO-

CRATIS,

*

QVOD IN ALIIS IMPRES-
*sionibus desiderabatur, nunc pri-
mum à Nicolao Machello Me-
dico Mutinensi La-
tinitate do-
natum.*

*

ARGVMENTVM.

*Liber Hippocratis legitimus, in cuius pri-
ma parte aëstrina, squalida, ac veluti nebulo-
sa tempestas describitur.*



NON hoc quidem libro Hippo-
crates Cous agere instituit de
propriis cuiusque regionis mor-
bis, sicut sanè alias nonnunquā,
quod ferè sermo ipsius omnis sit
de morbis qui passim grassantes
nominantur, qui ab regionalibus sic differunt:
quod hi quidem per aliquod tempus aliquam re-

gionem peruiadunt: hi verò incolas, ac si cognati essent, nullo non tempore comitentur. Quo factum est, vt in libro de aquis, aere, & locis regionales ægritudines docuerit, quæ per singulas habitationes fiant: hoc autem loco ægritudines, quæ per aliquod tempus passim vel ciuitates, vel nationes adoriantur. Et consueuit quidem ambo hæc ægritudinum genera & communia, & passim grassantia nuncupare, ceteras verò omnes *ἐκκεντράς*, id est dispersas, scilicet quæ non omnino multos, sed seorsum vnumquenque præhendunt. Nam sæpius Græci *ἐκκεντράς* pro dispergere, & ab inuicem separare vsurparunt. Et ad eum modum Thucydides de iuuenibus ait, Vere autem alii in alia ciuitatis parte dispersi perierunt. Horum autem morborum sicut generatio, ita & causa communis. Cùm igitur tres sint causæ à quibus morbi auspicantur. vna quidem in iis quæ offeruntur, altera verò in operibus quæ obimus, & tertia in iis quæ extrinsecus occurrunt nobis: per vnamquamque communes morbi fieri consueuere, ac præsertim quidem per affectum aeris nos ambientis. Non enim frequenter accidit, vt per ingestos cibos morbus communis ciuitatem, vel nationem, vel exercitum peruadat, sicut neque per communes tum occupationes, tum labores. At continens nos aer si immoderatus calefiat, vel frigescat, vel humescat, vel siccescat, corporum symmetriam, quæ sanitas est, confundit, interturbat, ac corrumpit. Aliis verò causis neque omnibus simul obuiamus, neque integrum diem subiicimur, sed aer solus extrinsecus omnes

omnes ambit, & inspiratur. Nō enim fieri potest, quin corporum animantium temperaturæ cum eius permutatione afficiantur ac permulentur. Et propterea ut Hippocrates ipse docet, verè quidem, humorum temperatissimus in bene temperata constitutione abundat: hyeme pituita, frigidissimus humor in frigidissima tempestate: sicuti flava bilis calidissimus humor in calidissima hora: & reliquus scilicet bilis atra autumno, perustis in æstate duobus succis, scilicet sanguine & pallida, quæ etiam flava bilis nominatur. Sic demum etiam morbi pro ratione vniuscuiusque tempestatis fiunt, similitudinem habentes cum natura succi exuberantis. At si per dictarum tempestatum appellationes dicti generarentur succi, quī fieret ut à sua temperatura aliquando degenerantes, alios generarent? Quia verò vnaquæque pro ratione suæ temperaturæ ac non propter nomen, prædictos succos auget, fit ut quando ambientis nos aeris temperatura permutatur, permulentur etiam succi necessitate cogente. Sicut ipse dicebat in Aphorismis. In tempestatibus si eadem die nunc quidem ætus, nunc verò frigus fiat, morbos autumnales expectare oportet. Sicut cum singulæ tempestates propriam temperaturam seruabant, pro suarum naturarum ratione morbi creabantur, ita si præter naturam permulentur, ad constitutionis æmulationem morbi fient. Cur igitur in vnaquaque tempestate non omnes vno & eodem morbo capiuntur? Quoniam sanè non parum ab inuicem distant, & per connatas naturas, & per ætates, necnon per vi-

uendi formas. Quocirca hic quidem facile cedit
 malitiæ temperaturæ præsentis tempestatis : alius
 verò quàm multùm repugnabit : alius verò læde-
 tur omnino nihil : alius verò per malam viuendi
 rationem priùs morbo occupabitur, quàm tem-
 pestatis sentiat læsionem. Nam sicut cùm ab am-
 biète lædebat, tali ægritudine capiebatur, quæ
 illius temperaturæ responderet, ita fiet, vt
 ægrotet pro delicti ratione, quod cõ-
 mittitur in viuendi forma. Hæc
 igitur quicumq; nouit non]
 solum qui in singulis
 tempestatibus
 emergunt,
 &c.

ORIB



ORIBASII DE CUCURBITVLIS, SCARIFI-

*catione, Hirudinibus, Deriuatione, &
Reuulsione sermo, in septimo, &
Octauo Medicinalium colle-
ctionum ad Iulianum*

*Imperatorem
libro,*

*

AVGVSTINO GADALDI,
NO MVTINENSI IN-
TERPRETE.

*

EX LIBRO SEPTIMO.

De Cucurbitula ex libris Galeni.

CAP. XV.



V C U R B I T V L A S
euacuatis prius corpori-
bus vtilis sunt. Nam vbi
ea plethorica sunt, cucur-
bitulis non vtimur. Ea-
dem etiam ratione vbi ce-
rebrum eiusq; membra-
na phlegmone vexantur,
cucurbitulis in affectuum principis non vti-
mur,

mur, quemadmodum sanè nec in vlla alia particula phlegmone laborante: sed vbi tum nihil amplius influxerit, tum totum corpus antè vacauerimus, vsusq; postularit, vt aliquid eorum quæ in parte phlegmone laborante continentur, moueamus, eruamúsq; vel ad exteriora extrahamus. Dum verò affectus etiamnum sunt, cucurbitula minimè membris laborare incipientibus, sed iis quæ his continuata sunt, reuulsionis causa imponenda est: in principio verò repellentibus est vtendum.

De Cucurbitula ex libris Antylli, ex secundo sermone de euacuantibus remedijs.

CAP. XVI.

IN mediocri dolore, & in similibus, leuibus vtiamur cucurbitulis, quæ scilicet sine incisione aptantur. At in quibus roborare volumus, vehementibus est vtendum. In oppletis verò particulis, quemadmodum & in iis quæ à corrupta vexantur materia, cum incisione admouemus. Oportet autem, antequam eas adhibeamus, vètrem iam emollitum fuisse: aut omnino nullam instantium excrementorum adesse suspicionem: ac priùs comedisse omnino, vel aquam priùs bibisse à leui nutrimento & iam subducto. Maximè verò oportet, si sanguinem detrahare volumus, vt primò pars parum * circumliniatur: Postea si ruborem sufficientem tumorémque à cucurbitula acquisierit, scarificetur: sin minùs, tertio cucurbitula affigi debet, quousque pars tumefacta, tum rubefacta fuerit. Quòd si ne tunc quidem tumor nec rubor effectus fuerit, spongiis part

* *al. fricetur.*

partes fouendæ sunt, quousque coloris euadant phœnicei: & ita déinceps scarificandæ. At si quis præcognouerit corpora non rubefacta iri, veluti in iis qui pingue habent abdomen, vel in refrigeratis, & in mulieribus, quæ pepererint: ante cucurbitularum applicationem cataplasma illis partibus imponendum est. Aliquando verò tumor validus à leuibus cucurbitulis fit, & colore liuidior: ac postquam scarificatus fuerit, parum vel nihil effluit: cum sanguis crassior existat, & quod antestat, sit carnosius. Itaque in his, spongiis præcipuè fouendus est locus, ac tenuis, benèque fluxilis reddendus est sanguis. Cauendum porrò est ne propè mammas cucurbitulæ ponantur: incidentes enim interdum in ipsas mammas, & admodum tumescentes, difficilem reddunt auulsione. Sanè applicandæ sunt cucurbitulæ cum modico igne: nam si vehementes apponantur, vapore inflammantes contendentesque corpora, nihil effatū dignum attrahunt. Notum autem est ita figurandas esse partes, vt sanguis in ipsis non immoretur, crassescensque impedimento sit effluxioni: sed vt pronus ad inferiora effluat. Postablationem verò cucurbitularum, si quod extractum fuerit, satis sit, partes postea curabimus: si nō satis, cucurbitulas denuò apponemus. In capite cum multo igne haud sunt infingendæ: vehementer enim attrahunt, difficultérque auelluntur: Quæ verò cum mediocri igne affiguntur, id quod opus est, perficiunt. Quando autem non possunt nisi difficulter auelli, spongiis ex calida eas circumplecti oportet: sic enim remittuntur;

tur:quòd si ne ita quoque remittantur,perforare ipsas oportet.

De Cucurbitularum differentia à materia & à figura sumpta.

Cucurbitularum differentia à materia sumptæ tres sunt,vitreæ,corneæ,æneæ. Nam argenteas,quia vehementiùs igniuntur, relicimus. Aenearum frequentior est vsus. Vti etiam vitreis possemus,in quibus sanguinis vacuationem considerare opus est. Corneis item in capite vti possemus, vbi æneas difficulter auulsas iri existimaremus: & in timidis quoque; quia ob flammam perterresunt. Quod ad figuram spectat,differentia præcipuè in æneis est.Sanè elatiores,humilio-ribus magis attrahunt.Humiliores in capite magis accommodantur:propterea quòd haud vehementer trahunt.Quæ plana habent labra,corporibus latitudinem habentibus:quæ refima,curuis & gracilibus commodiùs affiguntur.Quæ acutum os habent,illis competunt,in quibus scarificatione quidem non utimur, sed per leuium cucurbitularum applicationem vehementer attrahere volumus, labrorum acumine ad attractionis violentiam conferente. Quæ obtusa habent labra, tum in aliis membris,tum præcipuè in capite vtiliter applicantur. Aenearum cucurbitularum tractus,quemadmodum etiam vitrearum,per ignem fit:cornearum,sine igne. Quippe in extremo sunt perforatæ:cùmq; aptantur,vehementiùs à nobis ore per foramen exuguntur,sicq; attrahunt. Statim verò foramen digito cerâve clauditur.

*De Cucurbitulis ex libris Herodoti, ex sermonibus
de euacuantibus remedijs.*

CAP. XVII.

Cucurbitula verò potest *capitis materiam vacuare, dolorem soluere, phlegmonem minuere, inflationes discutere, appetentias reuocare, imbecillum exolutumq; stomachum roborare, animi defectiones remouere: quæ in profundo sunt, ad superficiem transferre, fluxiones exicare, sanguinis eruptiones cohibere, mensium circuitus suggerere, *φλογμονὸς ἀνέλκυσιν*, id est, facultates corruptionem inducentes, [seu medicamenta mortifera] attrahere, rigoribus finem imponere, circuitus soluere, à cataphora, id est inclinatione in somnū excitare, somnos conciliare, grauitates alleuare. Hæ & his similes sunt cucurbitularum facultates.

De Scarificatione ex Anryllo, ex sermonibus de euacuantibus remedijs.

CAP. XVIII.

Scarificamus partes corporis, tum quæ phlegmone, tum quæ scirrho laborant, siue distentæ sint doloréq; affligantur, siue fluxionibus fuerint vexatæ: nimirum vbi iam fluxio constiterit, aut acris materia adsit, aut vbi virulenta facultas extrinsecus inciderit, aut cum ex aliis partibus in aliam, traducere materiam studemus, sicuti crura affecto capite scarificamus: aut vbi materiam in corpore redundantem minuere volumus, præcipuèq; cum redundantia fiat ob materiæ, quæ de more expelli sit solita, suppressionē, quemadmodum suppressis hæmorrhoidibus, crura scarificamus,

mus. Sanè pars quæ scarificari debet, priùs si fieri potest, lauanda est: sin minùs aqua tepida quousq; rubefiat, est perfundenda, aut spongiis fouenda, aut soli igni ve exponenda, ac postea scarificanda. Infigendæ verò sunt incisiones, in cruribus quidem & abdomine, κατ' ἰσθμῶν, (id est per rectitudinem, seu longitudinem:) in thorace item, & dorso ac ceruice, eodem modo: in capite verò secundum capillorum positionem: in fronte autem per transversum. Magnitudine porrò inter sese sint æquales incisiones: & quæ inter eas sunt. intervallo, inter sese æqualia sint: Scarificationisq; initium ab infernis partibus sumatur. Ita enim sanguis ad superficiarias partes decurrens, cum quæ scarificari deinceps debebit, non obscurabit. Incisionū situs per æquales inter se ordines fiat. Scarificatio autem non κατὰ πλάτῃν, id est per percussionem, sed κατὰ ἐνγυῖον, id est per tractum est facienda. Hoc enim pacto citra dolorem fiet.

De scarificatione ex libris Apollonij.

C A P.

X I X.

CUm ad corroborationem & ad quâcunque corporis conseruationem plurimam etiam haberi vtilitatem ex sanguine compererim, qui sæpissimè quidem quantitate abundat, aliquando verò secundum qualitatem in deterius peruertitur: opinatus ipse sum, vbi ipse abundat, immutationem, vbi corruptus est, alterationem conuenire. Venas igitur sæpius eodem anno secare, non esse idoneum arbitratus sum: considerans quòd vnà cum sanguine multus etiam spiritus vitalis excernitur: dum autem hic absorbitur frequen

quantitas, vniuersa corporis moles refrigeratur, & omnia naturalia opera deteriora euadunt. Iudicauit ergo ab ignobilissimis particulis, sicuti à cruribus, sanguinis extractionem per scarificationem fieri debere: quâtitate habitu hominis vsuq; mensurata. Optimum verò præsidium est tum ad conseruationem sanitatis, tum ad eiusdem recuperationem, vbi ipsa deprauata fuerit * * vel ab aliquibus eiusmodi causis. Nemo tamē mephlebotomiâ explodere suspicetur. Ego enim illâ in maximis periculosisimisque affectibus nō omitto: in quibus sanè abunde affatimq; sanguinē effundere est opus. Nā prōinde vt affectus sunt vehementes, ita quoq; affatim vacuationes faciendæ sunt. Plethoram autē cōmoderatam, quæ aliquid mali factura sit, ac iam conuersionē in morbosum statū attingat, tibia quæ scarificationibus vexata fuerit, innoxiamq; totam quā volumus sanguinis illigationem reddiderit, citra validam totius molis cōmotionem, soluit. Sæpius enim plus quā par sit, cōgregatur. Quare tardandum nō est, vt, quotiescunq; plenitudinis signa inciderint, ipsam eo quo ostēdimus pacto, tollamus. Præstat enim tum viscera, tum quæ in toto corpore sunt vasa, intemperanter nō repleri (id est *μὴ ὑπερπληρῆσαι*) neq; distendi, sed potius interminata quadam relaxatione esse, vt naturalis spiritus expeditè permeare possit.

Scarificationem mulieribus quæ probè non purgantur, aliisq; multis affectibus prodesse.

C A P. X X.

Mulieribus, quibus purgatio prosperè nō succedit, scarificatio mirè auxiliatur. Nā quod

illhic ad debitam purgationem deerrat, id hac via vacuatur. Statutum autem purgationis tempus expectare oportet: tuncq; cum nihil vel parum sponte fluxerit, tato opere detrahente hoc auxilio uti debemus, quato opere usus postularit. Quibusdam etiã mulieribus, ut de more menstrue purgationes iterum redirent, hoc auxiliũ maximẽ contulit. Nam continua in inferiores partes sanguiniseductio, inclinationem viãque ipsi præbet. Ego sanẽ etiã valde ætate prouectas, quibus iam pridem nihil menstrui ferebatur, ubi aliqua corporea molestia cõflictarentur, hac curatione subleuo. Hæc enim mulierum propria est, multũq; habet efficacix: quippe quæ naturalis excretionis modũ imitetur. Porro vacuare interdũ soleo scalpello, id est similio: interdũ autem per hirudinum applicationem. Oculos etiam cum quidã ex lægo tempore ab incessabili fluxione infectos haberet, hoc præsidio sanatus est: cum nos alijs etiã localibus circa oculos auxiliis vfi fuissetus, totiusque corporis curam gessissetus. Senex etiam quidã, cum prius quidẽ longis, postea verò breuioribus interiectis interuallis, à strangulosa circa pulmonem angustia vexaretur, simili modo curatus est. Ea autem quantitas, quæ conueniens esse videbitur, vacuanda est, refrigeratiõq; est vitanda: ac nutrimentũ deinceps comoderatum, tribus quatuorve diebus est exhibendum. Et sanẽ dum pestilentia vehemens Asiam deprehendisset, multosq; perdidisset, meque etiã morbus attigisset: secunda morbi die, remissioẽ febris facta, crus scarificaui, duasq; ferẽ sanguinis libras detraxi: hæc q; de causa

sa

sa periculum vitæ. Pleriq; igitur etiam alij hoc præsidio vti, superstites euasere. Erant enim pleni tudinis signa. Illiq; precipuè saluabantur, qtti sanguinè copiosum exhauriebant. Igitur capitis etiã dolores moderatos, tonsillarũ, id est paristhmi, non phlegmonas, ac dolores circa latera recentes tollit. Nã diuturniora eiusmodi symptomata loca libus scarificationibus dissoluimus. Quin & qui à morbo resumuntur, difficultérq; in naturalem sibi ipsis habitudinè redeunt, nihil æquè sanè ad conuenientem bonamq; renutritionem ducit, vt sanguinis per scarificationem exhauritio.

De Hirudinibus ex libris Antylli, ex sermonibus de euacuantibus remedijs.

CAP. XXI.

Quidam captas hirudines diu includunt, eis-
que ad multa vtuntur. Ipsæ enim si mitescunt, carnem facillè apprehendunt: cum aliæ nõnunquã peregrinè sese gerant. Oportet autem has quidem, cum primũ eas experti fuerimus, applicare: quæ verò nuper captæ sunt, per dies seruare, exiguum sanguinis pro nutrimento iniicientes. Ita enim earũ virulentia * transpirabit. Sanè cum eis vti volumus, locus cui hirudines applicandæ sunt, nitro prius fricandus, ac sanguine cuius animalis, vel argilla humida inungendus, vel fouendus, vel vnguibus scalpendus: promptius enim apprehendent. Oportet autem ipsas in aquã tepidam & puram, in vase lato magnòq; contentam, iniicere, vt commotæ virus abiiciant: mox ubi eas spongia comprehenderimus, ac mucorem lentoremq; purgauerimus, manu admovebimus:

* alias exprimitur.

Atque vbi omnes inhæserint, oleum tepidū particulæ, ne refrigescat, infundemus. At si manibus pedibûsve affigendę sunt, pars ipsa in aquam, vbi hirudines sunt, iniicienda est. Quod si etiam eis vbi repletę fuerint, vti oportuerit, vel quia pauce hirudines præsto adfuerint, vel quia pauce apprehenderint, earum caudas forpice incidere oportet. Nam effluente sanguine trahere nunquàm desinunt, quousque nos salem, vel nitrum, vel cinerem, earum osculis inspergamus. Vbi verò exciderint, si locus cucurbitulam capere potuerit, per eius appositionem, virus extrahere debemus: validdè nimirum ipsam apponentes, celeritèrque auellentes. Si verò cucurbitulæ capax non fuerit, spōgiis fouendus is est. Cæterū si corpora vel oscula sublacryment, mannam, vel cuminum, vel farinā inspergito, ac postea lanam pauco madentē oleo conuoluito: sin sanguis etiam inde erumpat, linteola, vel aranearum telas ex aceto iniicito: aut gallam vstam, aut spongiam nouam pice liquida intinctam ac vstam, imponito: deinde chartula aceto irrigata imponenda ac illiganda est. Hæc autem in partibus quæ in medio corpore habentur, sunt peragenda. Nā in brachiis & cruribus, quæ Græcè vno nomine *σχιστά*, id est membra longa appellantur, solum etiam vinculum pro cohibendo sanguine satis est: quod postero die soluendum est. Si que sanguis constiterit, abiiciendum: si verò non constiterit, eisdem vtendum est. Scire autem oportet hirudines non ex profundo sanguinem trahere, sed cum qui carnibus adiacet, exugere. Eas autē in illis vsurpamus hominibus, qui

qui scarificationum incisiones pertimescunt: vel in illis partibus, in quibus cucurbitula ob earum paruitatem, vel gibbositatem & inæqualitatem aptari non potest. Hirudines auellimus, quando eius sanguinis quem arbitramur exhauriri oportere, dimidiam partem attractam fuisse coniecerimus. Et postea vsq; adeò effluere permittimus, quoad qui satis sit, excretus fuerit. Quoniam verò particula tum ab hirudinibus, quæ natura frigida sunt, tum ab aere refrigeratur, fouenda ipsa est, ac recalfacienda: sanguinisque fluxus non per refrigerantia, sed per attringentia & emplastica, ut diximus, est cohibendus.

De Hirudinibus ex Menemacho.

C A P. X X I I.

Hirudines locis affectis applicantur, vel eis qui proximi non pinguibus sunt. Nā oleum earū appetentiam subuertit. Porro in angustiam stricti calami ab vtraque parte haud perforati, vel per quidpiam simile, cum aptandæ sunt, demitti debent. Earum numerus à duabus magnitudinibus loci nimirum & affectionis, sumendus est. Auferantur, oleo calido earum labiis infuso.

* * Quod post earum ablationem effluit, digitus impositus cohibet. Excretionis quantitas ab hirudinum erectione conspicitur: sed euidentiùs ea etiā apparet, si congregata fuerit, quando hirudines à corporibus diuulsæ, sanguinem euomuerint. * * Sanè loci, quibus aptari hirudines debent, superficietenus scarificandi sunt: vbi enim illæ sanguinē gustauerint, auidiùs ipsum appetunt.

EX LIBRO OCTAVO.

De Derivatione ex libris Galeni.

CAP. XVIII.

Deriuatio (Græcè *παροχέτευσις*) eiusdem est generis cum euacuatione facta per particulam, quæ fluxionem suscipit. Fit autem per aliquam vicinarum partium. Exempli causa. Quando per gurgulionem vel palatum fertur fluxio, per nares certè ipsius deriuatio congruenter fiet, irritatione à nobis facta vel prouocatione per acria medicamenta. Quando verò ad oculos vel aures succi vergunt, deriuare ipsos non in nares tantum, sed & in ipsum etiam os debemus, medicamentum id, quod ex origano & sapa confectum est, idq; etiam quod ex sinapi constat, diluenda gargarizandâq; exhibentes. Scimus etiam quòd staphisagria, id est pedicularis herba, comanducata, pyrethrum, omniâq; id genus acria, succorum abundantiam, quæ in oculos vel aures ex capite fertur, ad os traducūt. Deriuatio etiam fit si id quod per asperam arteriam in pulmonem defluit, ad stomachū diuertamus. Hoc enim magis eligendum: Nec secus etiam si mulieri per sedis venas sanguis irrumpat, cūmq; ad vteri venas traducamus. Riutare igitur (Græcè *ῥιτῖναι*) est per riuos ducere: Deriuare verò (id est *παροχεῖναι*) est à riuis ad latera diuertere.

De Reuulsione ex Galeni libris.

CAP. XIX.

Vehementissimos succorum influxus reuulsoriis præfidiis confertim ingruere prohibemus.

mus. Reuulsoria autem præsidia sunt, vincula quidem brachiorum & crurum, id est, τὴν κλίσιν, vbi succi in thoracem & ventrem inclinant; Vomitus autem, vbi ad inferiora declinant: Quemadmodum etiam acres clysteres, vbi ad vomitum vergunt. Has verò ambas succorum inclinationes, eam inquam quæ per superiorem, & eam quæ per inferiorem ventrem fit, ad vrinas ac sudores retrahes. Quin & vrinas quoque tum ad sudores, tum ad alui quoque deiectiones reuelles. Reuulsorium etiam præsidium est, quæ iuxta mammas apponitur cucurbitula. Quæ verò hypochondriis affiguntur, sæpenumero sanguinis ad nares impetum potenter reuulsisse conspexistis: quemadmodum etiam sanè immodicas per vterum irruptiones. Acris etiam medicamenta brachiis & manibus, id est, τοῖς ὡδαῖς, imposita, succos ad caput visceraque vergentes, reuellunt. In summa, reuulsio facienda est, dextrorsum quidem, vbi succi ad superiora: sursum, vbi ad inferiora vergunt: & vbi introrsum, ad exteriora: vbi extrorsum, ad interiora. Ita quoque; si dextrorsum inclinant, in sinistram; si sinistrorsum, ad dextram reuulsio facienda est: Sic sanè fluxiones quæ retro inclinant, in priora reuellendæ: quæ in priora, in posteriorem regionem abduçendæ sunt.

FINIS ALIQVOT
OPVSCVLORVM

G A L E N I,

*

Lugduni,
EXCVDEBAT
PHILIBERTVS
ROLLETIVS.

